



An Bhruiséil, 20 Nollaig 2017
(OR. en)

15879/17

**Comhad Idirinstiúideach:
2016/0379 (COD)**

**ENER 518
ENV 1079
CLIMA 353
COMPET 885
CONSOM 404
FISC 362
CODEC 2110**

TORADH NA nIMEACHTAÍ

ó:	Ardrúnaíocht na Comhairle
chuig:	na toscaireachtaí
Uimh. an doic. roimhe seo:	15237/17
Uimh. an doic. ón gCoim.:	15135/1/16 ENER 418 ENV 758 CLIMA 169 COMPET 637 CONSOM 301 FISC 221 IA 131 CODEC 1809 REV1 + ADD 1 REV 1 + ADD 2 REV 1
Ábhar:	Togra le haghaidh RIALACHÁN Ó PHARLAIMINT NA hEORPA AGUS ÓN gCOMHAIRLE maidir leis an margadh inmheánach sa leictreachas (athmhúnlú)

Ar an 18 Nollaig 2017, scrúdaigh an Chomhairle téacs comhréitigh na hUachtaránachta mar a leagtar amach san Iarscríbhinn é. Rinneadh an téacs a mhodhnú le linn an chruinnithe a bhí ag an gComhairle agus thángthas ar chur chuige ginearálta ina dhiaidh sin.

Trí bhíthin an chur chuige ghinearálta sin, bunaítear seasamh sealadach na Comhairle i leith an togra seo, rud atá ina bhonn don ullmhúchán don chaibidlíocht le Parlaimint na hEorpa.

Maidir le heilimintí breise a cuireadh leis an gcéad trí athbhreithniú (10681/2017, 10681/17 REV 1, 14625/17, 15237/17) le hais an togra ón gCoimisiún, cuirtear iad sin in iúl le **cló trom**.

Téacs nua ar bith a cuireadh isteach tar éis an chruinnithe a bhí ag an gComhairle ar an 18 Nollaig (15237/17), cuirtear sin in iúl le **cló trom agus líne faoi**.

Marcáiltear gach rud a scriosadh le [].

2016/0379 (COD)

Togra le haghaidh

RIALACHÁN Ó PHARLAIMINT NA hEORPA AGUS ÓN gCOMHAIRLE

maidir leis an margadh inmheánach sa leictreachas

(athmhúnlú)

(Téacs atá ábhartha maidir le LEE)

TÁ PARLAIMINT NA hEORPA AGUS COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh,, agus go háirithe Airteagal 194 (2) de,

Ag féachaint don togra ón gCoimisiún Eorpach,

Tar éis dóibh an dréachtghníomh reachtach a chur chuig na parlaimintí náisiúnta,

Ag féachaint don tuairim ó Choiste Eacnamaíoch agus Sóisialta na hEorpa,

Ag féachaint don tuairim ó Choiste na Réigiún,

Ag gníomhú dóibh i gcomhréir leis an ngnáthnós imeachta reachtach,

De bharr an méid seo a leanas:

- (1) Rinneadh Rialachán (CE) Uimh. 714/2009 ó Pharlaimint na hEorpa agus ón gComhairle¹ a leasú go suntasach roinnt uaireanta. Ós rud é go bhfuil tuilleadh leasuithe le déanamh air, ba cheart an Rialachán sin a athmhúnlú ar mhaithe le soiléireacht.
- (2) Tá sé mar aidhm ag an Aontas Fuinnimh fuinneamh **sábháilte**, slán, inbhuanaithe, iomaíoch, inacmhainne a chur ar fháil do thomhaltóirí – líonta tí agus gnóthaí. Go stairiúil, bhíodh an córas leictreachais faoi smacht ag monaplachtaí a bhí comhtháite go hingearach, faoi sheilbh poiblí go minic, a raibh gléasraí cumhachta móra láraithe núicléacha nó breosla iontaise acu. Is é is aidhm don mhargadh inmheánach sa leictreachas, atá á chur chun feidhme de réir a chéile ó 1999 ar aghaidh, ná fíor-rogha, deiseanna nua gnó agus tuilleadh trádála trasteorann a thabhairt do thomhaltóirí uile an Aontais, saoránaigh agus gnóthaí araon, chun éifeachtúlacht a mhéadú, chun praghsanna iomaíocha agus caighdeáin níos airde seirbhíse a bhaint amach agus chun rannchuidiú le slándáil an tsoláthair agus leis an inbhuanaitheacht. Tháinig méadú ar an iomaíocht, go háirithe ar an leibhéal mórdhíola, agus ar an trádáil trasteorann a bhuí leis an margadh inmheánach sa leictreachas. Tá sé mar bhunsraith fós le margadh fuinnimh éifeachtach.
- (3) Tá an t-athrú is mó ar chóras fuinnimh na hEorpa leis na scórtha bliain ar siúl faoi láthair agus tá an margadh leictreachais i gcoilár an athraithe sin. [] **A bhuí leis an athrú sin, cruthaítear agus éascaítear** deiseanna agus dúshláin nua do rannpháirtithe an mhargaidh. Ag an am céanna, fágann forbairtí teicneolaíochta gur féidir rannpháirtíocht na dtomhaltóirí agus an comhar trasteorann bheith ann faoi fhoirmeacha nua.

¹ Rialachán (CE) Uimh. 714/2009 ó Pharlaimint na hEorpa agus ón gComhairle an 13 Iúil 2009 maidir le coinníollacha rochtana ar an ngréasán um malartuithe trasteorann sa leictreachas agus lena n-aisghairtear Rialachán (CE) Uimh. 1228/2003 (IO L 211, 14.8.2009, lch. 15).

- (3a) Bunaítear leis an Rialachán seo rialacha chun feidhmiú an mhargaidh inmheánaigh fuinnimh a áirithiú, agus comhtháthaítear san am céanna líon teoranta de cheanglais a bhaineann le cineálacha fuinnimh in-athnuaite a fhorbairt agus le beartas comhshaoil, go háirithe [] roinnt rialacha sonracha a bhaineann le [] saoráidí áirithe giniúna cumhachta in-athnuaite i dtaca leis an bhfreagracht as cothromú, seoladh agus athsheoladh, mar aon le tairseach le haghaidh astaíochtaí CO₂ as acmhainn giniúna nua nuair a bhíonn sin faoi réir sásra acmhainne.**
- (4) Tharla méadú ar an saobhadh ar mhargadh mórdhíola an leictreachais de dheasca idirghabhálacha stáit – ar minic iad a bheith deartha go neamhchomhordaithe – rud a d'fhág drochiarmhairt ar chúrsaí infheistíochta agus trádála trasteorann.
- (5) San am a chuaigh thart, bhí tomhaltóirí leictreachais iomlán éighníomhach, agus formhór an ama ba ar praghsanna rialáilte, nach raibh aon bhaint dhíreach acu leis an margadh, a cheannaigh siad leictreachas. Amach anseo, is gá go mbeidh sé ar chumas na dtomhaltóirí bheith iomlán rannpháirteach sa mhargadh ar chomhchéim le rannpháirtithe eile sa mhargadh. Chun an sciar den fhuinneamh in-athnuaite a chomhtháthú, ar sciar den mhargadh é atá ag dul i méid, ba cheart úsáid a bhaint as gach foinse solúbthachta a bheidh ar fáil sa chóras leictreachais amach anseo, go háirithe freagairt don éileamh agus stóráil. [] Ní mór freisin go spreagfadh sé an éifeachtúlacht fuinnimh.
- (6) Ar mhaithe leis an margadh a bheith níos comhtháite agus de thoradh an athraithe i dtreo táirgeadh leictreachais atá níos luanaí, is gá iarrachtaí breise a dhéanamh chun beartais náisiúnta fuinnimh a chomhordú le beartais na gcomharsan agus na deiseanna a thagann ón trádáil fuinnimh trasteorann a thapú.
- (7) Tá forbairt tagtha ar na creataí rialála, rud a fhágann gur féidir leictreachas a thrádáil ar fud an Aontais. Tacaíodh leis an bhforbairt sin trí roinnt cód gréasáin, agus treoirlínte do chomhtháthú na margaí leictreachais, a ghlacadh. Tá forálacha sna cóid ghréasáin agus treoirlínte sin maidir le rialacha margaidh, oibriú na gcóras agus nascadh leis an ngréasán. Chun trédhearcacht iomlán a áirithiú agus deimhneacht dhlíthiúil a mhéadú, ba cheart na príomhphrionsabail i dtaca le feidhmiú an mhargaidh agus leithdháileadh acmhainne i gcreataí ama na margaí um chothromú, na margaí ionlae, na margaí lá roimh ré agus na margaí todhchaíochta a ghlacadh de bhun an ghnáthnós imeachta reachtaigh agus iad a chuimsiú in aon ghníomh amháin.

- (7a) De bhun Airteagal 13 den Treoirlíne don Chothromú a bhunaítear an próiseas faoinar féidir le hoibreoirí na gcóras tarchurtha a gcuid cúraimí ar fad, nó cuid díobh, a tharmligean chuig an tríú páirtí. Is ceart gur ar pé oibreoir córais tarchurtha a dhéanann an tarmligean a d'fhanfadh an fhreagracht as a áirithiú go gcomhlíontar na hoibleagáidí atá sa Rialachán seo. Ar an gcuma chéanna, is ceart go mbeadh ar chumas na mBallstát cúraimí agus oibleagáidí a shannadh chuig an tríú páirtí. Níor cheart a bheith i gceist le sannadh den sórt sin ach cúraimí agus oibleagáidí a chuirtear i gerích ar an leibhéal náisiúnta (mar shampla an éagothroime a shocrú). Níor cheart go mbeadh na teorainneacha sin ina siocair le hathruithe gan ghá ar na socruithe náisiúnta arb ann dóibh cheana. Mar sin féin, is ar oibreoirí na gcóras tarchurtha is ceart an fhreagracht a bheith i gcónaí as pé cúraimí a gcuirtear ar iontaoibh a ndéanta iad de bhun Airteagal 40 den [Treoir athmhúnlaithé maidir le Leictreachas].
- (7b) De bhun Airteagail 18, 30 agus 32 den Treoirlíne don Chothromú, ba cheart go ndéanfadh an modh praghsála do tháirgí caighdeánacha agus sonracha lena gcothromaítear fuinneamh dreasachtaí dearfacha a chruthú do rannpháirtithe sa mhargadh trí chothromú an chórais i limistéar phraghas na míchothromaíochta a choinneáil ar bun agus/nó trí chuidiú lena chur ar bun arís, agus trí mhíchothromaíochtaí córais agus costais don tsochaí a laghdú. Bíodh sé mar aidhm ag an gcur chuige sin úsáid éifeachtúil ó thaobh an gheilleagair de a bhaint as an bhfreagairt ar éileamh agus as acmhainní cothromúcháin eile faoi réir teorainneacha ar shlándáil oibríochtúil. Bíodh sé mar aidhm ag an gcur chuige a úsáidtear chun acmhainn don chothromú a sholáthar úsáid éifeachtúil ó thaobh an gheilleagair de a bhaint as an bhfreagairt ar éileamh agus as acmhainní cothromúcháin eile faoi réir teorainneacha ar shlándáil oibríochtúil.
- (7c) Is ceart go ndéanfadh comhtháthú na margaí fuinnimh éascú ar fheidhmiú éifeachtach an margaidh ionlae ar mhaithe le foráil a dhéanamh don fhéidearthacht atá ann do rannpháirtithe sa mhargadh iad féin a chothromú chomh gar is féidir don fhíor-am arna shocrú le hamanna dúnta an gheata um fhuinneamh don chothromú mar a shainmhínítear sin in Airteagal 24 den Treoirlíne don Chothromú. Ní ceart do na hoibreoirí córas tarchurtha ach na míchothromaíochtaí a bheidh fágtha tar éis dheireadh an mhargaidh ionlae a chothromú leis an margadh don chothromú. In Airteagal 53 den Treoirlíne don Chothromú, foráiltear do chomhchuibhiú dar luach 15 nóiméad a dhéanamh ar an tréimhse réitigh míchothromaíochta san Eoraip. Is ceart don chomhchuibhiú sin a bheith ina thaca ag an trádáil ionlae agus ina chothú chun tacar de tháirgí trádála a fhorbairt ag a mbeidh an fhuinneog seachadta chéanna.

- (7d) Chun a chur ar chumas na n-oibreoirí córas tarchurtha acmhainn don chothromú a sholáthar agus a úsáid ar bhealach éifeachtúil, eacnamúil, agus margadhbhunaithe, ní mór comhtháthú an mhargaidh a chothú. I dtaca leis an méid sin, i dTeideal IV den Treoirlíne don Chothromú, bunaítear trí cinn de mhodheolaíochtaí lenar féidir le hoibreoirí córas tarchurtha acmhainn traslimistéir a leithdháileadh ar mhaithe le hacmhainn don chothromú agus cúltacaí a chomhroinnt, ach sin a bheith indéanta ar bhonn anailís costas tairbhe: an próiseas comhoptamúcháin, an próiseas leithdháilte margadhbhunaithe, agus an leithdháileadh a bhunaítear ar anailís ar éifeachtúlacht eacnamaíoch. Is ar bhonn lá roimh ré is ceart an próiseas leithdháilte comhoptamúcháin a dhéanamh ach d'fhéadfaí an próiseas leithdháilte margadhbhunaithe a dhéanamh i gcás ina ndéantar an chonraitheoireacht tráth nach faide ná seachtain sula soláthraítear an acmhainn don chothromú; d'fhéadfaí an leithdháileadh a bhunaítear ar an anailís ar éifeachtúlacht eacnamaíoch a dhéanamh i gcás ina ndéantar an chonraitheoireacht tráth is faide ná seachtain sula soláthraítear an acmhainn don chothromú ar choinníoll go mbíonn teorainn leis na méideanna a leithdháiltear agus go ndéantar measúnú gach bliain. A luaithe a bheidh an próiseas leithdháilte don acmhainn traslimistéir formheasta ag na húdaráis rialála ábhartha, d'fhéadfadh dhá oibreoir córas tarchurtha nó níos mó an mhodheolaíocht a chur i bhfeidhm go luath d'fhonn taithí a ghnóthachtáil agus d'fhonn gur fusaide d'oibreoirí córas tarchurtha eile é a chur chun feidhme ina dhiaidh sin. Ina ainneoin sin, is ceart do gach oibreoir córas tarchurtha cur i bhfeidhm na modheolaíochta sin, nuair is ann di, a chomhchuibhiú d'fhonn comhtháthú an mhargaidh a chothú.
- (7e) De réir Theideal V den Treoirlíne don Chothromú, is é is cuspóir ginearálta don réiteach míchothromaíochta a áirithiú go dtacaíonn gach páirtí a bhfuil freagracht air as an gcothromaíocht le cothromaíocht an chórais go héifeachtúil agus rannpháirtithe sa mhargadh a dhreasachtú le cothromaíocht an chórais a choinneáil ar bun agus/nó í a chur ar ais ar bun arís. Ionas gur féidir leis na margaí don chothromú agus leis an gcóras foriomlán fuinnimh a bheith in oiriúint do chomhtháthú sciaranna méadaitheacha foinsí athraitheacha in-athnuaite, ní mór go mbeadh na praghsanna do mhíchothromaíochtaí ina léiriú ar luach fíor-ama an fhuinnimh.

- (7f) Sa treoirlíne maidir le leithdháileadh acmhainne agus do bhainistiú ar phlódú², leagtar amach treoirlínte mionsonraithe faoi leithdháileadh traslimistéir acmhainne agus bainistiú ar phlódú sna margaí lá roimh ré agus ionlae, lena n-áirítear na ceanglais maidir le modheolaíochtaí coiteanna a bhunú lena gcinnfear méideanna na hacmhainne a chuirfear ar fáil in éineacht sna limistéir thairisceana, critéir measta éifeachtúlachta, agus próiseas athbhreithniúcháin chun na limistéir thairisceana a shainiú. Leagtar amach in Airteagal 32 agus in Airteagal 34 rialacha maidir le cumraíocht na limistéir thairisceana a athbhreithniú; in Airteagal 41 agus 54, leagtar amach teorainneacha comhchuibhithe maidir le praghsanna uasta agus íosta imréitigh le haghaidh frámaí ama lá roimh ré agus ionlae; leagtar amach in Airteagal 59 rialacha maidir le hamanna dúnta an gheata traslimistéir ionlae; agus in Airteagal 74 den treoirlíne, leagtar amach rialacha maidir le modheolaíocht a bhaineann le comhroinnt costas athsheolta agus friththrádála.**
- (7g) Sa treoirlíne don leithdháileadh todhchaí acmhainne,³ leagtar amach rialacha mionsonraithe faoi leithdháileadh traslimistéir acmhainne, faoi mhodheolaíocht choiteann a bhunú lena gcinnfear an acmhainn traslimistéir fhadtéarmach, faoi aon ardán amháin um leithdháileadh a bhunú ar an leibhéal Eorpach a chuirfeadh cearta fadtéarmacha tarchurtha ar fáil, agus rialacha faoin bhféidearthacht go bhféadfaí cearta fadtéarmacha tarchurtha a chur ar ais agus leithdháileadh todhchaí acmhainne a fháil ina dhiaidh sin ina n-ionad nó cearta fadtéarmacha tarchurtha a aistriú i measc rannpháirtithe sa mhargadh. Leagtar amach in Airteagal 30 den Treoirlíne rialacha maidir le táirgí fálaíthe todhchaíochta.**

² Rialachán (AE) Uimh. 2015/1222 ón gCoimisiún an 24 Iúil 2015 lena mbunaítear treoirlíne maidir le leithdháileadh acmhainne agus le bainistiú ar phlódú.

³ Rialachán (AE) Uimh. 2016/1719 ón gCoimisiún an 26 Meán Fómhair 2016 lena mbunaítear treoirlíne maidir le leithdháileadh todhchaí acmhainne.

- (7h) **Leagtar amach sa chód gréasáin na ceanglais atá ar ghineadóirí⁴ i dtaca le saoráidí giniúna cumhachta a nascadh leis an gcóras idirnasctha, eadhon modúil giniúna cumhachta sioncrónacha, modúil páirce cumhachta, agus modúil páirce cumhachta amach ón gcósta. Bíonn an méid sin ina chuidiú, dá bhrí sin, chun a áirithiú go mbeidh dálaí cothroma iomaíochta sa mhargadh inmheánach leictreachais, chun cinnteacht an chórais a áirithiú, agus chun foinsí in-athnuaite fuinnimh a chomhtháthú, agus chun an trádáil sa leictreachas a éascú ar fud an Aontais. Leagtar amach in Airteagal 66 agus in Airteagal 67 den chód gréasáin rialacha maidir le teicneolaíochtaí atá ag teacht chun cinn i réimse na giniúna leictreachais.**
- (8) Ba cheart a leagan amach i gcróiphriionsabail an mhargaidh gur bunaithe ar éileamh agus ar soláthar a shocrófar praghsanna leictreachais. Ba cheart comhartha a thabhairt leis na praghsanna sin ar thráthanna ina bhíonn leictreachas ag teastáil, le dreasachtaí margadhbhunaithe a sholáthar chun infheistíochtaí a dhéanamh i bhfoinsí solúbthachta amhail giniúint sholúbtha, idirnascadh, freagairt don éileamh nó stóráil.
- (9) **Bíodh is gur sprioc de chuid an Aontais** dícharbónú na hearnála fuinnimh, agus méadú ar an sciar den mhargadh atá ag foinsí in-athnuaite fuinnimh, tá sé ríthábhachtach go mbainfí den mhargadh na bacainní atá ann faoi láthair roimh thrádáil trasteorann agus go spreagfaí infheistíochtaí sa bhonneagar tacaíochta, mar shampla, giniúint níos solúbtha, idirnascadh, freagairt don éileamh agus stóráil. Chun tacú leis an athrú seo chuig giniúint inathraithe agus dháilte, agus chun a áirithiú go mbeidh priionsabail an mhargaidh fuinnimh ina mbunús leis na margaí fuinnimh a bheidh san Aontas amach anseo, tá sé ríthábhachtach béim as an nua a leagan ar mhargaí gearrthearma agus ar phraghsáil bunaithe ar theirce.

⁴ Rialachán (AE) Uimh. 2016/631 ón gCoimisiún, 14 Aibreán 2016 lena mbunaítear cód gréasáin i dtaobh ceanglais maidir le gineadóirí a nascadh le heangacha.

- (10) Feabhsóidh na margáí gearrthearma an leachtacht agus an iomaíocht toisc go mbeidh ról níos iomláine sa mhargadh ag líon níos mó acmhainní, go háirithe acmhainní atá níos solúbtha. Tabharfaidh praghsáil éifeachtach teirce spreagadh do rannpháirtithe sa mhargadh le bheith ar fáil ag an tráth is mó a mbeidh éileamh orthu agus áirithíonn sé gur féidir leo a gcostas a chumhdach ar an margadh mórdhíola. Dá bhrí sin tá sé ríthábhachtach a áirithiú deireadh a chur, a mhéad agus is féidir, leis na huasteorainneacha praghsála riaracháin agus intuigthe chun go mbeidh praghsanna teirce in ann méadú go sroichfidh siad luach atá ar chailliúint lóid. Nuair a bheidh sí leabaithe go hiomlán i struchtúr an mhargaidh, beidh margáí gearrthearmacha agus praghsáil teirce ina gcuidiú chun roinnt de na bearta eile a bhaint, sásraí acmhainne mar shampla, ar mhaithe le slándáil an tsoláthair a áirithiú. Ag an am céanna, níor cheart go gcuirfi i mbaol, le praghsáil teirce gan uasteorainneacha praghsála sa mhargadh mórdhíola, an deis a bheith ann praghsanna iontaofa cobhsaí a bheith ar fáil do chustaiméirí deiridh, go háirithe líonta tí agus FBManna.
- (11) **Faoi réir rialacha an Aontais maidir le státchabhair de bhun Airteagail 107, 108 agus 109**, laghdaíonn maoluithe ó bhunphrionsabail an mhargaidh, amhail freagracht as cothromú, seoladh margadhbhunaithe, nó ciorrú agus athsheoladh, laghdaíonn siad comharthaí solúbthachta agus feidhmíonn siad mar bhacainní roimh fhorbairt na réiteach ar nós stóráil, freagairt don éileamh nó comhiomlánú. Cé go bhfuil maoluithe riachtanach fós chun ualach riaracháin gan ghá ar ghníomhaithe áirithe, go háirithe líonta tí agus FBManna, a sheachaint, níl maoluithe leathana lena gcumhdaítear teicneolaíochtaí iomlána ag teacht leis an aidhm chun próiseas don dícharbónú margadhbhunaithe éifeachtach a bhaint amach, dá bhrí sin, ba cheart bearta atá níos spriocdhírthe a chur ina n-áit.

- (12) Is é atá sa réamhchoinníoll maidir le hiomaíocht éifeachtach sa mhargadh inmheánach sa leictreachas ná muirir neamh-idirdhealaitheacha agus trédhearcacha a bheith ann ar úsáid an ghréasáin, lena n-áirítear línte idirnasetha sa chóras tarchurtha. **I ngeall ar chiorruithe neamhchomhordaithe a bheith á ndéanamh ar acmhainní na n-idirnascairí, tá méadú ag teacht ar an teorannú atáthar a dhéanamh ar mhalartú an leictreachais i measc na mBallstát ionas gur constaic thromchúiseach anois an méid sin roimh mhargadh inmheánach feidhmiúil leictreachais a fhorbairt.** Is ceart acmhainn infhála [] na n-idirnascairí a shocrú dá bhrí sin ar an leibhéal is airde is comhsheasmhach leis na caighdeáin sábháilteachta faoinar féidir leis an gcóras feidhmiú go sábháilte lena n-áirítear slándáil (n-1) a urramú. Mar sin féin, tá roinnt teorainneacha a bhaineann leis an leibhéal acmhainne a shocrú i eangach mogalra. Níor cheart go rachadh leibhéal na sreabha neamhsceidéalta thar an méid a d'fhéadfaí a bheith ag súil leis i limistéar tairisceana gan plódú struchtúrach a bheith ann. D'fhéadfadh fadhbanna breise intuartha a bheith ann agus slándáil na n-eangach á áirithiú, mar shampla i gcás eangach a chothabháil. Chomh maith leis sin d'fhéadfadh saincheistean slándála eangach a bheith ann de réir an cháis. Ní ghlacfar le teorainneacha níos airde ná an leibhéal sin ach i gcás na hidirthréimhse teoranta a mbeidh gá léi chun [] staid reatha fhisiciúil na n-eangach a oiriúnú chun leas iomlán a bhaint as acmhainn uasta na n-idirnascairí. Ba cheart go n-áiritheofaí leis an spriocthagarmharc, agus, más infheidhme, an chonair líneach atá ag gabháil don leibhéal sin, go mbeadh sciar íosta d'acmhainn an idirnascaire ar fáil don trádáil nó á úsáid i ríomh na hacmhainne faoi seach. Níor cheart lúbshreabha a chur san áireamh ach amháin chun acmhainn a ríomh a mhéid a bheidís ann gan plódú inmheánach. Cé go bhféadfaí údar a thabhairt le teorainneacha áirithe atá imscríofa go soiléir in acmhainn traslimistéir, ba cheart íostairseach a chur i bhfeidhm lena gcuirfear cosc ar úsáid iomarcach na bhféidearthachtaí maoluithe agus lena gcuirfear luach intuartha acmhainne ar fáil do rannpháirtithe sa mhargadh. I gcás ina n-úsáidtear cur chuige sreabhadhbhunaithe, ba cheart don tairseach seo a chinneadh sciar íosta d'acmhainn teirmeach idirnascaire a úsáidfead mar ionchur do ríomh comhordaithe acmhainne faoin treoirlíne maidir le ríomh acmhainne agus bainistiú ar phlódú.

- (13) Tá sé tábhachtach go seachnófar saobhadh iomaíochta mar thoradh ar chaighdeáin éagsúla sábháilteachta, oibríochta agus pleanála a bheith in úsáid ag oibreoirí córas tarchurtha sna Ballstáit. Thairis sin, ba cheart go mbeadh trédhearcacht ann do rannpháirtithe sa mhargadh maidir leis an acmhainn aistriithe atá ar fáil agus maidir leis na caighdeáin slándála, pleanála agus oibríochta a dhéanann difear don acmhainn aistriithe atá ar fáil.
- (14) Chun na hinfheistíochtaí atá de dhíth a stiúradh go héifeachtach, ní mór do phraghsanna comharthaí a thabhairt faoin áit is mó ina bhfuil an leictreachas ag teastáil. Faoi chórais leictreachais atá bunaithe ar limistéir, is gá, chun comharthaí cearta a thabhairt faoi na suíomhanna, limistéir tairisceana a chinneadh ar mhodh comhsheasmhach oibiachtúil iontaofa trí phróiseas trédhearcach. Chun a áirithiú go ndéanfar gréasán leictreachais an Aontais a oibriú agus a phleanáil ar bhealach éifeachtach agus chun comharthaí praghsála éifeachtacha a chur ar fáil don acmhainn nua ghiniúna, don fhreagairt don éileamh nó don bhonneagar tarchuir, ba cheart do na limistéir tairisceana bheith ina léiriú ar phlódú struchtúrach. Go háirithe, níor cheart acmhainn traslimistéir a laghdú chun plódú inmheánach a réiteach.

(14a) Chun prionsabail éagsúla a bhaineann le barrfeabhsú limistéar tairisceana a léiriú gan margaí leachtacha agus infheistíochtaí eangach chur i gcontúirt, ba cheart foráil a dhéanamh do dhá rogha chun plódú a shárú. Féadfaidh na Ballstáit cinneadh a dhéanamh idir deighilt sa limistéar tairisceana nó bearta amhail atreisiú na n-eangach agus barr feabhais na n-eangach. Is é an pointe tosaigh ar cheart a bheith ann do chinneadh den sórt sin plóduithe struchtúrtha fadtéarmacha a shainnithint ag oibreoir córais tarchurtha Ballstáit nó leis an athbhreithniú ar limistéir thairisceana. Ba cheart do na Ballstáit iarracht a dhéanamh teacht ar réiteach comhchoiteann ar dtús maidir leis an mbealach is fearr le dul i ngleic le plódú. Ar an gcaoi sin, d'fhéadfadh na Ballstáit pleananna ilnáisiúnta nó náisiúnta a ghlacadh chun plódú a shárú. Ag deireadh chur chun feidhme an phlean gníomhaíochta, ba cheart féidearthacht a bheith ag Ballstáit rogha a dhéanamh an bhfuil siad ag iarraidh glacadh le deighilt nó leis an bplódú atá fágtha a chumhdach le gníomhaíochtaí feabhais a mbeidh na costais dóibh le cumhdach acu. Sa chás deireanach, ní dhéanfar iad a roinnt i gcoinne a dtola, fad is a bhaintear amach tagarmharc an leibhéil íosta acmhainne. Ba cheart go mbeadh an leibhéal íosta acmhainne ar cheart a úsáid i ríomh acmhainne ina chéatadán d'acmhainn eiliminte criticiúla líonra tar éis cloí le teorainneacha slándála oibríochtúla i staid teagmhais agus an corrlach iontaofachta á chur san áireamh. Níor cheart d'acmhainn na n-eilimintí criticiúla líonra plódú inmheánach ná sreafaí inmheánacha atá ag imeacht ó na limistéir tairisceana chéanna agus ag dul isteach iontu a chur san áireamh gan iad a sceidealú. Ba cheart gurb indéanta cinneadh ón gCoimisiún maidir le cumraíocht ar an limistéar tairisceana mar rogha dheiridh agus gan leasú a dhéanamh ar chumraíocht an limistéir tairisceana ach amháin sna Ballstáit sin a roghnaigh an deighilt nó nach bhfuil leibhéal íosta an tagarmhairc bainte amach acu. I gcás na mBallstát atá ag glacadh plean gníomhaíochta chun plóduithe a shárú le bearta, ba cheart feidhm a bheith ag tréimhse chéimniúcháin maidir leis na hidirnáis cairí a oscailt. Chun na críche sin, ba cheart do na Ballstáit teacht ar chomhaontú maidir le conair líneach arb é a túsphointe an acmhainn a sannadh ag an teorainn seo roimh chur chun feidhme an phlean gníomhaíochta.

- (15) Chun comhtháthú éifeachtúil a dhéanamh ar an margadh, is gá deireadh a chur go córasach le bacainní roimh an trádáil trasteorann chun ilroinnt na margaí a réiteach agus chun go mbeidh custaiméirí fuinnimh an Aontais in ann tairbhe iomlán a bhaint as na buntáistí a thagann ó mhargaí leictreachais comhtháite agus ón iomaíocht.
- (16) Leis an Rialachán seo, ba cheart go leagfaí síos bunphrionsabail maidir le taraifiú agus leithdháileadh acmhainne, agus ba cheart go bhforálfaí go nglacfar treoirlínte ina dtabharfar mionsonraí maidir le tuilleadh prionsabal agus modheolaíochtaí ábhartha, d'fhonn go bhféadfaí oiriúnú gasta a dhéanamh do chúinsí athraitheacha.
- (17) Ba cheart go ndéanadh bainistiú ar fhadhbanna an phlódaithe comharthaí eacnamaíocha cuí a sholáthar d'oibreoirí córas tarchurtha agus do rannpháirtithe sa mhargadh agus ba cheart go mbeadh an bainistiú sin bunaithe ar shásraí an mhargaidh.
- (18) I margadh atá oscailte, iomaíoch, ba cheart go gcúiteofaí oibreoirí córas tarchurtha as na costais a thabhaítear mar thoradh ar shreabha leictreachais trasteorann a óstáil ar a ngréasáin agus gurbh iad oibreoirí na gcóras tarchurtha ina dtionscnaítear na sreabha trasteorann sin agus na gcóras tarchurtha ina gcríochnaíonn siad a chúiteodh iad.
- (19) Ba cheart íocaíochtaí agus fáltais a eascraíonn as cúiteamh idir oibreoirí córas tarchurtha a chur san áireamh le linn taraifí gréasáin náisiúnta a shocrú.

- (20) D'fhéadfadh sé go mbeidh difríochtaí móra ann maidir leis an méid iarbhír is iníoctha ar rochtain trasteorann ar an gcóras, ag brath ar an oibreoir córais tarchurtha lena mbaineann agus mar thoradh ar dhifríochtaí i struchtúr na gcóras taraifithe a chuirtear i bhfeidhm sna Ballstáit. Dá bhrí sin, tá leibhéal áirithe comhchuibhithe riachtanach chun saobhadh trádála a sheachaint.
- (21) Ba cheart go mbeadh rialacha ann maidir le húsáid an ioncaim a eascraíonn as nósanna imeachta um bainistiú ar phlódú, mura rud é go mbeadh cineál sonrath an idirnascaire lena mbaineann ina údar maith le díolúine ó na rialacha sin.
- (22) Chun go mbeidh cothroime iomaíochta ann idir rannpháirtithe uile an mhargaidh, ba cheart taraifí nua gréasáin a chur i bhfeidhm ar bhealach a fhágann nach ndéantar idirdhealú idir táirgeadh atá nasctha ar leibhéal an dáileacháin thar táirgeadh atá nasctha ar leibhéal an tarchuir, bíodh idirdhealú dearfach nó diúltach i gceist. Níor cheart dóibh idirdhealú a dhéanamh i gcoinne stóráil fuinnimh, agus níor cheart go gcruthófaí dídhreasuithe leo i dtaca le bheith rannpháirteach sa fhreagairt don éileamh ná bheith ina bhacainn roimh feabhsuithe ar éifeachtúlacht fuinnimh.
- (23) Chun trédhearcacht agus inchomparáideacht a mhéadú agus taraifí á socrú i gcásanna ina meastar nach leor comhchuibhiú ceangailteach, is é Gníomhaireacht an Aontais Eorpaighum Chomhar idir Rialálaithe Fuinnimh arna bunú faoi [an t-athmhúnlú ar Rialachán (CE) Uimh. 713/2009 arna moladh faoin togra COM(2016) 863/2] ("an Ghníomhaireacht") is ceart **tuarscáil maidir leis an dea-chleachtas** do mhodheolaíochtaí i gcomhair taraifí a eisiúint.
- (24) Chun infheistíocht optamaithe san eangach thras-Eorpach a áirithiú ar bhealach níos fearr agus chun dul i ngleic leis an dúshlán nach féidir tionscadail inmharthana idirnáise a thógáil toisc nach dtugtar tús áite dóibh ar an leibhéal náisiúnta, ba cheart athmhachnamh a dhéanamh ar chíosanna ó phlódú agus **iad a bheith ina rannchuidiú []** chun an infhaighteacht a ráthú agus chun an acmhainn idirnáise a choinneáil nó a mhéadú.

- (25) Chun go n-áiritheofar bainistiú optamach an ghréasáin tarchurtha leictreachais agus chun go mbeifear in ann trádáil a dhéanamh sa leictreachas agus é a sholáthar thar theorainneacha san Aontas , ba cheart Gréasán Eorpach Oibreoirí na gCóras Tarchurtha don Leictreachas (ENTSO don Leictreachas) a bhunú. Ba cheart go gcuirfeadh ENTSO don Leictreachas a chuid cúraimí i gcrích i gcomhréir le rialacha iomaíochta an Aontais atá infheidhme i gcónaí maidir le cinní ENTSO don Leictreachas. Ba cheart go saineofaí cúraimí ENTSO don Leictreachas ar bhealach soiléir agus ba cheart go n-áiritheofaí lena mhodh oibre éifeachtúlacht, cineál ionadaíoch agus trédhearcacht ENTSO don Leictreachas. Níl sé beartaithe go ngabhfaidh na cóid ghréasáin a ullmhaíonn ENTSO don Leictreachas ionad na gcód gréasáin náisiúnta atá riachtanach maidir le saincheisteanna nach saincheisteanna trasteorann iad. De bhrí go bhféadfar dul chun cinn níos éifeachtaí a dhéanamh trí chur chuige ar an leibhéal réigiúnach, ba cheart d'oibreoirí córas tarchurtha struchtúir réigiúnacha a chur ar bun laistigh den struchtúr comhair foriomlán, agus go n-áireofaí ag an am céanna go mbeadh na torthaí ar an leibhéal réigiúnach comhoiriúnach le cóid ghréasáin agus le pleananna forbartha gréasáin neamhcheangailteacha deich mbliana ar leibhéal an Aontais . Ba cheart do na Ballstáit an comhar ar leibhéal réigiúnach a chur chun cinn mar aon le faireachán a dhéanamh ar éifeachtacht an ghréasáin ar an leibhéal sin. Ba cheart go mbeadh an comhar ar leibhéal réigiúnach comhoiriúnach leis an dul chun cinn i ndáil le margadh inmheánach iomaíoch agus éifeachtúil a bhaint amach i gcúrsaí leictreachais.
- (26) Ba cheart go ndéanfaidh ENTSO do Leictreachas measúnú leordhóthanachta cuimsitheach ar acmhainní ar leibhéal an Aontais sa mheántearma go fadtearma chun bonn oibiachtúil a chur ar fáil don mheasúnú ar ábhar inní ó thaobh leordhóthanachta de. **Chun an bonn oibiachtúil seo a chur ar fáil do gach cineál sásra acmhainne, déanfar na cineálacha éagsúla sásraí acmhainne a léiriú i gcásanna agus íogaireachtaí an mheasúnaithe leordhóthanachta acmhainní.** Ba cheart an t-ábhar inní i dtaca le leordhóthanacht acmhainní a dtéann sásraí acmhainne i ngleic leis a bheith bunaithe ar **mheasúnú [] dea-chomhordaithe náisiúnta agus Eorpach ar leordhóthanacht acmhainní.**

- (27) Ní hionann an cuspóir atá leis an measúnú ar leordhóthanacht acmhainní sa mheántéarma go fadtéarma (ó 10 mbliana chun tosaigh go bliain amháin chun tosaigh) agus an cuspóir atá leis an na hionchais shéasúracha (sé mhí chun tosaigh) a leagtar amach in Airteagal 9 de [an Rialachán maidir le Riosca-Ullmhacht arna moladh faoin togra COM(2016) 862]. Baintear úsáid as measúnaithe meántéarmacha go fadtéarmach den chuid is mó chun measúnú a dhéanamh ar na sásraí acmhainne, ach úsáidtear ionchais shéasúracha chun foláireamh a thabhairt maidir le rioscaí a d'fhéadfadh titim amach sna sé mhí amach anseo ar dócha gurb é an toradh a bheidh orthu go mbeidh meath suntasach ar an staid i dtaca le soláthar leictreachais. Chomh maith leis sin, tugann [] **Comhordaitheoirí Réigiúnacha Slándála** faoi mheasúnuithe ar leordhóthanacht réigiúnach mar a sainmhínítear sa reachtaíocht Eorpach ar oibriú na gcóras tarchurtha leictreachais. Is measúnuithe an-ghearrthéarmach iad sin (idir seachtain chun tosaigh go lá chun tosaigh) a úsáidtear i gcomhthéacs oibriú na gcóras.
- (28) Sula dtabharfar isteach na sásraí acmhainne, ba cheart do na Ballstáit measúnú a dhéanamh ar shaobhadh rialála atá ag cur leis an ábhar inní gaolmhar i dtaca le leordhóthanacht acmhainní. Ba cheart ceangal a bheith orthu bearta a ghlacadh chun deireadh a chur le saobhadh arna aithint, lena n-áirítear amlíne do chur chun feidhme na mbeart. Níor cheart sásraí acmhainne a thabhairt isteach ach i gcás na n-ábhar inní sin nach féidir a réiteach trí dheireadh a chur le saobhadh den sórt sin.
- (29) Na Ballstáit a bhfuil sé beartaithe acu sásraí acmhainne a thabhairt isteach, ba cheart dóibh spriocanna do leordhóthanacht acmhainní a leagan síos bunaithe ar phróiseas trédhearcach infhíoraithe. Ba cheart saoirse a bheith ag na Ballstáit an leibhéal is mian leo féin a shocrú do shlándáil an tsoláthair.
- (30) Is ceart na príomhphrionsabail maidir le sásraí acmhainne a leagan síos. Ba cheart athbhreithniú a dhéanamh ar na sásraí acmhainne atá i bhfeidhm cheana féin i bhfianaise na bprionsabal sin. I gcás ina léiríonn an measúnú Eorpach **agus náisiúnta** ar leordhóthanacht acmhainní nach bhfuil aon ábhar inní i dtaca le leordhóthanacht ann, níor cheart aon sásra acmhainne nua a bhunú agus níor cheart aon ghealltanas nua acmhainne a dhéanamh faoi shásraí atá i bhfeidhm cheana féin. Ní mór cloí le cur i bhfeidhm na rialacha maidir le rialú ar an státchabhair de bhun Airteagal 107 go hAirteagal 109 CFAE i gcónaí.

- (31) Ba cheart rialacha mionsonraithe a leagan síos chun rannpháirtíocht éifeachtach trasteorann i sásraí acmhainne nach scéimeanna cúltaca iad a éascú. Ba cheart d'oibreoirí córas tarchurtha a bhíonn ag oibriú thar na teorainneacha gineadóirí ar suim leo agus ar mian leo bheith rannpháirteach i sásraí acmhainne i mBallstáit eile a éascú. Dá bhrí sin, ba cheart dóibh an acmhainn a ríomh ar leibhéal é gur féidir rannpháirtíocht trasteorann bheith i gceist, chomh maith le rannpháirtíocht a chumasú agus na deiseanna atá ann dul ina bun a sheiceáil. Ba cheart do na húdaráis rialála [] na rialacha trasteorann a fhorfheidhmiú sna Ballstáit.
- (32) I bhfianaise na ndifríochtaí sna córais fuinnimh náisiúnta agus na teorainneacha teicniúla a bhaineann leis na gréasáin leictreachais atá ann cheana féin, is minic gur ar an leibhéal réigiúnach a bheidh an cur chuige is fearr chun dul chun cinn a bhaint amach i dtaca le comhtháthú an margaidh. Dá bhrí sin, ba cheart comhar réigiúnach na n-oibreoirí córas tarchurtha a neartú. Chun comhar éifeachtach a áirithiú, ba cheart, i gceart rialála nua, foráil a dhéanamh maidir le rialachas réigiúnach agus maoirseacht rialála níos láidre, lena n-áirítear trí tuilleadh cumhachta a thabhairt don Ghníomhaireachta chun cinntí a dhéanamh ar shaincheisteanna trasteorann. D'fhéadfadh gá a bheith le comhar níos dlúithe idir na Ballstáit i gcásanna géarchéime freisin, chun slándáil an tsoláthair a mhéadú agus chun saobhadh an mhargaidh a theorannú.
- (33) Tá socruithe foirmiúla curtha ar bun don chomhordú idir oibreoirí córas tarchurtha ar an leibhéal réigiúnach anois go bhfuil rannpháirtíocht na n-oibreoirí córas tarchurtha sna comhordaitheoirí slándála réigiúnach éigeantach, agus **is ceart sin a fhorbairt a thuilleadh, chun []** tacú le córais leictreachais a oibriú ar fud an Aontais ar bhealach a éireoidh níos comhtháite, chun feidhmíocht éifeachtach shlán na gcóras sin a áirithiú.
- (34) Ba cheart go bhféadfadh raon feidhme geografach na [] **gComhordaitheoirí Slándála Réigiúnach** go mbeidh siad in ann **rannhuidiú** éifeachtach a dhéanamh i [] gcomhordú oibríochtaí na n-oibreoirí córas tarchurtha thar [] réigiúin, **rud a chiallóidh go mbeadh feabhas ar shlándáil córais agus éifeacht margaidh. Ba cheart solúbthacht a bheith ag Comhordaitheoirí Slándála Réigiúnacha na cúraimí a dhéanamh sa réigiún sa chaoi is fearr atá in oiriúint do chineál na gcúraimí aonair a thugtar dóibh.**

- (35) Ba cheart do na **Comhordaitheoirí Slándála Réigiúnacha** dul i mbun feidhmeanna nuair a bhíonn breisluach ann toisc go mbíonn siad ag feidhmiú ar an leibhéal réigiúnach, i gcomparáid leis na feidhmeanna a dhéantar ar an leibhéal náisiúnta. Na **cúraimí** a leagfar ar na **Comhordaitheoirí Réigiúnacha Slándála**, is ceart go gcuimseoidís na feidhmeanna sin a dhéanann comhordaitheoirí réigiúnacha slándála **de bhun na Treoirlíne Oibríochta Córas**⁵ mar aon le feidhmeanna eile a bhaineann le hoibriú an chórais, le hoibriú an mhargaidh, agus le riosca-ullmhacht. Na **cúraimí** a chuirfidh na **Comhordaitheoirí Slándála Réigiúnacha** i gcrích, ba cheart oibriú fíor-ama an chórais leictreachais a eisiáimh astu.
- (36) Ba cheart do na **Comhordaitheoirí Réigiúnacha Slándála** feidhmiú go príomhúil chun leasa oibriú an chórais agus an mhargaidh sa réigiún, thar leasanna aon eintitis aonair. Dá réir sin, ba cheart na cumhachtaí **riachtanacha** a chur ar iontaoibh na gComhordaitheoirí Réigiúnacha Slándála chun **tacú** le gníomhartha nach mór d'oibreoírí córas tarchurtha an réigiúin ina bhfuil an córas á oibriú a dhéanamh i gcás feidhmeanna áirithe agus ról comhairleach níos láidre a bheith acu i dtaca leis na feidhmeanna eile.
- (37) Ba cheart do ENTSO do Leictreachas a áirithiú go ndéantar gníomhartha na **gComhordaitheoirí Réigiúnacha Slándála** a chomhardú thar teorainneacha na réigiún.
- (38) Chun an éifeachtúlacht a mhéadú i ngréasáin dáileacháin leictreachais san Aontas agus chun an dlúthchomhar le hoibreoírí córas tarchurtha agus le ENTSO don Leictreachas a áirithiú, ba cheart eintiteas Eorpach d'oibreoírí córas dáileacháin san Aontas ("eintiteas AE do DSOanna") a bhunú. Ba cheart go saineofaí cúraimí Eintiteas AE do DSOanna ar bhealach soiléir agus ba cheart go n-áiritheofaí lena mhodh oibre éifeachtúlacht, cineál ionadaíoch agus trédhearcacht i measc oibreoírí córas tarchurtha an Aontais. Ba cheart d'Eintiteas AE do DSOanna dul i ndlúthchomhar le ENTSO don Leictreachas maidir leis na cóid ghréasáin a ullmhú agus a chur chun feidhme nuair is infheidhme agus ba cheart dó oibriú chun treoir a thabhairt maidir le comhtháthú ar, *inter alia*, ghiniúint agus stóráil dháilte i ngréasáin dáileacháin nó i réimsí eile a bhaineann le bainistiú na ngréasán dáileacháin. **Ina theannta sin, tabharfaidh an t-eintiteas AE do DSOanna aird chuí ar na sainiúlachtaí a bhaineann go dlúth le córais dáileacháin a bhaineann le córais leictreachais iartheachacha ar oileáin nach bhfuil nasctha trí idirnascairí le córas leictreachais eile.**

⁵ Rialachán (AE) Uimh. 2017/1485 ón gCoimisiún an 2 Lúnasa 2017 lena mbunaítear treoirlíne maidir le hoibríocht córas tarchurtha leictreachais (IO L 220, 25.8.2017, lch. 1).

- (39) Tá gá le comhar agus comhordú méadaithe idir na hoibreoirí córas tarchurtha chun cóid ghréasáin a chruthú lena soláthrófar agus lena mbainistear rochtain éifeachtach agus thrédhearcach ar na gréasáin tarchurtha thar teorainneacha, agus chun pleanáil atá comhordaithe agus réamhbhreathnaitheach go leor agus forás fóna teicniúil a áirithiú don chóras tarchurtha san Aontas, lena n-áirítear acmhainní idirnáise a chruthú, ag féachaint go cuí don chomhshaol. Ba cheart go mbeadh na cóid ghréasáin sin i gcomhréir leis na creat-treoirlínte ar de chineál neamhcheangailteach iad (creat-treoirlínte) agus a d'fhorbair an Gníomhaireacht. Ba cheart go mbeadh ról ag an nGníomhaireacht maidir le hathbhreithniú a dhéanamh ar na dréachtchóid ghréasáin, ar athbhreithniú é a bheidh bunaithe ar ábhair fíoras, lena n-áirítear athbhreithniú i dtaobh an gcomhlíonann siad na creat-treoirlínte, agus ba cheart go gcumasófaí di a mholadh don Choimisiún iad a ghlacadh. Ba cheart go ndéanfadh an Gníomhaireacht measúnú ar leasuithe a bheartaítear a dhéanamh ar na cóid ghréasáin agus ba cheart go gcumasófaí di a mholadh don Choimisiún iad a ghlacadh. Ba cheart go n-oibreodh oibreoirí córas tarchurtha a ngréasáin i gcomhréir leis na cóid ghréasáin sin.
- (40) Chun feidhmiú rianúil an mhargaidh inmheánaigh sa leictreachas a áirithiú, ba cheart foráil a dhéanamh maidir le nósanna imeachta lena gceadaítear cinntí agus treoirlínte a ghlacadh, *inter alia* maidir le tairifí agus leithdháileadh acmhainne ag an gCoimisiún agus fós rannpháirtíocht údaráis rialála na mBallstát a áirithiú sa phróiseas sin, trína gcomhlachas Eorpach i gcás inarb iomchuí sin. Tá ról tábhachtach ag na húdaráis rialála, mar aon le húdaráis ábhartha eile sna Ballstáit, i ndáil le rannchuidiú le feidhmiú cuí an mhargaidh inmheánaigh sa leictreachas.
- (41) Tá leas ag rannpháirtithe uile an mhargaidh san obair a bhfuiltear ag súil léi ó ENTSO don Leictreachas. Tá sé riachtanach, dá bhrí sin, go mbeadh próiseas comhairliúcháin éifeachtach ann agus go mbeadh ról tábhachtach ag na struchtúir atá ann cheana féin agus a cuireadh ar bun chun an próiseas comhairliúcháin a éascú agus a shruthlíniú, amhail trí rialálaithe náisiúnta nó tríd an nGníomhaireacht.

- (42) D'fhonn breis trédhearcachta a áirithiú maidir leis an ngréasán iomlán tarchurtha leictreachais san Aontas, ba cheart do ENTSO don Leictreachas plean forbartha gréasáin uile-Aontais neamhcheangailteach deich mbliana a tharraingt suas, a fhoilsiú agus a uasdátú go rialta (plean forbartha gréasáin uile-Aontais). Ba cheart go ndéanfaí gréasáin inmharthana tarchurtha leictreachais agus na hidirnaise réigiúnacha is gá, atá ábhartha ó thaobh tráchtála nó chinnteacht soláthair de, a chur san áireamh sa phlean forbartha gréasáin sin.
- (43) Léirigh an taithí a fuarthas agus na cóid ghréasáin á bhforbairt agus á nglacadh gur úsáideach an rud é an nós imeachta lena bhforbraítear iad a shruthlíniú trína shoiléiriú go bhfuil an ceart ag an nGníomhaireacht [] **formhuiniú** a dhéanamh ar na dréachtchóid ghréasáin leictreachais sula gcuirtear faoi bhráid an Choimisiúin iad.
- (44) Ba cheart infheistíochtaí i mbonneagar mór nua a chur chun cinn go láidir agus feidhmiú cuí an mhargaidh inmheánaigh sa leictreachas a áirithiú ag an am céanna. D'fhonn an tionchar dearfach atá ag idirnascairí díolmhaithe srutha dhírigh ar iomaíocht agus ar shlándáil soláthair a fheabhsú, ba cheart spéis an mhargaidh a thástáil le linn chéim phleanála an tionscadail agus ba cheart rialacha maidir le bainistiú ar phlódú a ghlacadh. I gcás ina mbeidh idirnascairí srutha dhírigh suite ar chríoch níos mó ná Ballstát amháin, ba cheart don Ghníomhaireacht déileáil leis an iarraidh ar dhíolúine, mar rogha deiridh, le go gcuirfí a himpleachtaí trasteorann san áireamh ar bhealach níos fearr agus chun an láimhseáil riaracháin a gheobhaidh sí a fheabhsú. Thairis sin, mar gheall ar phróifíl riosca neamhghnách a bhaineann leis na mórtionscadail bhonneagair dhíolmhaithe sin a thógáil, ba cheart go mbeadh gnóthais a bhfuil leasanna soláthair agus táirgthe acu in ann tairbhe a bhaint as maolú sealadach ar na rialacha maidir le díchuachadh iomlán do na tionscadail lena mbaineann. Leanfaidh na díolúintí arna ndeonú faoi Rialachán (CE) Uimh. 1228/2003⁶ d'fheidhm a bheith acu go dtí an dáta sceidealta éagtha faoi mar a cinneadh sa chinneadh chun díolúine a dheonú.

⁶ Rialachán (CE) Uimh. 9992/2003 ó Pharlaimint na hEorpa agus ón gComhairle an 26 Meitheamh 2003 maidir le coinníollacha rochtana ar an ngréasán um malartuithe trasteorann sa leictreachas (IO L 176, 15.7.2003, lch. 1).

- (45) D'fhonn muinín sa mhargadh a fheabhsú, ní foláir do na rannpháirtithe a bheith cinnte go bhféadfar iad siúd a ghabhann do mhí-úsáid a chur faoi réir pionós atá éifeachtach, comhréireach agus athchomhairleach. Ba cheart go dtabharfaí an inniúlacht do na húdaráis inniúla chun líomhaintí maidir le mí-úsáid an mhargaidh a fhiosrú go héifeachtach. Chun na críche sin, is gá rochtain a bheith ag na húdaráis inniúla ar shonraí ina bhfuil faisnéis maidir le cinntí oibríochtúla a ghlacann gnóthais soláthair. Déanann ginteoirí go leor cinntí ábhartha i margadh an leictreachais agus ba cheart dóibh an fhaisnéis i dtaca leis sin a choimeád ar fáil do na húdaráis inniúla, agus rochtain éasca a bheith ag na húdaráis sin uirthi, go ceann tréimhse socraithe. Dá bhrí sin, ba cheart go ndéanfadh na húdaráis inniúla faireachán go tráthrialta ar chomhlíonadh na rialacha ar thaobh na n-oibreoirí córas tarchurtha. Ba cheart go mbeadh díolúine ón oibleagáid sin ag ginteoirí beaga nach bhfuil de chumas acu i ndáiríre an margadh a shaobhadh.
- (46) Ba cheart go gceanglófaí ar na Ballstáit agus ar na húdaráis náisiúnta inniúla faisnéis ábhartha a sholáthar don Choimisiún. Ba cheart don Choimisiún déileáil le faisnéis den sórt sin mar fhaisnéis rúnda. I gcás inar gá, ba cheart go mbeadh deis ag an gCoimisiún faisnéis ábhartha a iarraidh go díreach ar na gnóthais lena mbaineann, ar choinníoll go gcuirtear na húdaráis náisiúnta inniúla ar an eolas faoi sin.
- (47) Ba cheart do na Ballstáit rialacha a leagan síos maidir leis na pionóis a bheidh infheidhme i gcás sáruithe ar fhorálacha an Rialacháin seo agus ba cheart dóibh a áirithiú go gcuirtear chun feidhme iad. Ní mór go mbeidh na pionóis sin éifeachtach, comhréireach agus athchomhairleach.
- (48) Ba cheart do na Ballstáit, [] do Chomhpháirtithe Conarthacha an Chomhphobail Fuinnimh, **agus do thríú tíortha eile a chuireann an Rialachán seo chun feidhme nó ar cuid iad d'eangach shioncrónach na mór-roinne []** dul i ndlúthchomhar ar chúrsaí a bhaineann le réigiún comhtháite trádála leictreachais a fhorbairt agus níor cheart dóibh aon bheart a dhéanamh a chuirfeadh comhtháthú breise na margaí leictreachais, ná cinnteacht an tsoláthair, atá ag na Ballstáit agus ag na Comhpháirtithe Conarthacha, i mbaol.

(49) **An tráth ar glacadh Rialachán 714/2009 is beag riail a bhí ann don mhargadh inmheánach leictreachais ar leibhéal an Aontais. Ó shin i leith, tá margadh inmheánach an Aontais tar éis éirí níos casta mar gheall ar athrú bunúsach atá ag teacht ar na margai, go háirithe maidir le húsáid an táirgthe athraithe giniúina leictreachais in-athnuaite. Dá bhrí sin, tá na Cóid agus na Treoirlínte Gréasáin níos cuimsithí ná riamh agus tugtar aghaidh iontu ar shaincheisteanna teicniúla agus ginearálta araon.** Chun an leibhéal íosta comhchuibhithe atá de dhíth chun go mbeidh an margadh ag feidhmiú i gceart a áirithiú, ba cheart an chumhacht chun gníomhartha **cur chun feidhme** a ghlacadh **agus a leasú** i gcomhréir le hAirteagal 291 den Chonradh ar Fheidhmiú an Aontais Eorpaigh a [] **thabhairt** don Choimisiún i dtaca le **gnéithe neamhriachtanacha de réimsí sonracha áirithe** atá bunriachtanach don chomhtháthú margaidh. Ba cheart a áireamh orthu sin glacadh agus leasú na gcód agus na dtreoirlínte gréasáin, chomh maith le cur i bhfeidhm forálacha maidir le díolúine i gcás idirnascairí nua. Tá sé tábhachtach, go háirithe, go rachadh an Coimisiún i mbun comhairliúcháin iomchuí le linn a chuid oibre ullmhúcháin, lena n-áirítear ar leibhéal na saineolaithe, agus go ndéanfar na comhairliúcháin sin i gcomhréir leis na prionsabail a leagtar síos i gComhaontú Idirinstitiúideach maidir le Reachtóireacht Níos Fearr an 13 Aibreán 2016⁷. Go sonrach, chun rannpháirtíocht chomhionann in ullmhú na ngníomhartha [] **cur chun feidhme** a áirithiú, gheobhaidh Parlaimint na hEorpa agus an Chomhairle na doiciméid uile ag an am céanna leis na saineolaithe sna Ballstáit, agus beidh rochtain chórasach ag a gcuid saineolaithe ar chruinnithe ghrúpaí saineolaithe an Choimisiúin a bheidh ag déileáil le hullmhú na ngníomhartha [] **cur chun feidhme**.

(49a) **Tá cumhachtú an Choimisiúin na cóid agus treoirlínte gréasáin a leasú teoranta go dtí 31 Nollaig 2027. Leis an tréimhse eatramhach seo tabharfar neart ama don Choimisiún athbhreithniú a dhéanamh ar na cóid agus na treoirlínte atá ann cheana agus más gá, beidh am aige gníomhartha reachtacha de chuid an Aontais a mholadh.**

⁷ IO L 123, 12.5.2016, lch. 1.

- (50) Ós rud é nach féidir leis na Ballstáit cuspóir an Rialacháin seo, eadhon creat comhchuibhithe a sholáthar le haghaidh malartuithe trasteorann leictreachais, a bhaint amach go leordhóthanach agus gur fearr, dá bhrí sin, is féidir é a bhaint amach ar leibhéal an Aontais, féadfaidh an tAontas bearta a ghlacadh i gcomhréir le prionsabal na coimhdeachta a leagtar amach in Airteagal 5 den Chonradh ar an Aontas Eorpach. I gcomhréir le prionsabal na comhréireachta, a leagtar amach san Airteagal sin, ní théann an Rialachán seo thar a bhfuil riachtanach chun an cuspóir sin a bhaint amach.
- (51) **Is ceart go mbéarfadh rialacha an Mhargaidh gur féidir comhtháthú a dhéanamh ar an leictreachais sin a ghintear as foinsí in-athnuaite fuinnimh agus a bheith ina ndreasacht chun an éifeachtúlacht fuinnimh a fheabhsú.**
- (52) **Ar chúiseanna an chomhleanúnachais agus na deimhneachta dlíthiúla, níor cheart go gcuirfeadh rud ar bith sa Rialachán seo cosc ar chur i bhfeidhm na maoluithe atá ag teacht ó [Airteagal 66] den [Treoir maidir le Leictreachas].**
- []
- []
- (53) **Maidir leis na margáí don chothromú, ní féidir praghasmhúnlú éifeachtúil neamhshaobhach a bheith ann le linn acmhainn don chothromú agus fuinneamh don chothromú a bheith á soláthar mura n-áirithítear nach de réir na hacmhainne don chothromú a shocraítear praghas an fhuinnimh don chothromú. Tá an méid sin gan dochar do na córais a úsáideann próiseas comhtháite sceidealúcháin i gcomhréir le Rialachán (AE) 2017/XXXX [Cothromú] ón gCoimisiún.**

TAR ÉIS AN RIALACHÁN SEO A GHLACADH:

Caibidil I

Ábhar, raon feidhme agus sainmhínte

Airteagal 1

Ábhar agus raon feidhme

Is é is aidhm don Rialachán seo:

- (a) bunús a chur ar fáil chun spriocanna an Aontais Fuinnimh Eorpaigh, agus go háirithe an creat aeráide agus fuinnimh le haghaidh 2030⁸, a bhaint amach go héifeachtach trína fhágáil gur féidir comharthaí margaidh a chur ar fáil le go mbeidh méadú **ar shlándáil an tsoláthair**, ar an tsolúbthacht, **ar an inbhuanaitheacht**, ar an dícharbónú, agus ar an nuálaíocht;
- (b) prionsabail bhunúsacha a shocrú le haghaidh margaidh leictreachais comhtháite, a bheidh ag feidhmiú go maith, a fhágfaidh go mbeidh rochtain neamh-idirdhealaitheach ar an margadh ag gach soláthraí acmhainní agus ag gach custaiméir leictreachais, a chumhachtóidh tomhaltóirí, a fhágfaidh go mbeidh freagairt ar an éileamh agus éifeachtúlacht fuinnimh ann, a éascóidh éileamh agus soláthar dáilte a chur le chéile, [] **agus a chumasóidh** comhtháthú an mhargaidh agus luach saothair margadhbhunaithe as leictreachas a ghintear ó fhoinsí in-athnuaite fuinnimh [];

⁸ COM/2014/015 final.

- (c) rialacha córa a shocrú maidir le malartuithe trasteorann leictreachais, agus feabhas a chur, sa tslí sin, ar iomaíocht sa mhargadh inmheánach sa leictreachas, agus saintréithe áirithe na margaí náisiúnta agus réigiúnacha á gcur san áireamh. Cuimsíonn sin, bunófar sásra cúitimh do shreabha trasteorann an leictreachais agus socrófar prionsabail chomhchuibhithe maidir le muirir tarchurtha trasteorann agus maidir le leithdháileadh acmhainne atá ar fáil sna hidirnáise idir córais tarchurtha náisiúnta;
- (d) teacht chun cinn margaidh mórdhíola sa leictreachas a éascú ar margadh é a bheidh trédhearcach agus a fheidhmeoidh go maith agus a mbeidh leibhéal ard slándála soláthair leictreachais. Foráiltear ann maidir le sásraí chun na rialacha do mhalartuithe trasteorann sa leictreachas a chomhchuihbhiú

Airteagal 2

Sainmhínte

1. Chun críche an Rialacháin seo, is iad na sainmhínte atá in Airteagal 2 de Threoir [an t-athmhúnlú ar Threoir 2009/72/CE arna moladh faoin togra COM(2016) 864/2] in Airteagal 2 de Rialachán (AE) Uimh. 1227/2011 ó Pharlaimint na hEorpa agus ón gComhairle⁹, in Airteagal 2 de Rialachán (AE) Uimh. 543/2013 ón gCoimisiún¹⁰ agus in Airteagal 2 de [an tAthmhúnlú ar an Treoir maidir le Fuinneamh In-athnuaite] [...]

⁹ Rialachán (AE) Uimh. 1227/2011 ó Pharlaimint na hEorpa agus ón gComhairle an 25 Deireadh Fómhair 2011 maidir le sláine agus trédhearcacht an mhargaidh mórdhíola fuinnimh (IO L 326, 8.12.2011, lch. 1).

¹⁰ Rialachán (AE) Uimh. 543/2013 ón gCoimisiún an 14 Meitheamh 2013 maidir le sonraí a thíolacadh agus a fhoilsiú i dtaca leis na margaí leictreachais agus lena leasaítear Iarscríbhinn I a ghabhann le Rialachán (CE) Uimh. 714/2009 ó Pharlaimint na hEorpa agus ón gComhairle (IO L 163, 15.6.2013, lch. 1).

2. Chomh maith leis sin, beidh feidhm ag na sainmhínithe seo a leanas:
- (a) ciallaíonn 'údaráis rialála' na húdaráis rialála dá dtagraítear in Airteagal 57(1) de [an t-athmhúnlú ar Threoir 2009/72/CE arna moladh faoin togra COM(2016) 864/2];
 - (b) ciallaíonn "sreabh trasteorainn" sreabh fisiceach leictreachais ar líonra tarchurtha Ballstáit a eascraíonn as tionchar gníomhaíochtaí na dtáirgeoirí agus/nó na gcustaiméirí lasmuigh den Bhallstát sin ar a ghréasán tarchurtha;
 - (c) ciallaíonn "plódú" staid a fhágann nach féidir freastal ar gach iarratas ó rannpháirtithe sa mhargadh chun trádáil a dhéanamh **idir réimsí gréasáin** [] toisc go n-imreodh siad tionchar suntasach ar na sreafaí fisiciúla ar eilimintí den ghréasán nach féidir leo freastal ar na sreabha sin;
 - (d) ciallaíonn "idirnascaire nua" idirnascaire nár críochnaíodh faoin 4 Lúnasa 2003;
 - (e) ciallaíonn 'plódú struchtúrach' plódú sa chóras tarchurtha **ar féidir é a shainiú go neamh-dhébhrioch**, atá intuartha, a mbaineann cobhsaíocht gheografach leis le himeacht ama, agus a bhíonn ag atarlú go minic faoi ghnáthdhálaí na gcóras cumhachta;
 - (f) ciallaíonn 'oibreoir margaidh' eintiteas a sholáthraíonn seirbhís faoina ndéantar na tairiscintí chun leictreachas a dhíol a mheaitseáil le tairiscintí chun leictreachas a cheannach;
 - (g) ciallaíonn 'oibreoir ainmnithe sa mhargadh leictreachais' nó 'OAML' oibreoir margaidh arna ainmniú ag an údarás inniúil chun cúraimí a bhaineann le cúpláil amháin lá roimh ré nó cúpláil amháin ionlae a dhéanamh;
 - (h) ciallaíonn 'an luach atá ar chailliúint lóid' meastachán, in €/MWh, ar an bpraghas uasta leictreachais a mbíonn custaiméirí sásta a íoc chun éradh a sheachaint;

- (i) ciallaíonn 'cothromú' gach gníomhaíocht agus próiseas, i ngach amlíne, faoina n-áirithíonn oibreoirí córas tarchurtha, ar bhealach leanúnach, go gcoinnítear minicíocht an chórais laistigh de raon cobhsaíochta réamhshainithe agus go gcomhlíontar le méid na gcúlchistí atá de dhíth i ndáil leis an gcáilíocht is gá;
- (j) ciallaíonn 'fuinneamh don chothromú' fuinneamh a úsáideann na hoibreoirí córas tarchurtha chun cothromú a dhéanamh;
- (k) ciallaíonn 'soláthraí seirbhísí cothromaithe' rannpháirtí sa mhargadh a sholáthraíonn fuinneamh don chothromú nó acmhainn don chothromú, nó an dá rud, le hoibreoirí córas tarchurtha;
- (l) ciallaíonn 'acmhainn don chothromú' méid acmhainne ar chomhaontaigh an soláthraí seirbhísí a choinneáil ar bun agus ar chomhaontaigh an soláthraí seirbhísí cothromaithe tairiscintí do mhéid comhfhreagrach d'fhuinneamh don chothromú a sheoladh chuig an oibreoir córais tarchurtha feadh ré an chonartha;
- (m) ciallaíonn 'páirtí atá freagrach as cothromú' rannpháirtí sa mhargadh nó an t-ionadaí atá roghnaithe aige atá freagrach as a míchothromaíochtaí i margadh an leictreachais;
- (n) ciallaíonn 'tréimhse réiteach míchothromaíochtaí' an t-aonad ama lena ndéantar míchothromaíocht na bpáirtithe atá freagrach as cothromú a ríomh;
- (o) ciallaíonn 'praghas na míchothromaíochta' an praghas, bíodh sé dearfach, nialasach nó diúltach, i ngach tréimhse réiteach míchothromaíochtaí atá ar mhíchothromaíocht i ngach treo;
- (p) ciallaíonn 'limistéar phraghas na míchothromaíochta' an limistéar a ndéantar praghas míchothromaíochta a ríomh ina leith;
- (q) ciallaíonn 'próiseas réamhcháileacháin' an próiseas chun fíorú a dhéanamh ar chomhlíonadh soláthraí acmhainne don chothromú leis na ceanglais arna leagan síos ag oibreoirí córas tarchurtha;
- (r) ciallaíonn 'acmhainn cúltaca' méid na gcúltaicéil coinneála minicíochta, cúltacaí athsholáthair minicíochta nó cúltacaí athchuir is gá a bheith ar fáil don oibreoir córais tarchurtha;

- (s) ciallaíonn 'seoladh tosaíochta' **i gcás múnla féinseolta** seoladh na ngléasraí cumhachta bunaithe ar chritéir atá éagsúil ó ord eacnamaíochta na dtairiscintí agus, i **múnla** seolta lárnacha [] **agus ó** shrianta gréasáin, a thugann tosaíocht do sheoladh teicneolaíochtaí giniúna ar leith;
- (t) ciallaíonn 'réigiún um ríomh acmhainne' an réigiún geografach ina gcuirtear an ríomh don acmhainn chomhordaithe i bhfeidhm;
- (u) ciallaíonn 'sásra acmhainne' [] beart riaracháin **nó beart atá bunaithe ar an margadh** chun a áirithiú go mbainfear amach an leibhéal inmhianaithe de **leordhóthanacht acmhainne** [] trí luach saothair a thabhairt ar acmhainní as iad a bheith ar fáil gan bearta a bhaineann le seirbhísí coimhdeacha agus bainistiú ar phlódú a chur san áireamh [] ;
- []
- (w) ciallaíonn 'comhghiniúint ardéifeachtach' comhghiniúint a chomhlíonann na critéir a leagtar síos in Iarscríbhinn II a ghabhann le Treoir 2012/27/AE ó Pharlaimint na hEorpa agus ón gComhairle¹¹;
- (x) ciallaíonn 'tionscadal taispeána' tionscadal a thaispeánann teicneolaíocht mar theicneolaíocht arb í an chéad cheann dá cineál í agus ar nuálaíocht shuntasach atá i gceist léi atá i bhfad chun cinn ar an teicneolaíocht úrscothach.
- (y) **ciallaíonn 'rannpháirtí sa mhargadh' aon duine nádúrtha nó dlítheanach a bhfuil leictreachas, freagairt ar éileamh nó seirbhísí stórála á nginiúint, á gceannach, nó á ndíol aige, lena n-áirítear orduithe a chur chun trádáil a dhéanamh, i gceann amháin nó níos mó de na margáí lena n-áirítear na margáí don chothromú.**

¹¹ Treoir 2012/27/AE ó Pharlaimint na hEorpa agus ón gComhairle an 25 Deireadh Fómhair 2012 maidir le héifeachtúlacht fuinnimh, lena leasaítear Treoir 2009/125/CE agus Treoir 2010/30/AE agus lena n-aisghairtear Treoir 2004/8/CE agus Treoir 2006/32/CE (IO L 315, 14.11.2012, lch. 1).

- (z) ciallaíonn 'athsheoladh' beart, lena n-áirítear ciorrúchán, arna chur i ngníomh ag oibreoir amháin córais nó níos mó ná oibreoir amháin lena n-athraítear patrún na giniúna nó an ualaigh d'fhonn athrú a dhéanamh ar shreafaí fisiciúla sa chóras tarchurtha agus plódú fisiceach a fhuascailt.
- (aa) ciallaíonn 'fritrádáil' malartú traslimistéir arna thionscnamh ag dhá oibreoirí córas idir dhá [] limistéar tairisceana chun plódú fisiciúil a fhuascailt.
- (bb) ciallaíonn 'saoráid giniúna cumhachta' saoráid a thiontaíonn go fuinneamh leictreach fuinneamh príomhúil agus arb é atá ann ceann amháin nó níos mó de mhodúil giniúna cumhachta agus iad nasctha le gréasán [] .
- (cc) ciallaíonn 'múnla seolta lárnach' múnla sceidealúcháin agus seolta ar OCT a chinneann, laistigh den phróiseas comhtháite sceidealúcháin, na sceidil ghiniúna agus na sceidil tomhaltais mar aon le seoladh na saoráidí giniúna cumhachta agus na saoráidí éilimh, i dtaca le saoráidí inseolta.
- (dd) ciallaíonn 'táirge caighdeánach don chothromú' táirge comhchuibhithe don chothromú arna shainiú ag gach OCT chun seirbhísí don chothromú a mhalartú mar a leagtar amach sa [] treoirlíne don Chothromú a glacadh de bhun Airteagal 18 de Rialachán 714/2009.
- (ee) ciallaíonn 'táirge sainiúil don chothromú' táirge nach ionann agus táirge caighdeánach, a leagtar amach na ceanglais a bhaineann leis [] sa treoirlíne don Chothromú de bhun Airteagal 18 de Rialachán 714/2009.
- (ff) ciallaíonn 'oibreoir tarmligthe' eintiteas dár tarmligeadh cúraimí nó oibleagáidí sonracha a cuireadh ar iontaoibh oibreoir córas tarchurtha nó oibreoir ainmnithe sa mhargadh leictreachais faoin Rialachán seo nó faoi aon Rialachán, Treoir, Cód Gréasáin nó Treoirlíne eile ag an oibreoir córas tarchurtha nó ag oibreoir ainmnithe sa mhargadh leictreachais nó a sannadh ag Ballstát nó [] ag Údarás Rialála;

Caibidil II

Rialacha ginearálta don mhargadh leictreachais

Airteagal 3

Prionsabail i ndáil le hoibriú mhargaí an leictreachais

1. Áiritheoidh Ballstáit, údaráis rialála náisiúnta, oibreoirí córas tarchurtha, oibreoirí córas dáileacháin, [] oibreoirí margaidh agus oibreoirí tarmligthe go ndéanfar margaí leictreachais a oibriú i gcomhréir leis na prionsabail seo a leanas:
 - (a) is bunaithe ar éileamh agus soláthar a bhunófar praghsanna.
 - (b) seachnófar gníomhartha lena gcuirtear cosc ar bhunú praghsanna ar bhonn éilimh agus soláthair nó ar dídhreasacht iad i dtaca le giniúint níos solúbtha, giniúint ísealcharbóin, nó éileamh níos solúbtha a fhorbairt;
 - (c) cuirfead ar chumas custaiméirí leas a bhaint as deiseanna margaidh agus as méadú san iomaíocht ar na margaí miondíola;
 - (d) cumasófar rannpháirtíocht tomhaltóirí agus gnólachtaí beaga sa mhargadh trí chomhiomlánú ar ghiniúint ó níos mó ná saoráid ghiniúna amháin nó ar lód ó níos mó ná saoráid éilimh amháin chun comhthairiscintí a sholáthar ar an margadh leictreachais agus a bheith ag feidhmiú go comhpháirteach sa chóras leictreachais, faoi réir ag rialacha chonarthaí an Aontais Eorpaigh i dtaca le hiomaíocht;
 - (e) beidh rialacha an mhargaidh [] **ina dtionlacan** ag dícharbónú an gheilleagair **e.g.** trí chomhtháthú ar leictreachas ó fhoinsí fuinnimh in-athnuaite a chumasú agus trí dhreasachtaí a thabhairt don éifeachtúlacht fuinnimh;

- (f) soláthrófar le rialacha margaidh dreasachtaí leordhóthanacha infheistíochta don ghiniúint, stóráil, éifeachtúlacht fuinnimh agus freagairt ar éileamh chun riachtanais an mhargaidh a chomhlíonadh, agus chun slándáil an tsoláthair a áirithiú ar an mbealach sin;
- (g) seachnófar bacainní roimh shreabha leictreachais trasteorann **idir limistéir tairisceana nó Ballstáit** agus roimh idirbhearta trasteorann ar mhargaí an leictreachais agus ar mhargaí na seirbhísí gaolmhara;
- (h) déanfar foráil maidir le comhar réigiúnach sna rialacha margaidh nuair is éifeachtach sin;
- (i) tabharfar don ghiniúint, stóráil, agus éileamh a bheidh **slán agus inbhuanaithe**, rannpháirt chomhionann ar an margadh, **de réir na gceanglas dá bhforáiltear faoi dhlí an Aontais**;
- (j) beidh gach táirgeoir freagrach go díreach nó go hindíreach as an leictreachas a ghineann sé;
-
- (l) cumasóidh rialacha margaidh seoladh éifeachtach ar acmhainní giniúna agus freagartha don éileamh;
- (m) fágfaidh rialacha margaidh gur féidir le gnóthais giniúna leictreachais agus soláthair leictreachais dul isteach agus dul amach bunaithe ar an measúnú a dhéanfaidh siad ar inmharthanacht eacnamaíoch agus airgeadais a gcuid oibríochtaí;
- (n) **d'fhonn an deis a thabhairt do rannpháirtithe sa mhargadh cosaint a bheith acu ar luaineacht praghsanna ar bhonn margaidh, agus maolú a dhéanamh** neamhchinnteacht i dtaca leis an bhfáltas ar infheistíocht amach anseo, beidh **deiseanna fadtéarmacha ar fhálú** intrádáilte ar mhalartuithe ar mhodh trédhearcach agus beidh **conarthaí fadtéarmacha soláthair soshanta thar an gcuntar**, faoi réir chomhlíonadh rialacha an Aontais maidir le hiomaíocht.
- (o) **tá de cheart ag rannpháirtithe sa mhargadh rochtain a fháil ar na líonraí tarchurtha agus dáileacháin ar théarmaí oibiachtúla, trédhearcacha agus neamh-idirdhealaitheacha.**

Airteagal 4

Freagracht [] as cothromú

1. Beidh gach rannpháirtí [] sa mhargadh [] freagrach as **pé** míchothromaíochtaí a chruthóidh siad sa chóras []. **Chuige sin, beidh rannpháirtithe sa mhargadh []** ina bpáirtithe a bhfuil freagracht orthu as cothromú, sin nó déanfaidh siad an fhreagracht a tharmligean **go conarthach** chuig a rogha páirtí féin ar a mbeidh freagracht as an gcothromú. **I gcomhréir leis an Treoirleá don Chothromú a glacadh ar bhonn Airteagal 17 agus Airteagal 18 de Rialachán 714/2009, beidh freagracht airgeadais as a chuid míchothromaíochtaí féin ar gach páirtí a mbeidh freagracht air as cothromú, agus féachfaidh siad leis an gcothromaíocht a bhaint amach nó cuidiú a thabhairt don chóras sin a bhaint amach.**
2. Ní ceadmhach do na Ballstáit [] **maoluithe** a sholáthar ar [] **an bhfreagracht as cothromú ach sna cásanna seo a leanas:**
 - (a) tionscadail taispeántais **i gcás teicneolaíochtaí atá ag teacht chun cinn mar atá sainmhínithe in Airteagal 66 agus 67 de Rialachán (AE) 2016/631¹²;**
 - (b) **saoráid giniúna cumhachta** a bhaineann úsáid as foinsí fuinnimh in-athnuaite nó as comhghiniúint ardéifeachtach a bhfuil acmhainn leictreachais suiteáilte **iomlán** is lú ná [] **250 kW** aici;
 - (c) **Gan dochar do chonarthaí a tugadh i gcrích [roimh theacht i bhfeidhm na reachtaíochta], agus suiteálacha a bhaineann leas as tacaíocht arna formheas ag an gCoimisiún faoi rialacha an Aontais maidir le Státchabhair de bhun Airteagal 107 go hAirteagal 109 CFAE, agus a coimisiúnaíodh roimh an [OP: teacht i bhfeidhm]. Féadfaidh Ballstáit, [] gan dochar d'Airteagail 107 agus 108 CFAE, dreasachtaí a thabhairt do rannpháirtithe sa mhargadh a bhfuil díolúine iomlán nó i bpáirt acu ó fhreagracht as cothromú, chun glacadh le freagracht iomlán as cothromú. []**

¹² **Rialachán (AE) Uimh. 2016/631 ón gCoimisiún, 14 Aibreán 2016 lena mbunaítear cód gréasáin i dtaobh ceanglais maidir le gineadóirí a nascadh le heangacha (IO L 112, 27.4.2016, lch. 1).**

- 2a. I gcás ina roghnóidh an Ballstát maolú a chur ar fáil de réir Airteagal 4(2), ní mór dó a áirithiú go bhfuil na freagrachtaí airgeadais maidir le míchothromaíochtaí á gcomhlíonadh ag an bpáirtí eile.
3. I gcás saoráidí giniúna cumhachta arna gcoimisiúnú tar éis 1 Eanáir 2026, ní bheidh feidhm ag pointe (b) de mhír 2 ach i leith suiteálacha giniúna a bhaineann úsáid as foinsí fuinnimh in-athnuaite nó as comhghiniúint ardéifeachtach darb acmhainn **iomlán** suiteáilte is lú ná [] 150 kW. **Féadfaidh na Ballstáit tairseach níos ísle a chur i bhfeidhm.**

Airteagal 5

An margadh don chothromú

[]

2. Eagrófar margaí don chothromú, **lena n-áirítear próisis réamhcháiliúcháin**, ar bhealach a fhágfaidh:
- (a) go ndéanfar neamh-idirdhealú éifeachtach a áirithiú idir rannpháirtithe sa mhargadh, ag cur san áireamh **riachtanais éagsúla teicniúla an chórais cumhachta, sainmhíniú trédhearcach agus neodrach ó thaobh na teicneolaíochta de ar sheirbhísí agus ar soláthar trédhearcach margadhbhunaithe na seirbhísí sin,**
 - (b) go n-áiritheofar rochtain do gach rannpháirtí réamhcháilithe sa mhargadh, ar bhonn aonair nó go comhiomlánach;
 - (c) go n-urramófar an gá atá ann freastal ar sciar de ghiniúint athraitheach atá ag méadú, chomh maith leis an méadú ar fhreagracht don éileamh agus ceapadh na dteicneolaíochtaí nua.

[]

4. Áiritheoidh margáí don chothromú slándáil oibríochtúil agus ag an am céanna fágfaidh siad go mbeifear in ann úsáid uasta agus leithdháileadh éifeachtach a bhaint as acmhainn traslimistéir thar creataí ama i gcomhréir le hAirteagal 15.
5. **[] I gcás táirgí caighdeánacha agus sonracha don chothromú**, bunófar an socrú an fhuinnimh don chothromú ar **phraghsáil imeallchostais, íoc-mar-imréitithe, gan dochar don [] Treoirlíne don Chothromú a glacadh ar bhonn Airteagal 18 de Rialachán 714/2009**. Beidh rannpháirtithe sa mhargadh in ann tairiscintí a dhéanamh chomh gar don fhíor-am agus is féidir, agus **[] ní bheidh amanna dúnta an gheata fuinnimh don chothromú ann roimh** am dúnta an gheata traslimistéir ionlae arna chinneadh i gcomhréir le hAirteagal 59 de Rialachán (AE) 2015/1222¹³. **Maidir le hoibreoirí córas tarchurtha a chuireann múnla seolta lárnach i bhfeidhm, féadfaidh siad rialacha breise a shainiú i gcomhréir leis [] an Treoirlíne don Chothromú a glacadh ar bhonn Airteagal 18 de Rialachán 714/2009.**
- 5a. **Ní réamhchinnfear praghas fuinnimh don chothromú [] i gconradh acmhainne don chothromú. Féadfar díolúine a chur i bhfeidhm i gcás táirgí sonracha don chothromú i gcomhréir leis an Treoirlíne don Chothromú a glacadh ar bhonn Airteagal 18 de Rialachán 714/2009. Próisis thrédhearcacha a bheidh sna próisis soláthair, lena n-urramófar rúndacht ag an am céanna i gcomhréir le mír 4 d'Airteagal 40 den [Rialachán athmhúnlaithe maidir le Leictreachas].**

¹³ Rialachán (AE) Uimh. 2015/1222 ón gCoimisiún an 24 Iúil 2015 lena mbunaítear treoirlíne maidir le leithdháileadh acmhainne agus le bainistiú ar phlódú (IO L 197, 25.7.2015, lch. 24).

6. Socrófar na míchothromaíochtaí ag praghas a léiríonn luach fíor-ama an fhuinnimh agus a ríomhfar i gcomhréir leis [] an Treoirlíne don Chothromú a glacadh ar bhonn Airteagal 18 de Rialachán 714/2009.
- 6a. [] Beidh limistéar phraghas na míchothromaíochta [] cothrom le limistéar tairisceana, seachas [] i gcás múnla seolta lárnach agus i gcomhréir leis [] an Treoirlíne don Chothromú a glacadh ar bhonn Airteagal 18 de Rialachán 714/2009. Beidh limistéar na míchothromaíochta cothrom leis an limistéar sceidealaithe, seachas i gcás múnla seolta lárnach nuair nach cuid den limistéar sceidealaithe an limistéar míchothromaíochta i gcomhréir leis an Treoirlíne don Chothromú a glacadh ar bhonn Airteagal 18 de Rialachán 714/2009.
7. Is iad na hoibreoirí córas tarchurtha a dhéanfaidh toisiú ar [] an acmhainn chúltaca i gcomhréir leis [] an Treoirlíne Oibríochta Córas a glacadh ar bhonn Airteagal 18 de Rialachán 714/2009 agus féadfar an obair sin a éascú ar an leibhéal réigiúnach. []
4. Is iad na hoibreoirí córas tarchurtha a dhéanfaidh soláthar na hacmhainne don chothromú, agus [] déanfar é a éascú ar an leibhéal réigiúnach [] i gcomhréir leis an Treoirlíne don Chothromú a glacadh de bhun Airteagail 18 de Rialachán 714/2009. Is ar mhargadh a bheidh soláthar na hacmhainne don chothromú bunaithe [] agus eagrófar sa chaoi go mbeidh sé neamh-idirdhealaitheach idir rannpháirtithe sa mhargadh sa phróiseas réamhcháiliúcháin, ina n-aonar nó trí chomhiomlánú i gcomhréir le mír 4 d'Airteagal 40 den [Rialachán athmhúnlaithé maidir le Leictreachas]. []

9. Is ar leithligh a dhéanfar soláthar na hacmhainne ardaithí don chothromú agus soláthar na hacmhainne íslithí don chothromú, [] i gcomhréir leis [] an Treoirlíne don Chothromú a glacadh ar bhonn Airteagal 18 de Rialachán 714/2009. A mhéid is féidir agus i gcás 40 % ar a laghad de na táirgí caighdeánacha [] a úsáidtear le haghaidh na hacmhainne don chothromú, déanfar conraitheoireacht na hacmhainne don chothromú ar feadh tréimhse nach faide ná aon lá amháin roimh sholáthar na hacmhainne don chothromú agus aon lá amháin ar a mhéad a bheidh sa tréimhse chonarhach. Déanfar conraitheoireacht na coda atá fágtha den acmhainn don chothromú ar feadh uastréimhse míosa sula gcuirfear an acmhainn don chothromú ar fáil agus bainfidh uastréimhse míosa le tréimhse chonarhach na coda a bheidh fágtha den acmhainn don chothromú.
- 9a. Arna iarraidh sin don oibreoir córas tarchurtha, féadfaidh [] údarás rialála náisiúnta [] tréimhse chonarhach na coda a bheidh fágtha den acmhainn don chothromú dá dtagraítear i mír 9 a shíneadh [] go huastréimhse dhá mhí déag ar choinníoll go mbeidh teorainn ama ag baint le cinneadh den chineál sin, agus gur mó an buntáiste a bhainfidh leis an gcostas a bheadh a thomhaltóirí a íslíú ná an drochthionchar a bheadh ar an margadh []. Áireofar san iarraidh sin:
- (a) an tréimhse ina mbeadh feidhm ag an díolúine a shainiú;
 - (b) sainiú ar mhéid na hacmhainne don chothromú [] a mbeadh feidhm ag an díolúine maidir leis;
 - (c) anailís ar thionchar díolúine den chineál sin ar rannpháirtíocht acmhainní don chothromú; agus
 - (d) bonn cirt leis an díolúine lena léireofar go mbainfeadh laghdú costas do thomhaltóirí le díolúine den chineál sin [].

10. Foilseoidh na hoibreoírí córas tarchurtha, a **thúisce is féidir ach tráth nach déanaí ná 30 nóiméad tar éis** [] fíorama, **an fhaisnéis faoi chothromú** reatha córas a [] limistéar **sceidealaithe** agus faoi phraghasanna **measta** [] an fhuinnimh don chothromú. **A mhéid a dhéanfar an fhreagracht maidir le soláthar na faisnéise sin a shannadh nó a tharmligean le tríú páirtí, i gcomhréir leis** [] an Treoirlíne don Choithromú a glacadh ar bhonn Airteagal 18 de Rialachán 714/2009, beidh na páirtithe sin freagrach as ceanglais an Airteagal seo a chomhlíonadh.

Airteagal 6

Margaí lá roimh ré agus ionlae

1. Eagróidh oibreoírí córas tarchurtha agus oibreoírí ainmnithe sa mhargadh leictreachais bainistiú na margaí comhtháite lá roimh ré agus ionlae go comhpháirteach bunaithe ar chúpláil margaidh mar a leagtar amach i Rialachán (AE) 2015/1222. Comhoibreoidh na hoibreoírí córas tarchurtha agus oibreoírí ainmnithe sa mhargadh leictreachais ar leibhéal an Aontais nó, más oiriúnaí seo, ar bhonn réigiúnach chun éifeachtúlacht agus éifeachtacht thrádáil leictreachais lá roimh ré agus ionlae an Aontais. Beidh an oibleagáid chun dul i mbun comhair gan dochar d'fhorálacha dhlí iomaíochta an Aontais a chur i bhfeidhm. Sna feidhmeanna atá acu a bhaineann le trádáil leictreachais, beidh oibreoírí córais tarchurtha agus oibreoírí ainmnithe sa mhargadh **leictreachais** faoi réir formhaoirseachta rialálaithe agus na Gníomhaireachta de bhun Airteagal 59 de [an t-athmhúnlú ar Threoir 2009/72/CE arna moladh faoin togra COM(2016) 864/2] agus Airteagal 4 go hAirteagal 9 de [an t-athmhúnlú ar Rialachán (CE) Uimh. 713/2009 arna moladh faoin togra COM(2016) 863/2].

2. I dtaca le margaí lá roimh ré nó ionlae:

- (a) eagrófar siad ar bhealach a fhágfaidh go mbeidh siad neamh-idirdhealaitheach;
- (b) uasmhéadóidh siad an cumas atá ag na rannpháirtithe **uile** sa mhargadh [] a míchothromaíochtaí **a bhainistiú**;
- (c) déanfaidh siad uasmhéadú ar na deiseanna atá ag na rannpháirtithe **uile** sa mhargadh bheith rannpháirteach i dtrádáil tras[] **limistéir** chomh gar agus is féidir don fhíor-am thar gach limistéar tairisceana;
- (d) soláthróidh siad praghsanna a bheidh ina léiriú ar bhunphrionsabail an mhargaidh, **lena n-áirítear luach fíor-ama an fhuinnimh**, agus ar féidir le rannpháirtithe sa mhargadh dul ar a n-iontaoibh agus táirgí fálaíthe níos fadtarmaí á gcomhaontú acu;
- (e) áiritheoidh siad slándáil oibríochtúil agus ag an am céanna fágfaidh siad gur féidir an úsáid is mó a bhaint as an cumas tarchurtha;
- (f) beidh siad trédhearcach agus déanfar rúndacht a urramú **agus trádáil a áirithiú sa bhealach anaithnid** ag an am céanna ; **agus**;

[]

(h)ní dhéanfaidh siad aon idirdhealú idir trádálacha a dhéantar laistigh de limistéar tairisceana agus thar limistéir thairisceana.

[]

Airteagal 7

Trádáil ar mhargáí lá roimh ré agus ionlae

1. Cuirfidh oibreoírí **ainmnithe** sa mhargadh **leictreachais** ar chumas rannpháirtithe sa mhargadh fuinneamh a thrádáil chomh gar don fhíor-am agus is féidir agus ar a laghad go dtí am dúnta an gheata traslimistéir ionlae arna chinneadh i gcomhréir leis **an treoirlíne maidir le leithdháileadh acmhainne agus le bainistiú ar phlódú a glacadh ar bhonn Airteagal 18 de Rialachán (AE) 714/2009.**
2. Tabharfaidh oibreoírí **ainmnithe** sa mhargadh **leictreachais** an deis do rannpháirtithe sa mhargadh trádáil a dhéanamh i bhfuinneamh in eatrainmh ama atá ar a laghad chomh gearr leis an tréimhse um réiteach míchothromaíochtaí sna margáí lá roimh ré agus ionlae araon i gcomhréir leis **an treoirlíne don chothromú a glacadh ar bhonn Airteagal 18 de Rialachán (AE) 714/2009.**
3. Soláthróidh oibreoírí **ainmnithe** sa mhargadh **leictreachais** táirgí lena dtrádáil sna margáí lá roimh ré agus ionlae atá ar a laghad beag go leor ó thaobh méide, le méideanna íosta tairisceana de 1 Mheigeavata , le go mbeidh freagairt don éileamh, stóráil fuinnimh agus táirgeadh in-athnuaite ar scála beag a bheith rannpháirteach go héifeachtach i **gcomhréir leis na modheolaíochtaí a forbraíodh sa treoirlíne maidir le leithdháileadh acmhainne agus bainistiú ar phlódú a glacadh ar bhonn Airteagal 18 de Rialachán (AE) 714/2009.**
4. Faoin 1 Eanáir 2021 is 15 nóiméad a bheidh sa tréimhse réitigh míchothromaíochtaí i ngach réimse **sceidealaithe mura ndéanfaidh na húdaráis rialála maolú nó díolúine a dheonú i gcomhréir leis an treoirlíne don chothromú a glacadh ar bhonn Airteagal 18 de Rialachán 714/2009.**

Airteagal 8

Réamh-mhargáí

1. I gcomhréir le Rialachán (AE) 2016/1719, eiseoidh oibreoirí córas tarchurtha cearta tarchurtha fadtéarmacha nó beidh bearta comhionanna i bhfeidhm acu le go mbeidh rannpháirtithe sa mhargadh, [] **lena n-áirítear** úinéirí saoráidí giniúna ina n-úsáidtear foinsí fuinnimh in-athnuaite, rioscaí ó thaobh praghsanna de a fhálú thar theorainneacha na limistéar tairisceana, **mura léireofar i measúnú ar an réamhmhargadh arna dhéanamh ag na húdaráis inniúla rialála theorainn na limistéar tairisceana deiseanna leordhóthanacha ar fhálú sna limistéir tairisceana lena mbaineann i gcomhréir leis [] an treoirlíne maidir le leithdháileadh todhchaí acmhainne a glacadh ar bhonn Airteagal 18 de Rialachán 714.**
2. Leithdháilfear cearta tarchurtha fadtéarmacha ar mhodh trédhearcach, margadh-bhunaithe agus neamh-idirdhealaitheach trí aon ardán amháin um leithdháileadh **i gcomhréir le forálacha an []treoirlíne maidir le leithdháileadh todhchaí acmhainne a glacadh ar bhonn Airteagal 18 de Rialachán 714/2009. []**
3. Faoi réir rialacha na gconarthaí maidir le hiomaíocht a chomhlíonadh. beidh saoirse ag oibreoirí margaidh táirgí fálaithe todhchaíochta a fhorbairt, lena n-áirítear don fhadtéarma, chun deiseanna oiriúnacha a sholáthar do rannpháirtithe sa mhargadh, [] **lena n-áirítear** úinéirí saoráidí giniúna ina n-úsáidtear foinsí fuinnimh in-athnuaite, chun rioscaí airgeadais a eascraíonn as luaineachtaí ar phraghsanna a fhálú. Ní dhéanfaidh Ballstáit gníomhaíochtaí fálaithe den sórt sin a theorannú go trádálacha laistigh de Bhallstát nó laistigh de chrios tairisceana.

[] Teorainneacha teicniúla ar thairiscintí

1. **Maidir le praghsanna mórdhíola leictreachais agus praghsanna fuinnimh don chothromú, lena n-áirítear praghsanna tairisceana agus praghsanna imréitigh, ní bheidh siad faoi réir teorainn íosta ná uasta. Tá an méid sin gan dochar do na teorainneacha teicniúla ar thairiscintí is féidir a chur i bhfeidhm sa chreat ama don chothromú i gcomhréir leis[] an Treoirlíne don Chothromú a glacadh ar bhonn Airteagal 18 de Rialachán 714/2009, agus sna creataí ama lá roimh ré agus ionlae mar a leagtar amach sa mhír seo a leanas iad. []**
2. **[] Féadfaidh oibreoirí ainmnithe sa mhargadh leictreachais teorainneacha comhchuibhithe a chur i bhfeidhm ar na praghsanna uasta agus íosta imréitigh do na creataí ama lá roimh ré agus ionlae i gcomhréir leis[] an treoirlíne maidir le leithdháileadh acmhainne agus bainistiú ar phlódú a glacadh ar bhonn Airteagal 18 de Rialachán 714/2009. Cuirfear san áireamh sna teorainneacha sin an luach uasta atá ar chailliúint lóid. I gcás ina bhfuiltear ag súil go mbainfear amach na [] teorainneacha socraithe, cuirfidh oibreoirí ainmnithe margaidh sásra trédhearcach i bhfeidhm chun na teorainneacha teicniúla ar thairiscintí a choigeartú go huathoibríoch agus in am trátha. Beidh na teorainneacha coigeartaithe níos airde sin infheidhme go dtí go gceanglófar tuilleadh méadaithe faoin sásra sin.**
3. **Ní ghlacfaidh oibreoirí córas tarchurtha aon bhearta a mbeidh sé d'aidhm leo na praghsanna mórdhíola a athrú. []**
4. **Aithneoidh údaráis rialála náisiúnta nó údaráis inniúla eile a shainíonn na Ballstáit beartais agus bearta arna gcur i bhfeidhm laistigh dá gcríoch a d'fhéadfadh cuidiú chun bunú praghsanna mórdhíola a shrianadh go neamhdhíreach, lena n-áirítear tairiscintí a bhaineann le fuinneamh don chothromú a chur i ngníomh, le sásraí acmhainne nó le bearta a dhéanfaidh na hoibreoirí, ar bearta iad a bhfuil sé mar aidhm leo aghaidh a thabhairt ar thorthaí an mhargaidh nó mí-úsáid ar shuíomhanna ceannasacha nó limistéir tairisceana atá sainithe go neamh-éifeachtach a chosc, a theorannú.**

5. Nuair a bheidh beartas nó beart, a d'fhéadfadh bunú praghsanna a shrianadh, sainaitheanta ag **údarás rialála náisiúnta nó údarás inniúil eile a shainíonn** Ballstát, déanfaidh sé gach gníomhaíocht oiriúnach chun an tionchar a bheidh aige ar iompar tairisceana a dhíothú nó, mura féidir sin, é a mhaolú. Cuirfidh na Ballstáit tuarascáil ar fáil don Choimisiún faoi [OP: *sé mhí tar éis theacht i bhfeidhm*] ina mbeidh tuairisc ar na bearta agus gníomhaíochtaí atá déanta acu nó atá beartaithe acu.

Airteagal 10

An luach atá chailliúint lóid

1. Faoi [OP: aon bhliain amháin tar éis theacht i bhfeidhm] bunóidh **údarás rialála náisiúnta nó údarás inniúla eile a shainíonn** na Ballstáit meastachán amháin don Luach atá ar Chailliúint Lóid (VoLL) dá gcríoch [], **i gcás ina gceanglaítear sin chun caighdeán iontaofachta a leagan síos i gcomhréir le hAirteagal 20**. Cuirfear an [] meastachán sin ar fáil go poiblí. **Féadfaidh údarás rialála náisiúnta nó údarás inniúla eile a shainíonn** na Ballstáit **meastacháin []** éagsúla in aghaidh an limistéir tairisceana a bhunú má tá roinnt limistéir tairisceana ar a gcríoch. **I gcás ina bhfuil críocha níos mó ná Ballstát amháin i limistéar tairisceana, bunóidh na Ballstáit lena mbaineann VoLL aonair don limistéar tairisceana sin**. Cuirfidh **údarás rialála náisiúnta nó údarás inniúla eile a shainíonn na Ballstáit** an mhodheolaíocht arna forbairt de bhun Airteagal 19(5) i bhfeidhm agus VoLL á bhunú acu.
2. Déanfaidh na Ballstáit a meastachán a thabhairt cothrom le dáta gach cúig bliana ar a laghad **nó tráth a bhfeictear athrú suntasach**.

Airteagal 11

Giniúint agus freagairt don éileamh a sheoladh

1. Beidh seoladh na saoráidí giniúna cumhachta agus freagartha don éileamh neamh-idirdhealaitheach, **trédhearcach** agus, **mura bhforáiltear dá mhalairt faoi Airteagal 11 (2) go hAirteagal 11 (4)**, margadh-bhunaithe. []
2. [] **Gan dochar [] d'Airteagal 107 go hAirteagal 109 CFAE, maidir le leictreachas a ghintear []** trí úsáid a bhaint as foinsí in-athnuaite fuinnimh nó comhghiniúint ardéifeachtach ó **shaoráidí beaga giniúna cumhachta** nó ó **shaoráidí giniúna cumhachta** a úsáideann teicneolaíochtaí atá ag teacht chun cinn, féadfaidh na Ballstáit foráil a dhéanamh **go ndeonófar seoladh tosaíochta dó go dtí** an méid seo a leanas:
 - (a) [] **saoráid giniúna cumhachta** a bhaineann úsáid as foinsí fuinnimh in-athnuaite nó as comhghiniúint ardéifeachtach a bhfuil acmhainn leictreachais suiteáilte de níos lú ná [] **250 kW** aici; nó
 - (b) tionscadaíl taispeána le haghaidh teicneolaíochtaí [] **atá ag teacht chun cinn mar a shainmhínítear [] sa chód gréasáin i dtaobh ceanglais do ghineadóirí a glacadh ar bhonn Airteagal 18 de Rialachán 714/2009.**

[]

(cuid de mhír 3, aistrithe go 3a thíos)

- 3a. **I gcás saoráidí giniúna cumhachta a choimisiúnófar ón 1 Eanáir 2026 amach, ní bheidh feidhm ag pointe (a) de mhír 2 ach amháin i leith saoráidí giniúna cumhachta [] a bhaineann úsáid as foinsí fuinnimh in-athnuaite nó as comhghiniúint ardéifeachtach a bhfuil acmhainn leictreachais suiteáilte de níos lú ná [] 150 kW [] acu. **Féadfaidh na Ballstáit tairseach níos ísle a chur i bhfeidhm.****

4. **[] Gan dochar do chonarthaí a tugadh i gcrích [roimh teacht i bhfeidhm na reachtaíochta]**, maidir le saoráidí giniúna cumhachta a úsáideann foinsí in-athnuaite fuinnimh nó comhghiniúint ardéifeachtach a coimisiúnaíodh roimh an [OP: teacht i bhfeidhm] agus a bhí, nuair a coimisiúnaíodh iad, faoi réir seoladh tosaíochta faoi Airteagal 15(5) de Threoir 2012/27/AE ó Pharlaimint na hEorpa agus ón gComhairle nó Airteagal 16(2) de Threoir 2009/28/CE ó Pharlaimint na hEorpa agus ón gComhairle¹⁴, **leanfaidh siad de bheith [] ag baint leasa as** seoladh tosaíochta. Ní bheidh seoladh tosaíochta infheidhme a thuilleadh ó dáta a mbeidh an [] **tsaoráid giniúna cumhachta** faoi réir modhnuithe suntasacha, rud a bheidh amhlaidh, ar a laghad, i gcás ina mbeidh gá le comhaontú do nasc nua de dhíth nó i gcás ina méadaítear an acmhainn ghiniúna.
5. Ní chuirfear oibriú slán an chórais leictreachais i mbaol le seoladh tosaíochta, ní bhainfear úsáid as mar bhonn cirt don chiorrú ar an acmhainn trasteorann thar an méid dá bhforáiltear in Airteagal 14 agus beidh sé bunaithe ar chritéir thrédhearcacha agus neamh-idirdhealaitheacha.

¹⁴ Treoir 2009/28/CE ó Pharlaimint na hEorpa agus ón gComhairle an 23 Aibreán 2009 maidir le húsáid fuinnimh ó fhoinsí in-athnuaite a chur chun cinn agus lena leasaítear agus lena n-aisghairtear ina dhiaidh sin Treoir 2001/77/CE agus Treoir 2003/30/CE (IO L 140, 5.6.2009, lch. 16).

Airteagal 12

Athsheoladh []

1. Is bunaithe ar chritéir oibiachtúla, thrédhearcacha agus neamh-idirdhealaitheacha a bheidh athsheoladh giniúna agus athsheoladh freagartha don éileamh. **Beidh sé oscailte do gach teicneolaíocht ghiniúna, stórála agus freagartha don éileamh, lena n-áirítear oibreoirí atá suite i mBallstáit eile, ach amháin mura bhfuil sin indéanta go teicniúil.**
2. Roghnófar na hacmhainní [] arna n-atsheoladh as measc na saoráidí giniúna, **stórála** nó éilimh [] trí shásraí margadhbhunaithe a úsáid agus tabharfar cúiteamh airgeadais astu. [] **Maidir le tairiscintí d'fhuinneamh don chothromú a úsáidtear d'atsheoladh, eisíafar iad ó phraghas an fhuinnimh don chothromú [] a shocrú [] [] i gcomhréir leis [] an Treoirlíne don Chothromú a glacadh ar bhonn Airteagal 18 de Rialachán 714/2009.**

(cuid de mhír 2, aistrithe go 2a thíos)

- 2a. Gan dochar [] d'Airteagal 107 go hAirteagal 109 CFAE,** ní fhéadfar úsáid nach bhfuil bunaithe ar an margadh a bhaint as [] athsheoladh giniúna nó athsheoladh freagartha don éileamh [] ach **faoi réir na gcoinníollacha seo a leanas amháin:**
- (a) i gcás nach bhfuil rogha mhalartach mhargadhbhunaithe ar fáil,
 - (b) [] i gcás inar úsáideadh gach acmhainn mhargadhbhunaithe atá ar fáil, nó
 - (c) [] i gcás ina bhfuil líon na saoráidí giniúna nó éilimh, sa limistéar ina bhfuil saoráidí oiriúnacha giniúna nó éilimh chun an tseirbhís a sholáthar suite, ró-íseal chun iomaíocht éifeachtach a áirithiú. []

(d) i gcás go mbeadh plódú ar bhealach rialta intuartha ann de bharr staid reatha na n-eangach lena bhfágfaí de thoradh ar athsheoladh margadhbhunaithe go mbeadh tairiscintí rialta straitéiseacha ann lena méadófaí leibhéal an phlódaithe inmheánaigh agus go mbeadh plean gníomhaíochta glactha ag an mBallstát lena mbaineann chun dul i ngleic leis an bplódú sin nó go n-áiritheodh sé an acmhainn íosta do thrádáil traslimistéir [] i gcomhréir le hAirteagal 14(7).

3. Na hoibreoírí córas atá freagrach, déanfaidh siad tuairisciú ar a laghad uair amháin in aghaidh na bliana don údarás inniúil rialála maidir le [] athsheoladh íslitheach na saoráidí giniúna cumhachta a bhaineann úsáid as foinsí fuinnimh in-athnuaite nó as comhghiniúint ardéifeachtach []
4. Faoi réir na gceanglas a bhaineann le cothabháil a dhéanamh ar iontaofacht agus ar shábháilteacht an eangaigh, bunaithe ar chritéir thrédhearcacha neamh-idirdhealaitheacha arna sainiú ag na húdaráis inniúla náisiúnta, déanfaidh oibreoírí córas tarchurtha agus oibreoírí córas dáileacháin na nithe seo a leanas:
- (a) ráthú a dhéanamh ar chumas na ngréasán tarchurtha agus dáileacháin leictreachas arna tháirgeadh ó fhoinsí fuinnimh in-athnuaite nó ó ghiniúint ard-éifeachtach a tharchur lena laghad [] athsheoladh agus is féidir. Ní chuirfidh sin cosc ar lucht pleanála gréasán [] athsheoladh teoranta a chur san áireamh má thaispeántar go bhfuil éifeachtúlacht eacnamaíoch níos mó i gceist leis sin agus [] nach dtéann sé thar 5 % den [] **leictreachas arna ghiniúint go bliantúil i suiteálacha** a bhaineann úsáid as foinsí fuinnimh in-athnuaite [] **agus atá nasctha go díreach lena n-eangach faoi seach, mura ndéanfaidh Ballstát inar fiú níos mó ná 50 % dá olltomhaltas deiridh bliantúil leictreachais an leictreachas sin a fhaightear ó shaoráidí giniúna cumhachta a bhaineann úsáid as foinsí fuinnimh in-athnuaite nó as comhghiniúint ardéifeachtach foráil dá mhalairt;**
- (b) bearta oibríochtúla oiriúnacha i dtaca leis an eangach agus a bhaineann leis an margadh a dhéanamh chun íoslaghdú a dhéanamh ar [] athsheoladh íslitheach ar leictreachas arna tháirgeadh ó fhoinsí fuinnimh in-athnuaite nó ó chomhghiniúint ardéifeachtach.

5. I gcás ina mbaintear úsáid as athsheoladh íslitheach margadhbhunaithe[] , beidh feidhm ag na prionsabail seo a leanas:

- (a) [] ní bheidh **saoráidí giniúna cumhachta** a bhaineann úsáid as foinsí fuinnimh in-athnuaite faoi réir athsheoladh íslitheach [] ach amháin mura bhfuil aon rogha mhalartach eile ann nó más rud é go mbeadh costais dhíríreacha nó rioscaí **móra** do shlándáil an ghréasáin ann mar thoradh ar na réitigh eile;
- (b) ní bheidh [] **leictreachas a ghintear i bpróiseas** comhghiniúna ardéifeachtaí faoi réir athsheoladh íslitheach [] ach amháin, seachas [] athsheoladh íslitheach a dhéanamh ar [] **shaoráidí giniúna cumhachta** a bhaineann úsáid as foinsí fuinnimh in-athnuaite, nach bhfuil aon rogha mhalartach eile ann nó más rud é go mbeadh costais dhíríreacha nó rioscaí **móra** do shlándáil an ghréasáin ann mar thoradh ar na réitigh eile;

[]

- (d) tabharfar bonn cirt go hiomchuí agus go trédhearcach ar athsheoladh íslitheach [] faoi phointe (a) **agus pointe (b)**[]. Cuirfear an bonn cirt san áireamh sa tuarascáil faoi mhír 3.

6. I gcás ina mbaintear úsáid as [] athsheoladh nach bhfuil margadh-bhunaithe, beidh sé faoi réir ag cúiteamh airgeadais ag an oibreoir córais a iarrann [] an t-athsheoladh chuig oibreoir na saoráide athsheolta giniúna nó éilimh seachas i gcás gineadóirí a ghlacann le [] comhaontú do nasc nach n-áirithítear seachadadh daingean fuinnimh leis. Beidh an cúiteamh airgeadais ar a laghad comhionann leis an gceann is airde díobh seo a leanas **nó le cumasc díobh dá mba rud é gur cúiteamh dochosanta íseal nó dochosanta ard a bheadh de thoradh ar cheann amháin díobh a chur i bhfeidhm:**

- (a) an costas oibríochtúil breise arna chruthú ag an athsheoladh, amhail costais bhreise bhreosla i gcás athsheoladh ardaitheach, nó soláthar teasa cúltaca i gcás athsheoladh íslitheach nó ciorrú ar **saoráidí giniúna cumhachta** a baineann úsáid as chomhghiniúint ardéifeachtach;
- (b) An fáltas glan ón díolachán leictreachais ar an margadh lá amháin roimh ré a bheadh ginte ag an tsaoráid ghiniúna nó éilimh murach an iarraidh ar athsheoladh. I gcás ina ndéantar tacaíocht airgeadais a thabhairt do shaoráidí giniúna nó éilimh bunaithe ar an méid leictreachais arna ghiniúint nó arna ídiú, measfar an tacaíocht airgeadais a chaillfear a bheith ina cuid den fháltas glan.

Caibidil III

Rochtain ar ghréasán agus bainistiú ar phlódú

ROINN 1

LEITHDHÁILEADH ACMHAINNE

Airteagal 13

Bearta chun dul i ngleic le plódú agus an sainmhíniú ar na limistéir tairisceana

1. **Glacfaidh na Ballstáit bearta iomchuí chun [] dul i ngleic le plódú.** Beidh teorainneacha na limistéir tairisceana bunaithe ar phlódú fadtéarmach struchtúrach sa ghréasán tarchurtha []. **Ní bheidh plódú struchtúrtha den chineál sin sna limistéir tairisceana mura bhfuil tionchar ar bith acu, nó mura ndéantar a dtionchar ar limistéir tairisceana chomharsanachta a mhaolú trí leas a bhaint as gníomhaíochtaí ceartaitheacha agus nach mbíonn laghdú ar an acmhainn trádála traslimistéir de thoradh orthu.** Dearfar cumraíocht na limistéir tairisceana san Aontas ar bhealach a fhágfaidh go ndéanfar éifeachtúlacht eacnamaíochta a uasmhéadú agus d'fhonn deiseanna trádála trasteorann a uasmhéadú [] agus urraim chuí á tabhairt do na forálacha in Airteagal 14.

[]
[]
[]

3. Chun **cumraíocht** optamach ar limistéar tairisceana a áirithiú [] déanfar athbhreithniú ar na limistéir tairisceana. San athbhreithniú sin **déanfar an plódú struchtúrach ar fad a shainaithint agus** beidh anailísiú ar [] chumraíochtaí **éagsúla** na limistéar tairisceana ar mhodh comhordaithe ina mbeidh geallsealbhóirí a bhfuil difear á dhéanamh dóibh ó gach Ballstát [] **ábhartha** rannpháirteach, trí phróiseas a leanúint i gcomhréir leis [] **an treoirlíne maidir le leithdháileadh acmhainne agus bainistiú ar phlódú a glacadh ar bhonn Airteagal 18 de Rialachán (AE) 714/2009 . [] Tíolacfaidh gach oibreoir córais tarchurtha ábhartha togra do na húdaráis rialála náisiúnta lena fhorpheas. Tiocfaidh na húdaráis rialála náisiúnta ar chinneadh d'aon toil maidir leis an togra laistigh de [3 mhí]. I gcás nach n-aontaíonn siad leis an gclár ama, déanfaidh an Ghníomhaireacht [] **cinneadh** maidir leis an modheolaíocht agus na toimhdí a úsáidfeadh sa phróiseas seo chun athbhreithniú a dhéanamh ar chriosanna tairisceana, chomh maith leis na cumraíochtaí malartacha ar chriosanna tairisceana atá á mheas, agus féadfaidh sí leasuithe orthu a iarraidh. **Is ar phlódú struchtúrach nach bhfuiltear ag súil go sárófar sna cúig bliana atá romhainn é, a bhunófar an mhodheolaíocht, lena gcuirfeadh san áireamh, mar shampla, dul chun cinn nithiúil ar thionscadail forbartha bonneagair nach bhfuiltear ag súil go gcuirfeadh i gcrích iad sna cúig bliana atá romhainn.****
- 3a. **Beidh feidhm beag beann ar an toradh nithiúil a bheidh ar na tionscadail forbartha bonneagair ag Airteagal 14 maidir le ríomh na hacmhainne a bheidh ar fáil do mhalartuithe traslimistéir. I gcás ina ndéanfar plean gníomhaíochta a chur chun feidhme de bhun mhír 4a, déanfar an tairseach dá dtagraítear in Airteagal 14(7[]) a bhaint amach tráth nach déanaí ná deireadh na bliana 2025. []**

4. Cuirfidh na hoibreoirí córas tarchurtha atá rannpháirteach san athbhreithniú ar na limistéir tairisceana togra **comhpháirteach** faoi bhráid na **mBallstát ábhartha** nó **údaráis inniúla ainmnithe na mBallstát ábhartha** *[tráth nach déanaí ná 12 mhí tar éis theacht i bhfeidhm an Rialacháin seo, dáta sonrach le cur isteach in IO]*. San Airteagal seo, tagraíonn na Ballstáit ábhartha [] do na Ballstáit sin a bheidh rannpháirteach san athbhreithniú [] ar chumraíocht na limistéar tairisceana agus na Ballstáit sin sa réigiún céanna ríofa acmhainne [] de bhun [] na treoirlíne maidir le leithdháileadh acmhainne agus bainistiú ar phlódú a glacadh ar bhonn Airteagal 18 de Rialachán (AE) 714/2009.

[]

- 4a. I gcás ina mbeidh plódú struchtúrach sainaitheanta ag [] ceann amháin nó níos mó de na hoibreoirí córais tarchurtha nó i gcás ina moltar san athbhreithniú ar na limistéir tairisceana athrú limistéir tairisceana a dhéanamh i mBallstát amháin nó níos mó, beidh an deis ag an mBallstát lena mbaineann i gcomhar lena oibreoirí córais tarchurtha, pleananna náisiúnta nó ilnáisiúnta gníomhaíochta a shainiú faoi cheann sé mhí. Beidh clár ama coincreíteach sna pleananna gníomhaíochta sin chun bearta a ghlacadh chun laghdú a dhéanamh ar an bplódú struchtúrach arna shainaithint sa tréimhse *[nach déanaí ná [4] bliana tar éis theacht i bhfeidhm an Rialacháin seo, dáta sonrach le cur isteach in IO]*, lena n-áirítear, mar shampla, dlús a chur faoi fhorbairt gréasán, úsáid níos éifeachtúla a bhaint as an mbonneagar atá ann faoi láthair, athbhreithniú ar na cleachtais reatha atá ann maidir le hoibríocht na gcóras, comhordú feabhsaithe ar oibríocht na gcóras leis na hoibreoirí córas tarchurtha comharsanachta ábhartha, athbhreithniú a dhéanamh ar an rialáil maidir le gníomhaíochtaí ceartaitheacha agus na baic atá ar sholúbthacht a mhéadú agus bearta sna beartais náisiúnta fuinnimh a aistríonn suíomh an táirgthe agus an tomhaltais.

4b. Aon Bhallstát a mbíonn pleananna gníomhaíochta á gcur chun feidhme aige [] de bhun mhír 4a, [] áiritheoidh sé, gan dochar do na maoluithe faoi Airteagal 14(7a) agus Airteagal 14(7b), go mbainfear amach an leibhéal acmhainne leithdháilte a leagtar amach in Airteagal 14(7), an t-íosleibhéal acmhainne leithdháilte, sa bhliain deiridh den phlean gníomhaíochta agus tráth nach déanaí ná [] deireadh na bliana 2025, i gcás ar bith. Trí bhíthin conair líneach a bhainfidh na Ballstáit amach an [] acmhainn dá dtagraítear sa mhír seo. Déanfar an chonair líneadh seo agus tús na conaire seo, arb é an acmhainn a leithdháileadh ar an teorainn sa bhliain roimh chur chun feidhme an phlean ghníomhaíochta nó meán na dtrí bliana deiridh roimh an bplean gníomhaíochta, cibé acu is airde, déanfar an méid sin a chomhaontú leis na Ballstáit atá sa réigiún ríomh acmhainne céanna. Don tréimhse ina bhfuil plean gníomhaíochta á chur chun feidhme ag Ballstát, [] déanfaidh an Ballstát a áirithiú go mbeidh an acmhainn ar fáil don trádáil traslimistéir a bheith i gcomhréir le mír 7, cothrom, ar a laghad, le luach na conaire, lena n-áirítear trí úsáid a bhaint as na gníomhaíochtaí feabhais i réigiún ríomh acmhainne, ach nach bhfuil cinntí na n-údarás rialála dá dtagraítear i mír 7a agus 7b infheidhme maidir leis Ballstát den sórt sin. [] Is iad an Ballstát nó na Ballstáit a bhfuil an plean gníomhaíochta á chur chun feidhme aige nó acu a iompróidh na costais a bhaineann leis na gníomhaíochtaí feabhais a theastaítear chun cloí leis an gconair nó acmhainn traslimistéir a chur ar fáil ag na teorainneacha lena mbaineann an plean gníomhaíochta.

- 4c. Déanfaidh na Ballstáit [] cinneadh sé mhí sula rachaidh an plean gníomhaíochtaí in éag, cibé an ndéanfaidh siad a limistéar tairisceana a scoilt chun aghaidh a thabhairt ar phlódú atá gan réiteach nó aghaidh a thabhairt ar an bplódú atá fós gan réiteach le gníomhaíochtaí ceartaitheacha a mbeidh orthu na costais ina leith a sheasamh. Gach bliain le linn cur chun feidhme an phlean gníomhaíochta agus faoi cheann sé mhí ón uair a rachaidh an plean gníomhaíochta in éag, déanfaidh na hoibreoírí córais tarchurtha atá rannpháirteach sa mheasúnú an acmhainn traslimistéir atá ar fáil arna ríomh i gcomhréir leis an modheolaíocht dá dtagraítear in Airteagal 14 (7) a mheas ar feadh [] tréimhse an 12 mhí deiridh, agus [] leagfaidh siad amach i dtuarascáil ar baineadh leibhéal íosta na hacmhainne trádála trasteorann a leagtar amach in Airteagal 14 (7c) amach. I gcás ina sainithneofar plódú struchtúrach de bhun mhír 4a ach nár sainíodh plean gníomhaíochta laistigh de 6 mhí, laistigh de dhá mhí dhéag tar éis plódú struchtúrach a shainaithint déanfaidh na hoibreoírí córais tarchurtha ábhartha an acmhainn traslimistéir atá ar fáil a ríomh i gcomhréir leis an modheolaíocht dá dtagraítear in Airteagal 14(7) don tréimhse 12 mhí roimhe sin, agus déanfaidh siad a chinneadh i dtuarascáil ar bhain an cumas trádála trasteorann amach a leibhéal íosta a leagtar amach in Airteagal 14(7). Déanfar na measúnaithe faoin mír seo arís ar bhonn leanúnach gach 24 mhí ar feadh thréimhse an 24 mhí deiridh.
- 4d. Nuair a léireofar sa mheasúnú de bhun mhír 4c nár chomhlíon oibreoír córas tarchurtha i mBallstáit áirithe an leibhéal a léirítear in Airteagal 14(7), nó i gcás na mBallstát sin a roghnaigh scoilt limistéar tairisceana, tiocfaidh na Ballstáit ábhartha ar chinneadh d'aon toil faoi cheann sé mhí ón uair a gheobhaidh siad an tuarascáil dá dtagraítear i mír 4c cibé acu ar cheart cumraíocht na limistéar tairisceana a leasú nó a choinneáil. Féadfaidh na Ballstáit eile tuairimí a chur faoi bhráid na mBallstát ábhartha agus ba cheart go dtabharfaí na tuairimí sin ar aird nuair a dhéanfar an cinneadh. Beidh bonn cirt leis an gcinneadh, agus tabharfar fógra faoi don Choimisiún agus don Ghníomhaireacht.

- 4e. *(ex 4a)* I gcás nach bhféadfaidh na Ballstáit ábhartha teacht ar chinneadh d'aon toil sa chreat ama a cheadaítear [] cuirfidh siad an méid sin in iúl don Choimisiún láithreach. Féadfaidh an Coimisiún tuilleadh tograí a dhéanamh agus féadfaidh sé iarraidh ar na Ballstáit ábhartha teacht [] chuig comhairliúcháin lena ndírítear ar réiteach cothrom a chothú laistigh de thrí mhí. [] Mar rogha dheiridh, glacfaidh an Coimisiún, tar éis dó a bheith i gcomhairle leis an nGníomhaireacht agus na páirtithe leasmhara ábhartha, cinneadh maidir le cumraíocht na limistéar tairisceana a leasú nó a choinneáil sna Ballstáit sin atá faoi réir an chinnidh de réir mhír 4d agus idir na Ballstáit sin, faoi cheann sé mhí tar éis dó [] fógra mar sin a fháil.
- 4f. I gcás ina léireofar in athmheasúnú leantach dá dtagraítear i mír 4c nach mbeidh forálacha Airteagal 14(7c) comhlíonta ag oibreoir córas tarchurtha, [] beidh feidhm ag an nós imeachta faoi mhír 4d agus mír 4e.
5. Beidh an cinneadh dá dtagraítear i mír 4d nó i mír 4e bunaithe ar an tuarascáil lena ndéantar plódú struchtúrtha a shainaitheint nó ar an toradh a bheidh ar an athbhreithniú ar na limistéir tairisceana agus ar thograí na n-oibreoirí córas tarchurtha i mír 4a agus sa tuarascáil i mír 4c a bhaineann lena choinneáil ar bun nó lena leasú []. Beidh bonn cirt ag gabháil leis an gcinneadh, go háirithe i ndáil le rud a bith a d'fhéadfadh a bheith ag imeacht ón athbhreithniú ar na limistéir tairisceana agus cuirfear san áireamh na seasaimh agus na tiomantais ó na Ballstáit [] lena mbaineann agus na tuairimí arna soláthar ag na Ballstáit eile.
6. I gcás ina ndéantar athbhreithnithe eile ar limistéir tairisceana a sheoladh faoin [] treoirlíne maidir le leithdháileadh acmhainne agus bainistiú ar phlódú a glacadh ar bhonn Airteagal 18 de Rialachán (AE) 714/2009, leanfar an nós imeachta a leagtar amach [] san Airteagal sin.

[]

4. Sonrófar in aon chinneadh a **glacadh de réir an Airteagail seo** an dáta a chuirfear athrú chun feidhme. Leis an dáta cur chun feidhme, aimseofar cothromaíocht idir an gá le cur chun feidhme a dhéanamh a luaithe agus is féidir agus ceisteanna praiticiúla, trádáil todhcháiochta leictreachais san áireamh **agus ní bheidh sé níos gearra ná 12 mhí tar éis an cinneadh a fhoilsiú mura gcomhaontófar a mhalairt leis na Ballstáit ábhartha.** Féadfaidh an **cinneadh** socrúithe eatramhacha oiriúnacha a shainiú .

Airteagal 14

Prionsabail ghinearálta maidir le leithdháileadh acmhainne agus bainistiú ar phlódú

1. Tabharfar aghaidh ar fhadhbanna maidir le plódú gréasáin trí réitigh neamh-idirdhealaitheacha margadhbhunaithe lena dtabharfar comharthaí eacnamaíocha éifeachtúla do na rannpháirtithe sa mhargadh agus do na hoibreoirí córas tarchurtha lena mbaineann. Réiteofar fadhbanna an phlódaithe gréasáin trí mhodhanna nach bhfuil bunaithe ar idirbheart i.e. modhanna nach mbaineann le roghnú idir conarthaí rannpháirtithe aonair sa mhargadh. Agus bearta oibríochtúla á dhéanamh chun a áirithiú go bhfanfaidh a chóras tarchurtha sa ghnáth-staid, cuirfidh an t-oibreoir córais tarchurtha san áireamh an tionchar a bheadh ag na bearta sin ar limistéir rialaithe chomharsanachta agus déanfaidh sé comhordú ar bhearta den sórt sin le hoibreoirí córas tarchurtha eile a n-imreofar tionchar orthu mar a fhoráiltear sa treoirlíne maidir le ríomh comhordaithe acmhainne agus le bainistiú ar phlódú a glacadh ar bhonn Airteagail 18 de Rialachán (AE) 714/2009.
2. Ní úsáidfear nósanna imeachta um chiorrú idirbhirt ach amháin i gcúinsí éigeandála ina mbeadh ar an oibreoir córais tarchurtha gníomhú ar mhodh gasta agus nach mbeadh athsheoladh nó fritrádáil indéanta. Cuirfear aon nós imeachta den sórt sin i bhfeidhm ar mhodh neamh-idirdhealaitheach. Déanfar rannpháirtithe sa mhargadh dar leithdháileadh acmhainn a chúiteamh as aon chiorrú, seachas i gcásanna *force majeure*.

2a. Féadfaidh na hoibreoirí córas tarchurtha a chinneadh gan na gníomhaíochtaí comhordaithe a chur chun feidhme a d'eisigh comhordaitheoir réigiúnach slándála an réigiúin oibríochta córas, nó féadfaidh an comhordaitheoir réigiúnach slándála féin an acmhainn arna ríomh don ríomh acmhainne comhordaithe ina gcuid gníomhaíochtaí comhordaithe a íslíú i gcás ina mbeadh sé mar thoradh ar an ríomh comhordaithe acmhainne arna dhéanamh de bhun na treoirlíne maidir le leithdháileadh acmhainne agus bainistiú ar phlódú agus de bhun mhír 3 agus mhír 7, go sárófaí na teorainneacha oibríochta slándála arna sainmhíniú ag an oibreoir córais tarchurtha i gcomhréir leis an treoirlíne oibríochta córais arna glacadh ar bhonn Airteagal 18 de Rialachán 714/2009, mar shampla i gcás nach leor an acmhainn ar athsheolta laistigh den réigiún ríofa acmhainne. Tabharfaidh na hoibreoirí ábhartha córas tarchurtha údar cuí don chlaonadh sin. Cuirfidh na hoibreoirí córas tarchurtha an claonadh sin in iúl do na comhordaitheoirí réigiúnach slándála agus d'údaráis náisiúnta rialála an réigiúin ríofa acmhainne gan moill mhíchúí i gcomhréir le Airteagal 38 (2a) den Rialachán seo. Uair sa bhliain, tuairisceoidh an comhordaitheoir slándála réigiúnach do na húdaráis náisiúnta rialála ábhartha agus don Ghníomhaireacht maidir leis na claontaí de bhun na míre seo agus déanfaidh siad measúnú ar na teagmhais agus anailís, más gá, ar an gcaoi ar cheart claontaí den sórt sin a sheachaint sa todhchaí. Má thagann an Ghníomhaireacht ar an gconclúid gur réamhriachtanais struchtúrtha iad na réamhriachtanais le haghaidh claonta nár comhlíonadh de bhun na míre seo, cuirfidh an Ghníomhaireacht tuairim faoi bhráid an údaráis rialála ábhartha agus faoi bhráid an Choimisiúin. Déanfaidh an t-údarás rialála gníomhaíocht iomchuí i gcoinne na n-oibreoirí córas tarchurtha murar comhlíonadh na réamhriachtanais le haghaidh claonta. []

3. **Mura bhforáiltear dá mhalairt i míreanna 7, 7a, 7b 7d agus [] 2a, déanfar leibhéal uasta acmhainn na n-idirnasca agus/nó na ngréasán tarchurtha a ndéanann an **acmhainn** [] trasteorann **difear** dóibh a chur ar fáil do rannpháirtithe sa mhargadh, agus na caighdeáin sábháilteachta á gcomhlíonadh maidir le hoibriú slán gréasáin. [] **Bainfear úsáid as fritrádáil agus athsheoladh, lena n-áirítear athsheoladh trasteorann, [] chun an acmhainn atá ar fáil a optamú agus cuirfear próiseas comhordaithe neamh-idirdhealaitheach i bhfeidhm chun sin a chumasú, tar éis an mhodheolaíocht a bhaineann le comhroinnt costas athsheolta agus fritrádála a chur chun feidhme i gcomhréir leis an [] treoirlíne maidir le leithdháileadh acmhainne agus bainistiú ar phlódú arna glacadh ar bhonn Airteagal 18 de Rialachán (AE) 714/2009 []**.**
4. Ní dhéanfar acmhainn a leithdháileadh ach amháin trí cheantanna sainráite acmhainne nó trí cheantanna intuigthe a chuimsíonn acmhainn agus fuinneamh araon. Féadfaidh an dá mhodh a bheith ann ag an am céanna i ndáil leis an idirnasc céanna. Féadfar trádáil leanúnach a úsáid maidir le trádáil ionlae, agus féadfar ceantanna bheith mar chomhlánú léi.
5. I gcás plódaithe, is iad na tairiscintí a ghlacfar na tairiscintí **bailí** is airde luach **ar acmhainn ghréasáin**, bíodh siad intuigthe nó sainráite, **lena mbaineann an luach is airde don acmhainn (thearc) tarchurtha** in aon chreat ama ar leith. Seachas i gcás idirnascairí nua a thairbheoidh ó dhíolúine faoi Airteagal 7 de Rialachán (CE) Uimh. 1228/2003, Airteagal 17 de Rialachán (CE) Uimh. 714/2009 nó faoi Airteagal 59, ní cheadófar praghsanna cúltaca a bhunú i modhanna leithdháilte acmhainne.
6. Beidh an acmhainn intrádáilte ar bhonn tánaisteach gan bhac, ar choinníoll go gcuirfear an t-oibreoir córais tarchurtha ar an eolas luath go leor roimh ré. I gcás ina ndiúltóidh an t-oibreoir córais tarchurtha d'aon trádáil thánaisteach (idirbheart), déanfaidh an t-oibreoir córais tarchurtha sin an méid sin a chur in iúl agus a mhíniú go soiléir do na rannpháirtithe uile sa mhargadh agus cuirfear in iúl don údarás rialála é.

7. Ní chuirfidh [] oibreoirí córas tarchurtha teorainn le toilleadh na hacmhainne idirnáisc a bheidh le cur ar fáil do [] rannpháirtithe sa mhargadh chun plódú a réiteach laistigh dá limistéar tairisceana [] féin nó mar mhodh chun sreafaí neamhsceidealaithe amach as limistéar tairisceana agus isteach athuair ann a bhainistiú mura bhforáiltear a mhalairt faoi mhír 7a nó faoi mhír 7b.

Gan dochar do chur i bhfeidhm na maoluithe faoi mhír 7a agus 7b, measfar gur comhlíonadh an mhír seo má shroictear na leibhéil íosta acmhainne atá ar fáil le haghaidh trádáil traslimistéir, a ríomhtar de bhun na treoirlíne maidir le leithdháileadh acmhainne agus bainistiú ar phlódú arna glacadh ar bhonn Airteagal 18 de Rialachán (AE) Uimh. 714/2009, agus an critéar N-1 á chur san áireamh:

- (i) Le haghaidh teorainneacha a úsáideann cur chuige glanacmhainne tarchurtha comhordaithe, 75% den ghlanacmhainn aistrithe de bhun na treoirlíne maidir le leithdháileadh acmhainne agus bainistiú ar phlódú arna glacadh ar bhonn Airteagal 18 de Rialachán 714/2009;
- (ii) Le haghaidh teorainneacha a úsáideann cur chuige sreabhadhbhunaithe, 75% den mhéid atá fágtha den chorrloch atá ar fáil i ndáil leis na heilimintí criticiúla líonra inmheánacha agus trasteorann a chuirtear ar fáil do shreafaí trasteorann de bhun na treoirlíne maidir le leithdháileadh acmhainne agus bainistiú ar phlódú arna glacadh ar bhonn Airteagal 18 de Rialachán 714/2009.

Ní bheidh luach faoi bhun na tairsí seo de thoradh ar mhaoluithe de bhun mhír 7a.

7a. Ar bhonn togra ó oibreoirí córas tarchurtha réigiún ríofa acmhainne, déanfaidh na húdaráis rialála ábhartha , de mhaolú ar mhír 7 leibhéal céatadán na hacmhainne iomláine traslimistéir atá ar fáil ag gach teorainn idir dhá limistéar tairisceana a fhorhmeas, a úsáidfean sa mhodheolaíocht lena ríomhtar acmhainn, chun sreafaí neamhsceidealaithe traslimistéir a chur san áireamh a mhéid a bheifí ag súil leo gan plódú struchtúrach i limistéar tairisceana.

(cuid de mhír 7, aistrithe go 7b thíos)

7b. Ar iarraidh ó oibreoir córais tarchurtha ó réigiún ríofa acmhainne , féadfaidh na húdaráis rialála ábhartha maolú a dheonú ó mhír 7 ar chúiseanna intuatha nuair a bhíonn gá leis sin chun slándáil oibríochtúil a choinneáil, **seachas na cúiseanna a chumhdaítear faoi mhír 7a, mar shampla i gcás bearta cothabhála eangaí.** Beidh maolú den chineál sin, nach bhféadfaí baint a bheith aige le ciorrú ar acmhainn atá leithdháilte cheana féin de bhun mhír 5, beidh sé teoranta **d'aon bhliain amháin san iarraidh, nó dhá bhliain ar a mhéad lena ngabhfaidh leibhéal íslitheacha suntasach ar an maolú gach bliain**, teoranta go docht don mhéid atá riachtanach, agus seachnófar leis idirdhealú idir malartuithe inmheánacha agus malartuithe traslimistéir. Foilseofar an bonn cirt agus na cúiseanna atá leis an maolú. I gcás ina ndeonaítear maolú, forbróidh agus foilseoidh na hoibreoirí ábhartha córas tarchurtha modheolaíocht agus tionscadail , a thabharfaidh réiteach fadtéarmach ar an bhfadhb a bhfuil sé mar aidhm ag an maolú dul i ngleic leis. Rachaidh an maolú i bhfeidhm an tráth a bhainfean an teorainn ama amach, nó nuair a chuirfean an réiteach i bhfeidhm, cibé acu sin is túisce.

4. Cuirfidh rannpháirtithe sa mhargadh in iúl do na hoibreoirí córas tarchurtha, tráth réasúnach roimh an tréimhse oibríochtúil ábhartha, an bhfuil sé ar intinn acu an acmhainn atá leithdháilte chucu a úsáid. Déanfar aon acmhainn leithdháilte nach n-úsáidfear a athsheoladh isteach sa mhargadh ar mhodh oscailte, trédhearcach agus neamh-idirdhealaitheach.
9. Déanfaidh oibreoirí córas tarchurtha, a mhéid is indéanta é go teicniúil, cothromú ar riachtanais acmhainne na sreabh cumhachta leictreachais ag dul sa treo contrártha thar an líne idirnáise phlódaithe, ionas go n-úsáidfear an líne sin go barr a hacmhainne. Agus lánaird á tabhairt ar shlándáil líonra, ní dhiúltófar riamh d'aon idirbhearta a mhaolódh an plódú.
10. Déanfar na hiarmhairtí airgeadais a ghabhann le mainneachtain oibleagáidí a urramú maidir le hacmhainn a leithdháileadh a chur ina leith sin atá freagrach as an mainneachtain sin. Más rud é go mainneoidh rannpháirtithe sa mhargadh úsáid a bhaint as an acmhainn a gheall siad a úsáid, nó i gcás acmhainn a cheantáiltear go sainráite, más rud é go mainneoidh rannpháirtithe trádáil ar bhonn tánaisteach nó go mainneoidh siad acmhainn a thabhairt ar ais in am trátha, caillfidh siad na cearta ar an acmhainn sin agus íocfaidh siad muirear costas-léiritheach. Beidh údar maith le haon mhuirir chostas-léiritheacha i leith neamhúsáide acmhainne agus beidh siad comhréireach. Mura gcomhlíonann oibreoir córais tarchurtha a chuid oibleagáidí, dlífidh sé cúiteamh a thabhairt don rannpháirtí sa mhargadh as cailleadh a cheart acmhainne. Ní chuirfear cailiteanais iarmhartacha san áireamh chuige sin. Leagfar amach roimh ré na coincheapa lárnaacha agus na modhanna lena gcinnfear na dliteanais a fhabhrófar mar thoradh ar mhainneachtain oibleagáidí a urramú i leith na n-iarmhairtí airgeadais, agus beidh siad faoi réir a n-athbhreithnithe ag an údarás rialála náisiúnta ábhartha nó ag na húdaráis rialála náisiúnta ábhartha [].
- 11. Agus costais na ngníomhaíochtaí ceartaitheacha á leithdháileadh ar oibreoirí na gcóras tarchurtha acu, déanfaidh na rialálaithe anailís ar a mhéid a chuireann sreafaí neamhsceidealaithe amach as limistéar tairisceana agus isteach athuair ann leis an bplódú idir dhá limistéar tairisceana a bhféachfar orthu, agus déanfar na costais a leithdháileadh ar bhealach a bheidh comhréireach leis an méid a chuirtear leis an bplódú i gcomhréir leis an modheolaíocht a bhaineann le comhroinnt costas athsheolta agus fritrádála i gcomhréir leis an treoirlíne maidir le leithdháileadh acmhainne agus bainistiú ar phlódú a glacadh ar bhonn Airteagal 18 de Rialachán (AE) 714/2009 agus Airteagal 76 de Rialachán (AE) 2017/XYZZ ón gCoimisiún. Ní bheidh feidhm ag an méid sin maidir leis an [] tairseach de bhun mhír 7a.**

Airteagal 15

Acmhainn traslimistéir a leithdháileadh thar chreataí ama

1. Déanfaidh oibreoirí córas tarchurtha athríomh ar an acmhainn traslimistéir atá ar fáil ar a laghad tar éis amanna dúnta an gheata traslimistéir lá roimh ré agus tar éis amanna dúnta an gheata traslimistéir ionlae. Leithdháilfidh oibreoirí córas tarchurtha an acmhainn traslimistéir atá ar fáil, móide aon acmhainn traslimistéir nár leithdháileadh roimhe seo agus aon acmhainn traslimistéir ar scaoil sealbhóirí na gceart fisiceach tarchurtha ó leithdháiltí roimhe seo, sa chéad phróiseas eile do leithdháileadh na hacmhainne traslimistéir.
 - 1a. **Leagfaidh na hoibreoirí córas tarchurtha struchtúr iomchuí síos chun acmhainn traslimistéir a leithdháileadh ar fud na gcreataí ama, lena n-áirítear margaí lá roimh ré, ionlae, agus cothromaithe. [] Beidh struchtúr um leithdháileadh den sórt sin faoi réir a athbhreithnithe ag na húdaráis rialála faoi seach. Agus na tograí á ndruchtú acu, cuirfidh OCTanna na nithe seo a leanas san áireamh:**
 - a) **saintréithe na margaí;**
 - b) **an coinníoll oibríochtúil, amhail na himpleachtaí a bheadh ag comhardú na sceideal atá dearbhaithe go daingean;**
 - c) **leibhéal comhchuibhithe na gcéatadán agus na bhfrámaí ama a ghlacfar do na sásraí éagsúla atá ann maidir le leithdháileadh acmhainní traslimistéir.**
2. Sa chás go bhfuil acmhainn traslimistéir ar fáil tar éis amanna dúnta an gheata tras-chreasa ionlae, bainfidh na hoibreoirí córas tarchurtha úsáid as an acmhainn traslimistéir chun fuinneamh don chothromú a mhalartú nó chun an próiseas do chomhardú míchothromaíochtaí a fheidhmiú.

3. Nuair a dhéantar acmhainn traslimistéir a leithdháileadh do mhalartú na hacmhainne don chothromú nó do chomhroinnt na gcúltacaí de bhun Airteagal 5(8), bainfidh na hoibreoírí córas tarchurtha úsáid as na modheolaíochtaí arna bhforbairt i gcomhréir leis [] an treoirlíne don chothromú a glacadh ar bhonn Airteagal 18 de Rialachán 714/2009. []
4. Ní mhéadóidh oibreoírí córas tarchurtha, mar thoradh ar acmhainn don chothromú a mhalartú nó cúltacaí a chomhroinnt, an chorrlach iontaofachta arna ríomh de bhun Rialachán (AE) 2015/1222.

ROINN 2

MUIRIR GHRÉASÁIN AGUS IONCAM Ó PHLÓDÚ

Airteagal 16

Muirir ar nasc le gréasáin agus rochtain ar ghréasáin

1. Beidh na muirir a ghearrfaidh oibreoírí líonra ar rochtain ar ghréasáin, lena n-áirítear muirir ar nasc leis na gréasáin, muirir ar úsáid na ngréasán, agus, nuair is infheidhme, muirir ar threisiú a bhaineann leis na gréasáin, trédhearcach agus cuirfear san áireamh leo an gá le slándáil agus solúbthacht ghréasáin agus léireofar iontu na costais iarbhír a thabhaítear a mhéid a fhreagraíonn siad do chostais oibreora gréasáin atá éifeachtúil agus a bhfuil struchtúr inchomparáide aige agus cuirfear na muirir sin i bhfeidhm ar mhodh neamh-idirdhealaitheach. [] **Gan dochar d'Airteagal 15(1) agus (6) ná do na critéir atá in Iarscríbhinn XI a ghabhann le Treoir 2012/27/AE, déanfar an mhodheolaíocht a úsáidtear chun na muirir ghréasáin a fhorbairt a chur i bhfeidhm go háirithe ar bhealach nach ndéanfaidh idirdhealú idir táirgeadh atá nasctha ar leibhéal an dáileacháin agus táirgeadh atá nasctha ar leibhéal an tarchurtha, bíodh idirdhealú dearfach nó diúltach i gceist. Ní dhéanfar idirdhealú míchuí, ar bhealach dearfach ná ar bhealach diúltach, i gcoinne stóráil fuinnimh leo, agus ní chruthófar leo dídhreasuithe i dtaca le bheith rannpháirteach sa fhreagairt don éileamh. Gan dochar do mhír 3, ní bheidh na muirir sin bainteach le hachar.**

2. **Léireofar** leis na [] **modheolaíochtaí** maidir le taraifí [] dreasachtaí iomchuí **agus costais shocráithe** [] oibreoirí córas tarchurtha agus dáileacháin. **Léireoidh an t-ioncam ceadaithe a bheidh le haisghabháil trí bhíthin taraifí, dreasachtaí iomchuí d'oibreoirí córas tarchurtha agus dáileacháin** sa ghearrthéarma agus san fhadtéarma, chun éifeachtúlacht a mhéadú, éifeachtúlacht fuinnimh san áireamh, comhtháthú margaidh agus slándáil an tsoláthair a chothú, agus tacú le hinfheistíochtaí **agus leis na gníomhaíochtaí taighde a bhaineann leo** agus [] **nuálaíocht ar leas an tomhaltóra a éascú.**
3. Más iomchuí, le leibhéal na dtaraifí a ghearrfar ar tháirgeoirí agus/nó ar thomhaltóirí, soláthrófar comharthaí suímh ar leibhéal an Aontais agus cuirfear san áireamh méid na gcaillteanas gréasáin agus an phlódaithe atá ann, agus costais na hinfheistíochta sa bhonneagar.
4. Nuair a bheidh na muirir ar rochtain ar ghréasán á socrú, cuirfear an méid seo a leanas san áireamh:
- (a) íocaíochtaí agus fáltais a eascraíonn as an sásra um chúiteamh idir oibreoirí córas tarchurtha;
- (b) íocaíochtaí iarbhír a rinneadh agus a fuarthas mar aon le híocaíochtaí tuartha do thréimhsí ama sa todhchaí, agus a ndéantar meastachán orthu ar bhonn tréimhsí san am atá caite.
5. Beidh socrú na muirear ar rochtain ar ghréasán gan dochar do mhuirir a eascraíonn ón mbainistiú ar phlódú dá dtagraítear in Airteagal 14.
6. Ní ghearrfar aon mhuirear sonrach gréasáin ar idirbhearta aonair maidir le trádáil tras-**[]limistéir** leictreachais.
7. Beidh taraifí dáileacháin ina léiriú ar chostas úsáide an ghréasáin dáileacháin ag úsáideoirí an chórais, custaiméirí gníomhacha san áireamh, agus féadfar idirdhealú a dhéanamh eatarthu bunaithe ar ídiú fuinnimh nó próifílí giniúna úsáideoirí an chórais. I gcás ina bhfuil córais méadrúcháin chliste curtha in úsáid ag Ballstáit, [] **féadfar** taraifí gréasáin arna n-idirdhealú ar bhonn ama **a thabhairt isteach**, a bheidh ina léiriú ar úsáid an ghréasáin, ar bhealach atá trédhearcach agus intuartha don chustaiméir.

4. Féadfar spriocanna feidhmíochta chun dreasacht a thabhairt d'oibreoirí córas dáileacháin a ngréasáin a oibriú a éifeachtaí is féidir a chur san áireamh ar an ioncam ceadaithe a bheidh le cumhdach trí tharaifí dáileacháin.
9. Faoin [*OP: scríobh isteach an dáta sonrach – trí mhí tar éis theacht i bhfeidhm*] chun an riosca a bhaineann le hilroinnt margáí a mhaolú, cuirfidh an Ghníomhaireacht **tuarascáil faoin dea-chleachtas** maidir le modheolaíochtaí taraifí tarchurtha agus dáileacháin ar fáil agus fágfaidh siad spás chun sonraíochtaí náisiúnta a chur san áireamh san am céanna. Sa tuarascáil maidir leis an dea-chleachtas sin, tabharfar aghaidh ar na nithe seo a leanas ar a laghad:
- (a) an cóimheas idir na taraifí a chuirtear i bhfeidhm ar tháirgeoirí agus ar thomhaltóirí;
 - (b) na costais atá le haisghabháil trí bhíthin taraifí;
 - (c) taraifí gréasáin arna n-idirdhealú ar bhonn ama;
 - (d) comharthaí suímh;
 - (e) an gaol idir na taraifí tarchurtha agus dáileacháin,
 - (f) modhanna chun trédhearcacht a áirithiú i dtaca le taraifí a shocrú agus struchtúr na dtaraifí;
 - (g) grúpaí úsáideoirí gréasáin a bheidh faoi réir taraifí, lena n-áirítear díolúintí ó tharaifí.

Tabharfaidh an Ghníomhaireacht a tuarascáil cothrom le dáta ar a laghad uair sa dá bhliain.

Airteagal 17

Ioncam ó phlódú

1. Ní fhéadfaidh nósanna imeachta um bainistiú ar phlódú, agus a bhaineann le creat ama réamhshonraithe, ioncam a ghiniúint ach amháin i gcás ina dtarlóidh plódú i dtaca leis an gcreat ama sin, ach amháin i gcás idirnascairí nua a thairbhíonn ó dhíolúine faoi Airteagal 7 de Rialachán 1228/2003, Airteagal 17 de Rialachán (CE) Uimh. 714/2009 nó faoi Airteagal 59. Beidh an nós imeachta chun an t-ioncam sin a leithdháileadh faoi réir a athbhreithnithe ag na húdaráis rialála agus ní dhéanfaidh sé saobhadh i bhfabhar aon pháirtí a iarrfaidh acmhainn nó fuinneamh ná ní sholáthróidh sé díspeagadh i dtaca le laghdú an phlódaithe.
2. Úsáidfeadh aon ioncam a eascróidh as leithdháileadh acmhainne idirnaisc chun na gcríoch seo a leanas:
 - (c) infhaighteacht iarbhír na hacmhainne leithdháilte a ráthú **lena n-áirítear cúiteamh daingne;**
 - (d) acmhainn idirnaisc a chothabháil nó a mhéadú trí infheistíochtaí i líonraí, go háirithe in idirnascairí nua **agus línte inmheánacha agus línte inmheánacha a liostaítear sa Phlean Forbartha Gréasáin Deich mBliana ó ENTSO don Leictreachas mar ghnéithe atá ábhartha chun plódú idirnascairí a laghdú, []**
 - (c) **nó, más infheidhme, gníomhartha ceartaitheacha trasteorann amhail athsheoladh agus fritrádáil.**

(cuid de mhír 2(b), aistrithe go 2a thíos)

2a. Feádfar an t-ioncam a úsáid, faoi réir fhorhneas údaráis rialála na mBallstát lena mbaineann, mar ioncam a chuirfidh údaráis rialála san áireamh le linn dóibh an mhodheolaíocht a fhorhneas chun taraifí gréasáin a ríomh agus/nó a shocrú.

3. Beidh úsáid an ioncaim i gcomhréir le pointí (a) (b) nó (c) de mhír 2 faoi réir modheolaíocht arna moladh ag na hoibreoírí córas tarchurtha i gcomhairle leis na húdaráis rialála náisiúnta agus arna fhorhneas ag an ngníomhaireacht. Cuirfidh na hoibreoírí córas tarchurtha an togra faoi bhráid na Gníomhaireachta faoi [OP: 12 mhí tar éis theacht i bhfeidhm an Rialacháin seo] agus déanfaidh an Gníomhaireacht cinneadh maidir leis laistigh de shé mhí.

(cuid de mhír 3, aistriú go 3a thíos)

3a. Beidh sonraí sa mhodheolaíocht, ar a laghad, na coinníollacha faoina measfar gur chomhlíon an t-ioncam na cuspóirí arna sloinneadh i bpointí (a) (b) nó (c) de mhír 2 []].

3b. Déanfaidh na hoibreoírí córas tarchurtha an úsáid a bhainfidh siad as aon ioncam ó phlódú a leagan síos go soiléir roimh ré agus tabharfaidh siad tuairisc ar úsáid iarbhír an ioncaim sin. Déanfaidh na húdaráis rialála, ar bhonn bliantúil agus faoin 1 Márta gach bliain, tuarascáil a fhoilsiú ina leagfar amach méid an ioncaim a bailíodh i rith na tréimhse 12 mhí suas go dtí an 31 Nollaig den bhliain féilire roimhe sin agus an úsáid a baineadh as an ioncam sin de bhun mhír 2, lena n-áirítear na tionscdaí shonracha ar úsáideadh an t-ioncam ina leith nó an méid a cuireadh ar líne ar leithligh sna cuntais nó an méid ar baineadh úsáid as agus taraifí gréasáin á ríomh, chomh maith le fíorú gur chomhlíon an úsáid sin an Rialachán seo agus an mhodheolaíocht arna forbairt de bhun mhír 3. I gcásanna den chineál sin, nuair a úsáidtear roinnt ioncam ón bplódú tráth a ndéantar taraifí gréasáin a ríomh, leagfar amach sa tuarascáil conas a chomhlíon OCTanna na cuspóirí tosaíochta in Airteagal 2 nuair is infheidhme.

Caibidil IV

Leordhóthanacht acmhainní

Airteagal 18

Leordhóthanacht acmhainní

1. Déanfaidh na Ballstáit faireachán ar leordhóthanacht acmhainní laistigh dá gcríoch [] **bunaithe ar** an measúnú Eorpach ar leordhóthanacht acmhainní de bhun Airteagal 19 **agus féadfaidh siad [] measúnú náisiúnta a dhéanamh ina theannta sin ar leordhóthanacht acmhainní de bhun Airteagal 19a.**
2. I gcás ina sainaithnítear sna measúnuithe Eorpacha **nó náisiúnta** ar leordhóthanacht acmhainní nó sna measúnuithe **náisiúnta** ar leordhóthanacht acmhainní ábhar inní ó thaobh leordhóthanacht acmhainní de, sainaithneoidh na Ballstáit aon saobhadh rialála **nó margaidh, nó aon scrogail sa chóras amhail bonneagar neamhleordhóthanach,** ba chúis leis an ábhar inní sin teacht chun cinn nó a rannchuidigh leis sin.
3. Foilseoidh na Ballstáit **treochlár lena ngabhfaidh amlíne coincreíteach** chun bearta a ghlacadh le deireadh a chur le haon saobhadh [] **rialála nó margaidh, nó scrogall sa chóras** a aithneofar. Agus iad ag dul i ngleic le hábhar inní ó thaobh leordhóthanacht acmhainní de, cuirfidh na Ballstáit san áireamh go háirithe na prionsabail a shainmhínítear in Airteagal 3 agus déanfaidh siad machnamh ar dheireadh a chur le saobhadh rialála, praghsáil teirce a chumasú trí bhíthin praghasmhúnlú saor agus idirnasctacht a fhorbairt le Ballstáit eile, lena gceadófaí rochtain neamhshaofa ar na margaí do na rannpháirtithe uile, lena n-áirítear stóráil fuinnimh, bearta freagartha don éileamh agus éifeachtúlacht fuinnimh ach gan a bheith teoranta dóibh siúd amháin.

3a. I gcás ina saináithnítear ábhar inní sa mheasúnú náisiúnta ar leordhóthanacht acmhainní maidir le limistéar tairisceana agus nach mbeidh ábhar inní sainaitheanta sa mheasúnú Eorpach ar leordhóthanacht acmhainní i dtaca leis an limistéar tairisceana céanna, [] rachaidh an comhlacht a rialaíonn an measúnú náisiúnta ar leordhóthanacht acmhainní [] i gcomhairle le ENTSO don Leictreachas agus a tuairim a iarraidh ar an nGníomhaireacht. Chun na críche sin, déanfaidh an comhlacht lena rialaítear an measúnú náisiúnta leordhóthanachta acmhainní, laistigh de mhí amháin ó fhoilsiú an mheasúnú leordhóthanachta acmhainní, tuarascáil a thíolacadh chuig ENTSO don Leictreachas agus chuig an nGníomhaireacht ina leagfar amach an réasúnaíocht a bhaineann leis an easaontas idir an dá mheasúnú leordhóthanachta acmhainní. (Rinneadh 3b. a chomhtháthú le 3a.) Laistigh de mhí amháin ó dháta tíolactha na tuarascála, cuirfidh ENTSO don Leictreachas [] a mheastóireacht ar fáil maidir leis na heasaontais agus faoi cheann dhá mhí ó dháta tíolactha na tuarascála cuirfidh an Gníomhaireacht tuairim ar fáil [] Tabharfaidh an Ballstát lena mbaineann aird chuí ar an meastóireacht agus ar an tuairim.

Airteagal 19

An measúnú Eorpach ar leordhóthanacht acmhainní

1. Cumhdófar leis an measúnú Eorpach ar leordhóthanacht acmhainní leordhóthanacht fhoriomlán an chórais leictreachais chun freastal ar éilimh reatha agus ar éilimh réamh-mheasta ar an leictreachas **le haghaidh gach uile bhliain laistigh** de thréimhse deich mbliana ó dháta an mheasúnaithe sin [].
2. Faoin [OP: sé mhí tar éis theacht i bhfeidhm an Rialacháin seo], cuirfidh ENTSO don Leictreachas dréacht-mhodheolaíocht faoi bhráid an **Ghrúpa Chomhordaithe Leictreachais** agus na Gníomhaireachta don mheasúnú Eorpach ar leordhóthanacht acmhainní bunaithe ar na prionsabail dá bhforáiltear i mír 4.

3. Na sonraí atá de dhíth ó ENTSO don Leictreachas chun an measúnú Eorpach ar leordhóthanacht acmhainní a dhéanamh [], tabharfaidh oibreoirí córas tarchurtha na sonraí sin dó. Déanfaidh ENTSO don Leictreachas an measúnú gach bliain. **Cuirfidh gineadóirí agus rannpháirtithe eile sa mhargadh sonraí ar fáil d'oibreoirí córais tarchurtha maidir le húsáid ionchasach na n-acmhainní giniúna, lena gcuirfear san áireamh infhaighteacht acmhainní príomha agus cásanna oiriúnacha den éileamh agus soláthar réamh-mheasta.**
4. Beidh an measúnú Eorpach ar leordhóthanacht acmhainní bunaithe ar mhodheolaíocht [] **a cheadódh**, i dtaca leis an measúnú:
- (e) go bhféadfaidh é a dhéanamh ar **gach** leibhéal limistéir tairisceana **faoi seach** a chumhdaíonn ar a laghad gach Ballstát []
 - (f) go bhféadfaidh sé a bheith bunaithe ar chásanna oiriúnacha **lárnacha** den éileamh agus soláthar réamh-mheasta lena n-áirítear measúnú eacnamaíoch ar an dóchúlacht ar shócmhainní giniúna a dhíchoimisiúnú, a thógáil as an nua agus bearta chun spriocanna éifeachtúlachta fuinnimh a bhaint amach agus íogaireacht oiriúnach a bhaint amach maidir le **himeachtaí foircneacha aimsire, coinníollacha hidreolaíocha**, praghsanna mórdhíola agus forbairt ar phraghsanna carbóin;
 - (ba) go bhféadfaidh sé léiriú a dhéanamh ar an gcaoi a dtugann na cineálacha éagsúla sásraí acmhainne aghaidh ar ábhair inní maidir le leordhóthanacht;**
 - (g) go bhféadfaidh sé rannchuidiú na n-acmhainní uile a chur san áireamh go hiomchuí, lena n-áirítear giniúint atá ann faoi láthair agus a bheidh ann amach anseo, stóráil fuinnimh, freagairt don éileamh, agus deiseanna allmhairiúcháin agus onmhairiúcháin agus an méid a rannchuidíonn siad le hoibriú solúbtha an chórais;
 - (h) go bhféadfaidh sé réamh-mheas a dhéanamh ar an tionchar is dócha a bheidh ag na bearta dá dtagraítear in Airteagal 18(3);

- (i) go bhféadfaidh sé cásanna a áireamh gan na sásraí acmhainne atá ann faoi láthair nó atá pleanáilte **agus, i gcás inarb infheidhme, leis** na sásraí acmhainne atá ann faoi láthair nó atá pleanáilte;
- (j) go bhféadfaidh sé a bheith bunaithe ar shamhail mhargaidh ina n-úsáidtear, nuair is infheidhme, an cur chuige bunaithe ar shreabha;
- (k) go bhféadfaidh sé ríomhanna dóchúlachtachta a chur i bhfeidhm;
- (ga) go bhféadfaidh sé uirlis samhaltaithe aonair a chur i bhfeidhm agus deis ann í a úsáid le haghaidh cásanna, íogaireachtaí agus toimhdí náisiúnta;**
- (l) go bhféadfaidh sé na táscairí seo a leanas ar a laghad **dá dtagraítear in Airteagal 20 a chur i bhfeidhm:**
- "an fuinneamh a rabhtas ag súil leis ach nár seachadadh", agus
 - "an t-ionchas caillte lóid";
- (m) go bhféadfaidh sé ábhair imní a shainaithe a d'fhéadfadh a bheith ann ó thaobh leordhóthanacht acmhainní de, go háirithe an srianadh gréasáin nó srianadh acmhainní, nó srianadh ar an dá rud, atá i gceist.
- (j) go bhféadfaidh sé a áirithiú go gcuirfear san áireamh mar is cuí [] saintréithe náisiúnta na giniúna, solúbthacht éilimh agus stóráil, [] infhaighteacht acmhainní príomha agus leibhéal an idirnasctha;**
5. Faoin [OP: *sé mhí tar éis theacht i bhfeidhm don Rialachán seo*], cuirfidh ENTSO don Leictreachas dréacht-mhodheolaíocht faoi bhráid na Gníomhaireachta chun ríomh a dhéanamh ar:
- (a) an luach ar chailliúint lóid;

- (b) an "costas ar iontráil nua" don ghiniúint, nó don fhreagairt don éileamh; agus
- (c) an caighdeán don iontaofacht **dá dtagraítear in Airteagal 20** []
6. Beidh na tograí faoi mhír 2 agus mír 5 le **haghaidh na dréacht-mhodheolaíochta, na gcásanna, na n-íogaireachtaí agus na dtoimhdí ar a bhfuil siad bunaithe**, agus na torthaí ar an measúnú Eorpach leordhóthanachta acmhainní faoi mhír 3 faoi réir comhairliúchán roimh ré **leis na Ballstáit, leis an nGrúpa Comhordaithe Leictreachais agus le geallsealbhóirí ábhartha** agus faoi réir fhormheas na Gníomhaireachta faoin nós imeachta a leagtar amach in Airteagal 22.

Airteagal 19a

Measúnuithe náisiúnta leordhóthanachta acmhainní

1. **Beidh measúnuithe náisiúnta leordhóthanachta acmhainní [] bunaithe ar an modheolaíocht dá dtagraítear, go háirithe, in Airteagal 19(2); féadfaidh na forálacha a sholáthraítear i mír 4(b) go (j) cásanna, íogaireachtaí agus toimhdí breise a sholáthar, áfach, agus cúinsí náisiúnta á gcur san áireamh. Bainfear úsáid sa mheasúnú náisiúnta leordhóthanachta acmhainní as na huirlisí samhaltaithe céanna [] a úsáideann ENTSO don Leictreachas don mheasúnú Eorpach leordhóthanachta acmhainní agus bainfear úsáid as na sonraí ionchuir céanna agus na sonraí eile le cásanna, íogaireachtaí agus toimhdí náisiúnta a léiriú. Thairis sin, agus measúnú á dhéanamh sna measúnuithe leordhóthanachta acmhainní náisiúnta ar rannchuidiú eachtrach ar shlándáil soláthair na limistéar tairisceana a chumhdaítear leo, cuirfear na luachanna i gcomhair rannchuidithe eachtraigh i bhfeidhm [] faoi réir fhorálacha Airteagal 21 sna measúnuithe náisiúnta leordhóthanachta acmhainní.**
- 1a. **Sa bhreis ar an measúnú leordhóthanachta acmhainní náisiúnta arna dhéanamh de bhun mhír 1, féadfaidh na Ballstáit an dara measúnú a dhéanamh agus úsáid á baint as uirlisí samhaltaithe nach ionann iad agus na huirlisí samhaltaithe a úsáideann ENTSO don leictreachas don mheasúnú Eorpach ar leordhóthanacht acmhainní agus, ag an am céanna, ceanglais eile mhír 1 á leanúint aige.**

2. **Déanfar measúnuithe náisiúnta leordhóthanachta acmhainní agus, i gcás inarb infheidhme, an measúnú ó ENTSO don Leictreachas agus an tuairim ón nGníomhaireacht de bhun mhír 3a d'Airteagal 18 a chur ar fáil go poiblí [].**

Airteagal 20

Caighdeán don iontaofacht

1. Agus sásraí acmhainne á gcur i bhfeidhm, beidh caighdeán don iontaofacht i bhfeidhm ag Ballstáit a thugann le fios ar mhodh trédhearcach cad é an leibhéal inmhianaithe do chinnteacht an tsoláthair atá acu.
2. Socróidh an [] **Ballstát nó údarás inniúil a ainmníonn an Ballstát** an caighdeán don iontaofacht bunaithe ar an modheolaíocht de bhun Airteagal 19(5)
3. Ríomhfar an caighdeán don iontaofacht ag baint úsáide **ar a laghad** as an luach atá ar chailliúint lóid agus an costas iontrála nua thar chreat ama áirithe **agus léireofar é mar "an fuinneamh a rabhthas ag súil leis ach nár seachadadh" agus "an t-ionchas cailliúna lóid"**.
4. **Agus sásraí acmhainne á gcur i bhfeidhm déanfaidh an Ballstát nó údarás inniúil eile a ainmníonn an Ballstát** na paraiméadair lena gcinnfear méid na hacmhainne a fhaightear sa sásra acmhainne a fhorghnó. []

Airteagal 21

Rannpháirtíocht trasteorann i sásraí acmhainne

1. Beidh sásraí nach cúlchistí straitéiseacha iad **agus i gcás inarb indéanta go teicniúil, cúlchistí straitéiseacha**, oscailte do rannpháirtíocht dhíreach **trasteorann** soláthraithe acmhainne atá lonnaithe i mBallstát eile [] **de bhun fhorálacha an [] Airteagail seo.**

2. Áiritheoidh na Ballstáit go mbeidh an deis ag acmhainn eachtrach, atá in ann [] **feidhmíocht choibhéiseach theicniúil a sholáthar** don acmhainn intíre, bheith rannpháirteach sa phróiseas iomaíoch céanna agus atá acmhainn intíre. **I gcás sásraí acmhainne atá ag oibriú amháin ón [dáta teacht i bhfeidhm], féadfaidh na Ballstáit rannpháirtíocht dhíreach idirnascairí a cheadú sa phróiseas iomaíoch céanna mar acmhainn eachtrach go ceann uastréimhse ceithre bliana tar éis [teacht i bhfeidhm] nó dhá bhliain tar éis fhormheas na modheolaíochtaí dá dtagraítear i mír 10 den Airteagal seo, cibé ceann a thagann ar dtús. Féadfaidh na Ballstáit na ceanglais seo a leanas a chur i bhfeidhm ar an acmhainn eachtrach:**
- (a) **tá an acmhainn lonnaithe i mBallstát [] ina bhfuil nasc díreach gréasáin idir an Ballstát sin [] agus an Ballstát [] a chuireann an sásra i bhfeidhm,**
 - (b) **níl an acmhainn rannpháirteach i sásra acmhainne eile ar gá don acmhainn a bheith ar fáil dó,**
3. Ní chuirfidh Ballstáit srian ar acmhainn atá lonnaithe ina chríoch ó bheidh rannpháirteach i sásraí acmhainne Bhallstáit eile.
4. Ní dhéanfaidh rannpháirtíocht trasteorann i sásraí acmhainne sceidil traslimistéir agus sreafaí fisiceacha idir Ballstáit a athrú, ná tionchar eile a imirt orthu, sceidil agus sreafaí a shocrófar bunaithe ar an toradh ar leithdháileadh acmhainne de bhun Airteagal 14 agus ar an mbealach sin amháin.
5. Beidh soláthraithe acmhainne **faoi réir íocaíochtaí neamh-infhaighteachta i gcás neamh-infhaighteachta. I gcás ina bhfuil soláthraithe acmhainne [] rannpháirteach i níos mó ná sásra amháin don tréimhse seachadta chéanna, beidh siad faoi réir **iliomad íocaíochtaí neamh-infhaighteachta nuair nach bhfuil siad in ann iliomad gealltanais a chomhlíonadh []**.**

6. **I gcás ina gcuirtear sásraí acmhainne i bhfeidhm, déanfaidh oibreoirí córas tarchurtha [] an acmhainn uasta iontrála atá ar fáil do rannpháirtíocht na hacmhainne eachtraí a ríomh go bliantúil, bunaithe ar an modheolaíocht dá dtagraítear i bpointe (a) de mhír 10 agus ag cur san áireamh na luachanna molta arna ríomh ag na comhordaitheoirí réigiúnacha slándála de bhun Airteagal 34(q), 38 agus 39, leibhéal an idirnaisc fhisicigh idir na Ballstáit, infhaighteacht an idirnaisc a bhfuiltear ag súil leis agus an dóchúlacht go mbeidh strus córais i gcomhthráth idir an córas ina gcuirtear an sásra i bhfeidhm agus an córas ina bhfuil an acmhainn eachtrach lonnaithe. Beidh ríomh de dhíth do gach teorainn idir dhá limistéar tairisceana.**
7. Áiritheoidh Ballstáit go ndéanfar an acmhainn iontrála dá dtagraítear i mír 6 a leithdháileadh ar sholáthraithe acmhainne incháilithe ar mhodh trédhearcach, neamh-idirdhealaitheach agus margadhbhunaithe.
4. **Má tá sásraí acmhainne oscailte do rannpháirtíocht trasteorann in dhá Bhallstát comharsanachta, aon ioncam [] a eascraíonn as an leithdháileadh dá dtagraítear i mír 7, íocfar é leis na hoibreoirí córas tarchurtha agus comhroinnfear eatarthu é i gcomhréir leis an modheolaíocht dá dtagraítear i bpointe (b) de mhír 10 nó modheolaíocht chomhchoiteann a d'fhorhmeas an dá [] údarás rialála ábhartha. Mura bhfuil sásra acmhainne á chur i bhfeidhm ag an mBallstát comharsanachta, déanfaidh údarás náisiúnta inniúil an Bhallstáit ina gcuirtear an sásra acmhainne chun feidhme an sciar den ioncam a fhorhmeas tar éis tuairim údaráis rialála na mBallstát comharsanachta a lorg. Bainfidh oibreoirí córas tarchurtha úsáid as ioncam den sórt sin chun na críocha a leagtar amach in Airteagal 17(2).**

9. Déanfaidh an t-oibreoir córais tarchurtha ina bhfuil an acmhainn eachtrach lonnaithe an méid seo a leanas:
- (a) bunóidh sé cibé acu an bhfuil soláthraithe acmhainne ar suim leo é an fheidhmíocht theicniúil a sholáthar mar a cheanglaítear faoin sásra acmhainne a bhfuil sé beartaithe ag an soláthraí acmhainne bheith rannpháirteach ann nó nach bhfuil agus cláróidh sé an soláthraí acmhainne sa chlár mar sholáthraí acmhainne incháilithe.
 - (b) déanfaidh sé seiceálacha ar infhaighteacht []
 - (c) **gheobhaidh sé fógra ón soláthraí acmhainne faoi seach gan mhoill faoina rannpháirtíocht i sásra acmhainne eachtrach**
 - (d) **tabharfaidh sé fógra don oibreoir córais tarchurtha sa Bhallstát ina gcuirfear an sásra acmhainne i bhfeidhm faoin bhfaisnéis a fhaightear faoi mhír 9a go 9c.**
10. Faoin [OP: *dhá mhí dhéag tar éis theacht i bhfeidhm don Rialachán seo*] cuirfidh ENTSO don Leictreachas na nithe seo a leanas faoi bhráid na Gníomhaireachta:
- (c) modheolaíocht chun an acmhainn iontrála uasta don rannpháirtíocht trasteorann a ríomh **ag an gcomhordaitheoir réigiúnach slándála agus na hoibreoirí córas tarchurtha** dá dtagraítear i mír 6;
 - (b) modheolaíocht chun an t-ioncam a chomhroinnt dá dtagraítear i mír 8;
 - (c) comhrialacha chun na seiceálacha ar infhaighteacht a dhéanamh dá dtagraítear i bpointe (b) de mhír 9;
 - (d) **Prionsabail** [] chomhchoiteanna chun an uair a bheidh íocaíocht neamh-infhaighteachta dlite a chinneadh;

- (e) téarmaí d'fheidhmiú an chláir dá dtagraítear i bpointe (a) de mhír 9;
- (f) comhrialacha chun acmhainn atá incháilithe chun a bheidh rannpháirteach a shainnaint, dá dtagraítear i bpointe (a) de mhír 9.

Beidh an togra faoi réir comhairliúchán agus formheas roimh ré ag an nGníomhaireacht faoin nós imeachta a leagtar amach in Airteagal 22.

11. Fíoróidh **na húdaráis rialála náisiúnta lena mbaineann** cé acu an ndearnadh an acmhainn a ríomh i gcomhréir leis an modheolaíocht dá dtagraítear i bpointe (a) de mhír 10 nó nach ndearnadh.
12. Áiritheoidh údaráis rialála náisiúnta go ndéanfar rannpháirtíocht trasteorann i sásraí acmhainne a eagrú ar mhodh éifeachtach neamh-idirdhealaitheach. Déanfaidh siad foráil go háirithe maidir le socrúithe leordhóthanacha riaracháin don fhorfheidhmiú ar íocaíochtaí neamh-infhaighteachta thar theorainneacha.
13. Beidh an acmhainn leithdháilte dá dtagraítear i mír 7 inaistrithe idir soláthraithe acmhainne incháilithe. Tabharfaidh soláthraithe acmhainne incháilithe fógra faoi aon aistriú don chlár dá dtagraítear i bpointe (a) de mhír 9.

14. Tráth nach déanaí ná [OP: *dhá bhliain tar éis teacht i bhfeidhm don Rialachán seo*] bunóidh agus feidhmeoidh ENTSO don Leictreachas an clár dá dtagraítear i bpointe (a) de mhír 9. Beidh an clár oscailte do gach soláthraí acmhainne incháilithe, do na córais ina gcuirtear na sásraí i bhfeidhm agus dá n-oibreoirí córas tarchurtha.

[]

Airteagal 22

An nós imeachta um fhormheas

1. I gcás ina ndéantar tagairt don Airteagal seo, beidh feidhm ag an nós imeachta a leagtar amach i mír 2 go mír 4 maidir le togra arna sheoladh isteach ag ENTSO don Leictreachas a fhormheas.
2. Sula dtíolacfar an togra, rachaidh ENTSO don Leictreachas i mbun próiseas comhairliúcháin a mbeidh gach geallsealbhóir, [] údarás rialála agus údarás náisiúnta eile atá ábhartha bainteach leis **agus cuirfidh sé torthaí próisis chomhairliúcháin san áireamh mar is cuí.**
3. Laistigh de thrí mhí ón dáta fála, déanfaidh an Gníomhaireacht an togra a fhormheas nó a leasú. Más leasú a dhéanfar, rachaidh an Gníomhaireacht i gcomhairle le ENTSO don Leictreachas sula nglaca sí an togra leasaithe. Foilseofar an togra leasaithe ar shuíomh gréasáin na Gníomhaireachta trí mhí ar a dhéanaí tar éis dáta fála na ndoiciméad atá beartaithe.
4. Féadfaidh an Gníomhaireacht athruithe ar an togra formheasta a iarraidh tráth ar bith. Tráth nach déanaí ná sé mhí ó thráth déanta na hiarrata, déanfaidh ENTSO don Leictreachas dréacht de na hathruithe atá á moladh a chur faoi bhráid na Gníomhaireachta. Tráth nach déanaí ná trí mhí tar éis di an dréacht sin a fháil, déanfaidh an Gníomhaireacht na hathruithe a leasú nó a fhormheas agus an dréacht a fhoilsiú ar a suíomh gréasáin féin.

Airteagal 23

Prionsabail deartha le haghaidh sásraí acmhainne

1. Chun dul i ngleic le hábhair inmí atá fágtha nach féidir deireadh a chur leo trí na bearta de bhun Airteagal 18(3), féadfaidh Ballstáit sásraí acmhainne a thabhairt isteach, faoi réir fhorálacha an Airteagail seo agus [] **gan dochar do** rialacha an Aontais Eorpaigh maidir leis an státhabhair **de bhun Airteagal 107 go hAirteagal 109 CFAE**.
2. I gcás inar mian le Ballstát sásra acmhainne a chur chun feidhme, rachaidh sé i gcomhairle faoin sásra atá beartaithe ar a laghad leis na Ballstáit comharsanachta a bhfuil ceangal **díreach** leictreachais aige leis **bunaithe ar staidéar cuimsitheach ar na héifeachtaí a d'fhéadfadh a bheith ar na Ballstáit sin**.
- 2a. Nuair is mar chúltaca straitéiseach a dheartar sásra acmhainne , ní athsheolfar acmhainní sa chúltaca straitéiseach ach amháin i gcás gur dóigh go n-ídeoidh [] na hoibreoirí córas tarchurtha [] a n-acmhainní cothromúcháin chun cothromaíocht a bhunú idir an t-éileamh agus an soláthar []. Ní dochar an ceanglas seo d'acmhainní a chur chun gnímh roimh an seoladh féin, d'fhonn na sriantaí rampála agus na ceanglais oibríochtúla a chomhlíonadh. Le linn tréimhsí ina seoltar acmhainní sa chúltaca straitéiseach, déanfar míchothromaíochtaí sa mhargadh a réiteach ar a laghad ar an teorainn tairisceana de bhun Airteagal 9 []. Ní íocfar na hacmhainní atá rannpháirteach sa chúltaca straitéiseach trí [] mhargaí mórdhíola leictreachais ná trí mhargaí cothromúcháin.
3. Maidir le sásraí acmhainne:
 - (a) ní chruthófar saobhadh margaidh gan ghá leo agus ní chuirfidh siad teorainn le trádáil [] **traslimistéir**;
 - (b) **beidh siad margadhbhunaithe**;

- (c) beidh siad oscailte do rannpháirtíocht acmhainní go léir atá in ann an fheidhmíocht theicniúil is gá a sholáthar ar bhealach atá neodrach ó thaobh na teicneolaíochta de agus trí rialacha cothroma trédhearcacha, lena n-áirítear ach gan a bheith teoranta do rannpháirtíocht stórála, éifeachtúlachta fuinnimh agus freagartha don éileamh [];
- (d) beidh siad sealadach ach beidh siad ceadaithe, i gcomhréir leis na rialacha maidir leis an stáitchabhair, fad agus go ndearnadh imní i dtaobh leordhóthanacht acmhainní a shainaithe sa mheasúnú ábhartha ar leordhóthanacht acmhainní;
- (e) [] ní rachaidh siad thar a bhfuil riachtanach chun aghaidh a thabhairt ar an ábhar imní ó thaobh leordhóthanacht acmhainní de.

[]

4. **[] Agus sásra acmhainne a ndearadh acu, cuirfidh na Ballstáit na ceanglais seo a leanas i bhfeidhm maidir le teorainneacha astaíochtaí CO₂:**

- (a) **Acmhainn giniúna a astaíonn níos mó ná 550gr CO₂/kWh fuinnimh nó a astaíonn níos mó ná 700kg CO₂ ar an meán in aghaidh na bliana do gach kW suiteáilte, dá bhfuil cinneadh deiridh infheistíochta déanta tar éis [OP: *dáta theacht i bhfeidhm*], ní bhfaighidh an acmhainn giniúna sin íocaíochtaí nó gealltanais i leith íocaíochtaí amach anseo, faoi shásra acmhainne, amhail ó 31 Nollaig 2025.**
- (b) **Acmhainn giniúna a astaíonn níos mó ná 550gr CO₂/kWh fuinnimh nó a astaíonn níos mó ná 700kg CO₂ ar an meán in aghaidh na bliana do gach kW suiteáilte, dá bhfuil cinneadh deiridh infheistíochta déanta roimh [OP: *dáta theacht i bhfeidhm*], ní bhfaighidh an acmhainn giniúna sin íocaíochtaí nó gealltanais i leith íocaíochtaí amach anseo, faoi shásra acmhainne, amhail ó 31 Nollaig 2030, ach amháin i gcás conarthaí nach bhfanann d'fhad díobh níos mó cúig bliana a thabharfar chun críche roimh an 31 Nollaig 2030. Idir 31 Nollaig 2025 agus 31 Nollaig 2030, ba cheart an acmhainn, a fhaigheann íocaíocht as an rannpháirtíocht sin, a laghdú 5% in aghaidh na bliana.**

(c) Déanfar an teorainn astaíochta 550gr CO₂/kWh fuinnimh agus an teorainn 700kg CO₂ ar an meán in aghaidh na bliana do gach kW suiteáilte a ríomh bunaithe ar éifeachtúlacht an aonaid giniúna, ó thaobh an deartha de, mar a fhorálann eagraíocht deimhniúcháin creidiúnaithe.

[]

5a. Agus sásraí acmhainne á ndearadh, cuirfidh na Ballstáit foráil isteach lena gceadófar dul in éag éifeachtúil sásra acmhainne laistigh de 4 bliana i gcás [] nach ann don ábhar inní ó thaobh leordhóthanacht acmhainní de a thuilleadh. Is féidir scor riaracháin an tsásra a bheith i gceist leis an dul in éag seo, agus fógra réasúnach á thabhairt roimh ré, nó forálacha i ndearadh an tsásra as a d'eascródh fionraí dreasachtaí eacnamaíocha a bhaineann leis nuair nach bhfuil aon ábhar inní ó thaobh leordhóthanacht acmhainní de ann.

Airteagal 24

Sásraí atá ann cheana féin

1. Na Ballstáit a chuirfidh sásraí acmhainne i bhfeidhm ar [OP: *teacht i bhfeidhm an Rialacháin seo*], cuirfidh siad a sásraí in oiriúint chun Airteagal 18, Airteagal 21 agus Airteagal 23 den Rialachán seo a chomhlíonadh [] **gan dochar do ghealltanais nó conarthaí a tugadh i gcrích roimh an dáta sin, agus gan dochar do rialacha an Aontais maidir le státchabhair de bhun Airteagal 107 go hAirteagal 109 CFAE, lena n-áirítear cinntí maidir le státchabhair a thógtar ina dhiaidh sin roimh an dáta sin.**

Caibidil V

Oibriú córas tarchurtha

Airteagal 25

Gréasán Eorpach na n-oibreoirí córas tarchurtha don leictreachas

1. 1. Comhoibreoidh na hoibreoirí córas tarchurtha ar leibhéal an Aontais trí ENTSO don Leictreachas chun comhlánú agus feidhmiú an mhargaidh inmheánaigh sa leictreachas agus trádáil [] **traslimistéir** a chur chun cinn agus chun bainistiú optamach, oibríocht chomhordaithe agus forás fóna teicniúil an ghréasáin tarchurtha Eorpaigh don leictreachas a áirithiú.
2. Agus a fheidhmeanna á ndéanamh aige faoi dhlí an Aontais Eorpaigh, rannchuideoidh [] ENTSO don Leictreachas le gnóthú éifeachtúil agus inbhuanaithe na gcuspóirí a leagadh amach sa chreat beartais maidir le haeráid agus fuinneamh don tréimhse ó 2020 go 2030, go háirithe trí rannchuidiú le comhtháthú éifeachtúil a dhéanamh ar leictreachas a ghintear as foinsí fuinnimh in-athnuaite agus le héifeachtúlacht fuinnimh a mhéadú **agus slándáil córas á caomhnú ag an am céanna.**

Airteagal 26

ENTSO don Leictreachas a bhunú

1. Déanfaidh na hoibreoirí córas tarchurtha don leictreachas dréacht-reachtanna, liosta comhaltaí agus dréacht-rialacha nós imeachta ENTSO don Leictreachas a bheidh le bunú, lena n-áirítear rialacha nós imeachta a bhaineann leis an gcomhairliúchán le páirtithe leasmhara eile, a chur faoi bhráid an Choimisiúin agus na Gníomhaireachta.
2. Laistigh de dhá mhí ón lá a bhfaighfear iad, tar éis di dul i gcomhairle go foirmiúil le heagraíochtaí atá ionadaitheach do na páirtithe leasmhara uile, go háirithe úsáideoirí an chórais, lena n-áirítear custaiméirí, soláthróidh an Ghníomhaireacht tuairim don Choimisiún maidir leis na dréacht-reachtanna, maidir le liosta na gcomhaltaí agus maidir leis na dréacht-rialacha nós imeachta.
3. Tabharfaidh an Coimisiún tuairim maidir leis na dréacht-reachtanna, maidir le liosta na gcomhaltaí agus maidir leis na dréacht-rialacha nós imeachta, agus aird á tabhairt aige ar thuairim na Gníomhaireachta dá bhforáiltear i mír 2, agus déanfar amhlaidh laistigh de thrí mhí ón lá a bhfaighfear an tuairim ón nGníomhaireacht.
4. Laistigh de thrí mhí ón lá a bhfaighfear an tuairim fhabhrach ón gCoimisiún, bunóidh na hoibreoirí córas tarchurtha ENTSO don Leictreachas, agus glacfaidh siad, agus foilseoidh siad, a reachtanna agus a rialacha nós imeachta.
5. Cuirfear faoi bhráid an Choimisiúin agus na Gníomhaireachta na doiciméid sin dá dtagraítear i mír 1 i gcás ina ndéantar iad a athrú nó ar iarraidh chuí-réasúnaithe ón gCoimisiún nó ón nGníomhaireacht. Tabharfaidh an Ghníomhaireacht agus an Coimisiún a dtuairim i gcomhréir le mír 2 go 4.

Airteagal 27

Cúraimí ENTSO don Leictreachas

1. I dtaca le ENTSO don Leictreachas, déanfaidh sé an méid seo a leanas :
 - (a) na cóid ghréasáin a tharraingt suas sna réimsí a leagtar amach in Airteagal 55(1) d'fhonn na cuspóirí a bhaint amach a leagtar amach in Airteagal 25
 - (b) plean forbartha gréasáin neamhcheangailteach uile-Aontais deich mbliana, (plean forbartha gréasáin uile-Aontais), a ghlacadh agus a fhoilsiú gach dhá bhliain;
 - (c) tograí maidir leis an measúnú Eorpach leordhóthanachta acmhainní de bhun Airteagal 19(2), (3) agus (5), agus tograí maidir le sonraíochtaí teicniúla le haghaidh rannpháirtíocht trasteorann i sásra acmhainne de bhun Airteagal 21(10), a ullmhú agus a ghlacadh;
 - (d) moltaí maidir le comhordú an chomhair theicniúil idir oibreoirí córas tarchurtha san Aontas agus oibreoirí córas tarchurtha i dtríú tíortha a ghlacadh;
 - (e) creat don chomhar agus don chomhordú idir **comhordaitheoirí réigiúnacha slándála** a ghlacadh;
 - (f) togra a ghlacadh lena sainítear an [] réigiún **oibríochta córas [] i gcomhréir le forálacha Airteagal 33;**
 - (fa) **obair i gcomhar le hoibreoirí córas dáileacháin agus eintiteas AE do DSOanna.**
 - (fb) **digitíú na ngréasán tarchuir lena n-áirítear eangacha cliste agus córais méadrúcháin chliste a chur chun cinn;**

[]

- (g) uirlisí coiteanna a ghlacadh d'oibriú an ghréasáin, lena áirithiú go ndéanfar comhordú ar oibriú an ghréasáin i ngnáthdhálaí agus i ndálaí éigeandála, lena n-áirítear scála coiteann chun teagmhas a aicmiú, maille le pleananna taighde lena n-áirítear na pleananna sin a chur chun feidhme de bhíthin clár éifeachtúil taighde. Déanfaidh na huirlisí seo a shonrú, *inter alia*:
- (i) an fhaisnéis, lena n-áirítear faisnéis iomchuí an lae roimh ré, ionlae agus fíorama, a bheadh úsáideach chun comhordú oibríochtúil a fheabhsú, chomh maith leis an minicíocht bharrmhaith le haghaidh an fhaisnéis sin a bhailiú agus a roinnt;
 - (ii) clár oibre teicneolaíochta le haghaidh faisnéis a mhalartú i bhfíoram agus i gcás inarb iomchuí, na cláir oibre teicneolaíochta le haghaidh an fhaisnéis eile dá dtagraítear i bpointe (i) a bhailiú, a phróiseáil agus a tharchur, agus chomh maith leis sin le haghaidh chur chun feidhme na nósanna imeachta atá ábalta comhordú oibríochtúil idir na hoibreoírí córas tarchurtha a mhéadú d'fhonn go dtiocfaidh an comhordú sin i réim ar fud an Aontais;
 - (iii) an tslí a gcuireann oibreoírí córas tarchurtha an fhaisnéis oibríochtúil ar fáil d'oibreoírí eile córas tarchurtha nó d'aon eintiteas a bheidh sainordaithe go cuí chun tacú leo comhordú oibríochtúil a bhaint amach, agus don Ghníomhaireacht; agus
 - (iv) go n-ainmníonn na hoibreoírí córas tarchurtha pointe teagmhála a bheidh freagrach as fiosruithe a fhreagairt ó oibreoírí eile córas tarchurtha nó ó aon eintiteas eile a bheidh sainordaithe go cuí amhail dá dtagraítear i bpointe (iii), nó ón nGníomhaireacht lena mbaineann an fhaisnéis sin.
- (h) clár oibre bliantúil a ghlacadh;
- (i) tuarascáil bhliantúil a ghlacadh;
- (j) tuartha leordhóthanachta séasúracha a dhéanamh agus a ghlacadh de bhun Airteagal 9(2) [Rialachán maidir le riosca-ullmhacht arna mholadh faoin togra COM(2016) 862].

2. Déanfaidh ENTSO don Leictreachas tuairisciú leis an nGníomhaireacht maidir le heasnaimh a sainaitníodh i dtaca le bunú agus feidhmíocht na [] **gcomhordaitheoirí réigiúnacha slándála**.
3. Foilseoidh ENTSO don Leictreachas miontuairiscí a chuid cruinnithe Tionóil, Boird agus Coiste, agus coinneoidh sé eolas leis an bpobal ar bhonn rialta faoina chinnteoireacht agus faoina ghníomhaíochtaí.
4. Is é a bheidh sa chlár oibre bliantúil dá dtagraítear i bpointe (h) de mhír 1 ná liosta de na cóid ghréasáin atá le hullmhú agus tuairisc orthu, plean maidir le comhordú oibriú an ghréasáin agus gníomhaíochtaí taighde agus forbartha, a dhéanfar an bhliain sin, mar aon le féilire táscach.
5. Déanfaidh ENTSO don Leictreachas an fhaisnéis uile a chur ar fáil a éilíonn an Gníomhaireacht chun a cúraimí a chomhlíonadh faoi Airteagal 29(1). Déanfaidh na hoibreoírí córas tarchurtha an fhaisnéis uile a chur ar fáil a éilíonn ENTSO le haghaidh Leictreachais chun a cúraimí a chomhlíonadh faoin gcéad abairt.
6. Arna iarraidh sin don Choimisiún, tabharfaidh ENTSO don Leictreachas a thuairimí don Choimisiún maidir le glacadh na dtreoirlínte de réir mar atá leagtha síos in Airteagal 57.

Airteagal 28

Comhairliúcháin

1. Agus é ag ullmhú na dtograí de bhun na gcúraimí dá dtagraítear in Airteagal 27(1) , seolfaidh ENTSO don Leictreachas próiseas comhairliúcháin forleathan, ag céim luath agus ar bhealach trédhearcach agus oscailte, ina n-áireofar na geallsealbhóirí ábhartha go léir , agus, go háirithe, na heagraíochtaí a dhéanann ionadaíocht do na geallsealbhóirí uile, i gcomhréir lena rialacha nós imeachta dá dtagraítear in Airteagal 26. Áireofar sa chomhairliúchán sin na húdarais rialála náisiúnta agus údarais náisiúnta eile, gnóthais soláthair agus giniúna, úsáideoirí córais, lena n-áirítear custaiméirí, oibreoirí córas dáileacháin, lena n-áirítear comhlachais tionsclaíocha ábhartha agus comhlachtaí teicniúla agus grúpaí de gheallsealbhóirí. Is é a bheidh mar aidhm aige ná tuairimí agus tograí na bpáirtithe ábhartha uile a shainnithint i rith an phróisis cinnteoireachta.
2. Poibleofar na doiciméid agus na miontuairiscí uile a bhaineann leis na comhairliúcháin dá dtagraítear i mír 1.
3. Sula nglacfaidh sé na moltaí de bhun Airteagal 27(1) tabharfaidh ENTSO don Leictreachas le fios conas a rinneadh na barúlacha a fuarthas le linn an chomhairliúcháin a chur san áireamh. I gcás nach mbeidh barúlacha curtha san áireamh, tabharfaidh sé na cúiseanna atá leis sin.

Airteagal 29

An faireachán a dhéanfaidh an Ghníomhaireacht

1. Déanfaidh an Ghníomhaireacht faireachán ar fhorghníomhú chúraimí ENTSO don Leictreachas dá dtagraítear in Airteagal 27(1), (2) agus (3) agus tíolacfaidh sí tuarascáil don Choimisiún.

Déanfaidh an Ghníomhaireacht faireachán ar an mbealach a ndéanann ENTSO don Leictreachas na cóid ghréasáin arna dtarraingt suas faoi Airteagal 55(14) , a chur chun feidhme. I gcás ina mbeidh ENTSO don Leictreachas tar éis mainneachtain cóid ghréasáin den sórt sin a chur chun feidhme, iarrfaidh an Ghníomhaireacht ar ENTSO don Leictreachas míniú cuí-réasúnaithe a thabhairt faoin gcúis gur mhainnigh sé déanamh amhlaidh. Cuirfidh an Ghníomhaireacht an míniú sin in iúl don Choimisiún agus tabharfaidh sí a tuairim ina leith.

Déanfaidh an Ghníomhaireacht faireachán agus anailís ar chur chun feidhme na gcód gréasáin agus na dtreoirlínte arna nglacadh ag an gCoimisiún de réir mar a leagtar síos in Airteagal 54(1) , agus ar a n-éifeacht ar chomhchuibhiú na rialacha is infheidhme, arb é is aidhm dóibh comhtháthú an mhargaidh a éascú, agus ar neamh-idirdhealú, ar iomaíocht éifeachtach agus ar fheidhmiú éifeachtúil an mhargaidh, agus tíolacfaidh sí tuarascáil don Choimisiún.

2. Déanfaidh ENTSO don Leictreachas an dréachtphlean forbartha gréasáin uile-Aontais, an dréachtchlár oibre bliantúil, lena n-áirítear an fhaisnéis maidir leis an bpróiseas comhairliúcháin agus na doiciméid eile dá dtagraítear in Airteagal 27(1) a chur faoi bhráid na Gníomhaireachta chun a tuairim a fháil.

Laistigh de thréimhse dhá mhí ón lá a bhfaighfear é, tabharfaidh an Ghníomhaireacht tuairim chuí-réasúnaithe, chomh maith le moltaí, do ENTSO don Leictreachas agus don Choimisiún, i gcás ina measfaidh sé nach rannchuideoidh an dréachtchlár oibre bliantúil nó an dréachtphlean forbartha gréasáin Aontais le neamh-idirdhealú, le hiomaíocht éifeachtach nó le feidhmiú éifeachtúil an mhargaidh nó le leibhéal sásúil idirnáisc trasteorann a bheidh oscailte do rochtain ag tríú páirtithe.

Airteagal 30

Costais

Seasfaidh na hoibreoírí córas tarchurtha na costais a bhaineann le gníomhaíochtaí ENTSO don Leictreachas dá dtagraítear in Airteagal 25 go 29 agus 54 go 57 den Rialachán seo agus in Airteagal 11 de Rialachán (AE) Uimh. 347/2013 agus cuirfear na costais sin i gcuntas le linn na taraifí a bheith á ríomh. Ní fholmheasfaidh na húdaráis rialála na costais sin ach amháin má bhíonn siad réasúnta agus iomchuí.

Airteagal 31

Comhar réigiúnach idir na hoibreoírí córas tarchurtha

1. Bunóidh na hoibreoírí córas tarchurtha comhar réigiúnach laistigh de ENTSO don Leictreachas d'fhonn rannchuidiú leis na gníomhaíochtaí dá dtagraítear in Airteagal 27(1), (2) agus (3). Déanfaidh siad, go háirithe, plean infheistíochta réigiúnach a fhoilsiú gach dara bliain agus féadfaidh siad cinntí infheistíochta a ghlacadh a bheidh bunaithe ar an bplean infheistíochta réigiúnach sin. Cuirfidh ENTSO don Leictreachas comhar chun cinn idir oibreoírí córas tarchurtha ar an leibhéal réigiúnach lena n-áiríteofar idir-inoibritheacht, cumarsáid agus faireachán sna réimsí sin nach bhfuil comhchuibhithe fós ar leibhéal an Aontais.
2. Cuirfidh oibreoírí córas tarchurtha socruithe oibríochtúla chun cinn d'fhonn an bainistiú is fearr ar an ngréasán a áirithiú agus déanfaidh siad forbairt malartuithe fuinnimh, leithdháileadh comhordaithe acmhainne trasteorann trí réitigh neamh-idirdhealaitheacha margadhbhunaithe, agus aird chuí á tabhairt ar thuillteanais shonracha na gceantanna intuigthe do leithdháileadh gearrthéarmach, agus comhtháthú na sásraí um chothromú agus um chumhacht chúlta a chur chun cinn.

3. Chun na spriocanna atá leagtha síos i mír 1 agus i mír 2 den Airteagal seo a bhaint amach, féadfaidh an Coimisiún an limistéar geografach a chumhdaíonn gach struchtúr comhair réigiúnaigh a shainiú, ag féachaint do na struchtúir comhair réigiúnaigh atá ann cheana féin. Ceadófar do gach Ballstát comhar a chur chun cinn i níos mó ná limistéar geografach amháin. Tabharfar de chumhacht don Choimisiún gníomhartha **cur chun feidhme** [] a ghlacadh i gcomhréir le hAirteagal [] **62(2)** a bhaineann leis an limistéar geografach a chumhdaíonn gach struchtúr comhair réigiúnaigh. **Ní dochar d'Airteagal 33 na cinntí agus an cumhachtú dá dtagraítear sa mhír seo agus beidh siad faoi réir comhairliúchán.** Chuige sin, rachaidh an Coimisiún i gcomhairle leis an nGníomhaireacht agus le ENTSO don Leictreachas.

Airteagal 32

Bunú agus misean [] Comhordaitheoirí Réigiúnacha Slándála

1. Faoin [OP: *dhá mhí dhéag tar éis teacht i bhfeidhm*], déanfaidh oibreoírí córas tarchurtha an réigiúin oibríochta córas [] togra a thíolacadh [] d'fheabhsú comhordaitheoirí réigiúnacha slándála a bhunaítear de bhun [] na Treoirlíne Oibríochta Córas a ghlactar ar bhonn Airteagal 18 de Rialachán 714/2009 lena fhorghéar ag na húdaráis rialála faoi seach.

Beidh na heilimintí [] seo a leanas sa togra []:

- a) na Ballstáit rannpháirteacha agus na hoibreoírí córas tarchurtha;
- b) na socruithe eagraíochtúla, airgeadais agus oibríochtúla atá riachtanach chun oibriú éifeachtúil, slán, agus iontaofa an chórais tarchurtha idirnasctha a áirithiú;

- c) **plean cur chun feidhme do theacht i ngníomh na gcomhordaitheoirí réigiúnacha slándála;**
- d) **reachtanna agus rialacha nós imeachta na gcomhordaitheoirí réigiúnacha slándála;**
- e) **tuairisc ar phróisis chomhoibríocha i gcomhréir le hAirteagal 35;**
- f) **tuairisc ar na socruithe a bhaineann le dlíteanas comhordaitheoirí réigiúnacha slándála i gcomhréir le hAirteagal 44.**

2. **Beidh comhordaitheoirí réigiúnacha slándála bunaithe sa réigiún oibríochta córas, áit a rachaidh siad i mbun a gcuid cúraimí agus a bheidh siad eagraithe i bhfoirm dlí dá dtagraítear in Iarscríbhinn II de Threoir (AE) 2017/1132 ó Pharlaimint na hEorpa agus ón gComhairle¹⁵.**
3. **Beidh oibreoirí córas tarchurtha freagrach as bainistiú a dhéanamh ar shreafaí leictreachais agus áiritheoidh siad córas leictreachais slán, iontaofa agus éifeachtúil i gcomhréir le hAirteagal 40 den athmhúnlú de Threoir 2009/72/CE mar a mhol COM(2016) 864/2] agus leis an reachtaíocht náisiúnta. Beidh na comhordaitheoirí réigiúnacha slándála ina gcomhlánú ar ról na n-oibreoirí córas tarchurtha mar go ndéanfaidh siad cúraimí darb ábharthacht réigiúnach a shanntar dóibh i gcomhréir le hAirteagal 34.**
- 4a. **Rachaidh na comhordaitheoirí réigiúnacha slándála i mbun a gcúraimí nua a leagtar amach in Airteagal 34(1) faoin 1 Eanáir 2025. Is féidir leis na Ballstáit go léir ón réigiún oibríochta córas céanna cinneadh a dhéanamh go comhpháirteach maidir le hoibriú níos luaithe an chomhordaitheora réigiúnaigh slándála faoi seach [+].**

¹⁵ **Treoir (AE) Uimh. 2017/1132 ó Pharlaimint na hEorpa agus ón gComhairle an 14 Meitheamh 2017 maidir le gnéithe áirithe de dhlí na gcuideachtaí (IO L 169, 30.6.2017, lch. 46).**

Airteagal 33

Raon feidhme geografach [] comhordaitheoirí réigiúnacha slándála

- 0a.** Chun críche an Rialacháin seo, tagrófar do na limistéir geografacha a chumhdaítear le gach ceann de na hoibreoirí córas tarchurtha a bhfuil na comhordaitheoirí réigiúnacha slándála céanna á roinnt acu de bhun [] na Treoirlíne Oibríochta Córas a ghlactar ar bhonn Airteagal 18 de Rialachán 714/2009 mar réigiúin oibríochta córas.
- 0b.** Féadfaidh comhordaitheoirí réigiúnacha slándála limistéir geografacha níos mó nó níos lú a chumhdach ná na limistéir atá ann de bhun [] na Treoirlíne Oibríochta Córas a ghlactar ar bhonn Airteagal 18 de Rialachán 714/2009. Sa chás sin, cuirfidh na hoibreoirí córas tarchurtha faoi seach togra faoi bhráid na Gníomhaireachta lena sainítear na réigiúin oibríochta córas a chumhdóidh an comhordaitheoir réigiúnach slándála.
1. Faoin [OP: sé mhí tar éis theacht i bhfeidhm don Rialachán seo], cuirfidh ENTSO don Leictreachas faoi bhráid na Gníomhaireachta togra lena sonraítear na hoibreoirí córas tarchurtha, na limistéir tairisceana, na teorainneacha idir dhá limistéir tairisceana, na réigiúin ríofa acmhainne agus na réigiúin comhordaithe ar éradh a chumhdaítear le gach ceann de na réigiúin oibríochta córas.
- 1a.** I gcás ina bhfuil Ballstát ina chuid den iliomad limistéir shioncronacha éagsúla, d'fhéadfadh beirt chomhordaitheoirí réigiúnacha slándála an t-oibreoir córais tarchurtha a chomhordú. I gcás na dtéorainneacha idir dhá limistéir tairisceana atá taobh le réigiúin oibríochta córas, sonrú sa togra i mír 1 an bealach a ndéanfar an comhordú idir comhordaitheoirí réigiúnacha slándála do na teorainneacha sin.
- 1b.** Tabharfaidh gach comhordaitheoir réigiúnach slándála faoi na cúraimí a liostaítear in Airteagal 34(1) le haghaidh na n-oibreoirí córas tarchurtha den réigiún oibríochta córas ina bhfuil sé bunaithe. []

[]

2. Tráth nach faide ná trí mhí ó gheobhaidh sí **an togra i mír 1**, glacfaidh an Ghníomhaireacht an togra lena sainmhínítear na réigiúin oibríochta córas, sin nó molfaidh sí leasuithe ina leith. Más leasú a dhéanfar, rachaidh an Ghníomhaireacht i gcomhairle le ENTSO don Leictreachas sula nglaca sí na leasuithe. Foilseofar an togra leasaithe ar shuíomh gréasáin na Gníomhaireachta.

Airteagal 34

Cúraimí [] comhordaitheoirí réigiúnacha slándála

1. Déanfaidh gach [] **comhordaitheoir** réigiúnach slándála na [] **cúraimí** seo a leanas [] **atá ábhartha ar bhealach réigiúnach d'oibreoírí córas** tarchurtha sa réigiún oibríochta córas [] a bhfuil tuilleadh eolais le fáil ina dtaobh in Iarscríbhinn I:
- (d) ríomh acmhainne comhordaithe **i gcomhréir leis na modheolaíochtaí a forbraíodh de bhun [] na Treoirlíne maidir Leithdháileadh Acmhainne agus le Bainistiú ar Phlódú a glacadh ar bhonn Airteagal 18 de Rialachán 714/2009;**
 - (e) anailís slándála chomhordaithe **i gcomhréir leis na modheolaíochtaí a forbraíodh de bhun [] na Treorach Oibríochta Córas a glacadh ar bhonn Airteagal 18 de Rialachán 714/2009;**
 - (f) múnlaí coiteanna [] **eangaí a chruthú i gcomhréir leis na modheolaíochtaí agus na nósanna imeachta a forbraíodh de bhun [] na Treoirlíne Oibríochta Córas a glacadh ar bhonn Airteagal 18 de Rialachán 714/2009;**
 - (g) **tacú leis** an measúnú comhsheasmhachta ar phleananna cosanta agus ar phleananna don athbhunú oibreoírí córas tarchurtha **i gcomhréir leis an nós imeachta a leagtar amach [] sa chód gréasáin maidir le héigeandálaí agus athbhunú a glacadh ar bhonn Airteagal 6 de Rialachán 714/2009;**

(da) réamhaisnéisí agus measúnuithe leordhóthanachta córas seachtaine roimh ré go [] lá roimh ré ar bhonn réigiúnach [] ar ghníomhaíochtaí laghdaithe riosca i gcomhréir leis na nósanna imeachta a leagtar amach sa Treoirlíne Oibríochta Córas a glacadh de bhun Airteagal 18 de Rialachán 174/2009;

(db) comhordú réigiúnach ar phleanáil ar éradh i gcomhréir leis na nósanna imeachta a leagtar amach sa [] Treoirlíne Oibríochta Córas a glacadh de bhun Airteagal 18 de Rialachán 714/2009;

[]

(dd) oiliúint agus deimhniúchán foirne atá ag obair do chomhordaitheoirí réigiúnacha slándála[+];

[]

(e) Tacú le comhordú agus optamú d'athbhunú réigiúnach arna iarraidh ag oibreoirí córas tarchurtha;

(f) anailís agus tuairisciú iar-oibríthe agus iar-shuaite;

[]

[]

[]

[]

[]

[]

(m) cásanna géarchéime réigiúnacha a shainaithe má iarrtar iad agus chomh fada is a iarrtar iad de bhun Airteagal 6(1) de [Rialachán ar ullmhacht riosca mar a mholann COM(2016) 862];

(n) ionsamhluithe bliantúla géarchéime a ullmhú agus a dhéanamh i gcomhar leis na húdaráis inniúla de bhun Airteagal 12(3) den [Rialachán maidir le riosca-ullmhacht arna mholadh faoin togra COM(2016) 862];

[]

(p) cúraimí a bhaineann leis na tuartha séasúracha leordhóthanachta má iarrtar iad agus a mhéid a iarrtar iad de bhun Airteagal 9([J3) den [Rialachán maidir le riosca-ullmhacht arna mholadh faoin togra COM(2016) 862];

[]

(q) **luach na** hacmhainne iontrála uasta a ríomh a bheidh ar fáil le haghaidh rannpháirtíocht acmhainne eachtraí i sásraí acmhainne **chun moladh a eisiúint de bhun Airteagal 21(6)[]**.

2. []

Nuair a mholann na húdaráis rialála go **comhpháirteach** é, tar éis dul i gcomhairle leis na hoibreoírí córas tarchurtha agus leis na comhordaitheoirí réigiúnacha slándála féadfaidh na Ballstáit den réigiún oibríochta córas cinneadh go comhpháirteach cúraimí comhordaithe comhairleacha breise a sholáthar, agus eiseoidh na comhordaitheoirí réigiúnacha slándála moltaí de bhun Airteagal 38 ar a mbonn. Sa chás sin, rachaidh na comhordaitheoirí réigiúnacha slándála i mbun na gcúraimí sin ar bhonn na modheolaíochtaí a chuirfidh na hoibreoírí córas tarchurtha i dtoll a chéile agus a chomhaontóidh na húdaráis rialála ábhartha.

3. Tabharfaidh na hoibreoírí córas tarchurtha an fhaisnéis is gá do na [] **comhordaitheoirí réigiúnacha slándála** chun dul faoina [] **gcúraimí**.

4. Tabharfaidh na **comhordaitheoirí réigiúnacha slándála** do na hoibreoírí córas tarchurtha den réigiún oibríochta córas an fhaisnéis ar fad is gá chun **na gníomhaíochtaí agus na []** moltaí **comhordaithe []** a mhol na [] **comhordaitheoirí réigiúnacha slándála** a chur chun feidhme.

Airteagal 35

Comhar laistigh de [] agus idir comhordaitheoirí réigiúnacha slándála

1. Bainisteofar an [] **comhar laethúil laistigh de chomhordaitheoirí réigiúnacha slándála** agus eatarthu trí [] **phróisis []** chomhair atá bunaithe ar na nithe seo a leanas:

(n) socrúithe oibre chun aghaidh a thabhairt ar ghnéithe oibríochta agus pleanála [] **atá ábhartha do na cúraimí dá dtagraítear in Airteagal 34(1)**;

- (o) nós imeachta chun **anailís a roinnt** agus féachaint faoi mholtaí **ó na comhordaitheoirí réigiúnacha slándála** leis na hoibreoírí córas tarchurtha den réigiún oibríochta córas agus dualgais agus cúraimí oibríochta á bhfeidhmiú i gcomhréir le hAirteagal 37 agus le **comhordaitheoirí réigiúnacha slándála eile**;
- (c) nós imeachta chun **gníomhaíochtaí comhordaithe** agus moltaí a ghlacadh i gcomhréir le hAirteagal 38;
- (d) nós imeachta chun athbhreithniú a dhéanamh ar **ghníomhaíochtaí comhordaithe** agus ar mholtaí **a deisigh comhordaitheoirí réigiúnacha slándála** i gcomhréir le hAirteagal 39.

Airteagal 36

Socruithe oibre

1. Forbróidh comhordaitheoirí réigiúnacha slándála socruithe oibre chun aghaidh a thabhairt ar ghnéithe pleanála agus oibríochta a bhaineann leis na cúraimí atá le déanamh ag cur san áireamh, go háirithe, saintréithe agus riachtanais na gcúraimí sin mar a shonraítear in Iarscríbhinn 1. Forbróidh comhordaitheoirí réigiúnacha slándála próiseas freisin d'aon athbhreithniú ar na socruithe oibre seo.
2. Áiritheoidh **comhordaitheoirí réigiúnacha slándála** go bhfuil rialacha chun fógra a thabhairt do na páirtithe lena mbaineann sna socruithe.

Airteagal 37

Nós imeachta comhairliúcháin

1. Agus a gcuid dualgas agus cúraimí laethúla oibríochta á bhfeidhmiú ag na **comhordaitheoirí réigiúnacha slándála**, forbróidh siad nós imeachta chun an comhairliúchán rialta iomchuí a eagrú le hoibreoirí córas tarchurtha **an réigiúin oibríochta córas, le comhordaitheoirí réigiúnacha slándála eile** agus le geallsealbhóirí ábhartha. Chun go n-áiritheofar gur féidir aghaidh a thabhairt ar shaincheisteanna rialála, beidh na húdaráis rialála páirteach de réir mar is gá.
2. **Más gá, féadfaidh na comhordaitheoirí réigiúnacha slándála dul i gcomhairle le Ballstáit an réigiúin oibríochta córas agus, más infheidhme, lena bhfórait réigiúnacha maidir le cúrsaí a bhfuil ábharthacht pholaitiúil ag baint leo, seachas gníomhaíochtaí laethúla comhordaitheoirí réigiúnacha slándála agus cur chun feidhme a gcuid cúraimí. Tabharfaidh na comhordaitheoirí réigiúnacha slándála aird iomchuí ar na moltaí a thugann na Ballstáit agus i gcás inarb infheidhme, a thugann a bhfórait réigiúnacha.**

Airteagal 38

Gníomhaíochtaí agus moltaí comhordaithe

1. Forbróidh na hoibreoirí córas tarchurtha de réigiún oibríochta córas nós imeachta chun **gníomhaíochtaí comhordaithe** agus moltaí a **thíolaic na comhordaitheoirí réigiúnacha slándála i gcomhréir leis na critéir a leagtar amach i mír 2 go mír 4** a ghlacadh.

2. **Leagfaidh na comhordaitheoirí réigiúnacha slándála amach gníomhaíochtaí comhordaithe** a bheidh dírithe ar oibreoirí córas tarchurtha maidir leis na **cúraimí** dá dtagraítear i bpointe (a) agus i bpointe (b) d'Airteagal 34(1). Féadfaidh oibreoirí córas tarchurtha a chinneadh gan na **gníomhaíochtaí comhordaithe** a d'eisigh **comhordaitheoirí réigiúnacha slándála a chur chun feidhme i gcás inarb é toradh cur chun feidhme na ngníomhaíochtaí comhordaithe sárú na dteorainneacha slándála oibríochta a shainmhíníonn gach oibreoir córais tarchurtha i gcomhréir leis an Treoirlíne Oibríochta Córas a glacadh ar bhonn Airteagal 18 de Rialachán 714/2009 .**
- 2a. **I ndiaidh an athbhreithnithe a ghníomhachtaítear i gcomhréir le hAirteagal 39, má chinneann oibreoir córais tarchurtha gan gníomhaíocht chomhordaithe a chur chun feidhme ar na cúiseanna a leagtar amach i mír 2, tabharfaidh sé tuairisc thrédhearcach ar na cúiseanna mionsonraithe don chomhordaitheoir réigiúnach slándála agus do na hoibreoirí córas tarchurtha den réigiún oibríochta córas gan mhoill mhíchuí .** Sna cásanna sin, déanfaidh an comhordaitheoir réigiúnach slándála measúnú ar an tionchar ar na hoibreoirí córas tarchurtha eile den réigiún oibríochta córas agus féadfaidh siad sraith éagsúil gníomhaíochtaí comhordaithe a mholadh faoi réir nós imeachta i mír 2.
3. Glacfaidh na **comhordaitheoirí réigiúnacha slándála** moltaí atá dírithe ar na hoibreoirí córas tarchurtha do na **cúraimí** dá dtagraítear in Airteagal 34(1) seachas i dtaobh cúraimí a chumhdaítear i mír 2 den Airteagal seo.
4. **Nuair a thugann an t-údarás rialála moladh, tar éis dul i gcomhairle leis na hoibreoirí córas tarchurtha agus leis na comhordaitheoirí réigiúnacha slándála** féadfaidh Ballstáit réigiúin oibríochta córas a chinneadh go comhpháirteach inniúlacht do ghníomhaíochtaí comhordaithe nó cumhachtaí cinnteoireachta ceangailteacha a thabhairt do na **comhordaitheoirí réigiúnacha slándála** le haghaidh ceann amháin nó níos mó de na **cúraimí** dá dtagraítear in Airteagal 34(1).

Airteagal 39

Athbhreithniú ar [] ghníomhaíochtaí agus ar mholtaí comhordaithe

1. Forbróidh [] na **comhordaitheoirí réigiúnacha slándála** nós imeachta don athbhreithniú ar [] **ghníomhaíochtaí agus moltaí comhordaithe a thugtar do na cúraimí ar a dtugtar tuairisc in Airteagal 34.**
2. Cuirfear chun gnímh an nós imeachta ar iarratas ó cheann nó níos mó de na hoibreoírí córas tarchurtha sa réigiún oibríochta córas. Tar éis athbhreithniú a dhéanamh ar an [] **gníomhaíocht comhordaithe** nó ar an moladh comhordaithe, [] dearbhóidh na **comhordaitheoirí réigiúnacha slándála** [+] an beart nó leasóidh siad é.
3. Nuair is [] **gníomhaíocht chomhordaithe** i gcomhréir le hAirteagal 38(2) é an beart atá faoi réir athbhreithnithe, ní chuirfidh an iarraidh ar athbhreithniú an [] **ghníomhaíocht chomhordaithe** ar fionraí seachas i gcásanna arb é an **toradh ar chur chun feidhme na ngníomhaíochtaí comhordaithe sárú ar na teorainneacha oibríochta slándála a shainmhíníonn gach oibreoír córais tarchurtha i gcomhréir leis [] an Treoirlíne Oibríochta Córas a glacadh ar bhonn Airteagal 18 de Rialachán 714/2009**
4. **I ndiaidh [] an athbhreithnithe [] ar an moladh i gcomhréir le hAirteagal 38)([]3), [] má chinneann oibreoír córais tarchurtha imeacht ón moladh, cuirfidh an t-oibreoír córais tarchurtha bonn cirt faoi bhráid na [] gcomhordaitheoirí réigiúnacha slándála** agus faoi bhráid oibreoírí córas tarchurtha eile an réigiúin oibríochta córas.

Airteagal 40

Bord bainistíochta na [] gcomhordaitheoirí réigiúnacha slándála

1. D'fhonn bearta a bhaineann le rialachas na [] **gcomhordaitheoirí réigiúnacha slándála** a ghlacadh agus chun faireachán a dhéanamh ar a bhfeidhmíocht, bunóidh siad bord bainistíochta.
2. Beidh comhaltaí a ionadaíonn do na hoibreoírí córas tarchurtha ar an mbord bainistíochta [].
3. Beidh freagracht ar an mbord bainistíochta as na nithe seo a leanas:
 - (p) reachtanna agus rialacha nós imeachta na [] **gcomhordaitheoirí réigiúnacha slándála** a dhréachtú agus a fhorghníomhú;
 - (q) an struchtúr eagrúcháin a chinneadh agus a chur chun feidhme;
 - (r) an buiséad bliantúil a ullmhú agus a fhorghníomhú;
 - (d) na próisis [] chomhair a fhorbairt agus a fhorghníomhú i gcomhréir le hAirteagal 35.
4. Eisiafaidh inniúlachtaí an bhoird bainistíochta na próisis chomhair a bhaineann le gníomhaíochtaí laethúla na [] **gcomhordaitheoirí réigiúnacha slándála** agus feidhmíocht a **gcúraimí**[].

Airteagal 41

An struchtúr eagrúcháin

1. **Bunóidh oibreoirí córas tarchurtha na socruithe riachtanacha do chomhordaitheoirí réigiúnacha slándála** **chun** a gcuid eagrúcháin a bhainistiú de réir struchtúir a thacaíonn le sábháilteacht a **gcúraimí** .
Mionsonrófar sa struchtúr eagrúcháin sin:
 - (s) údarás, cúraimí agus freagrachtaí na foirne bainistíochta;
 - (t) gaol agus línte tuairiscithe na gcodanna éagsúla agus na nósanna imeachta éagsúla atá san eagraíocht lena chéile.
2. Féadfaidh na **comhordaitheoirí réigiúnacha slándála** deascanna réigiúnacha a bhunú chun aghaidh a thabhairt ar shainiúlachtaí **foréigiúnacha** nó chun tacú le comhordaitheoirí réigiúnacha slándála le feidhmíocht éifeachtach iontaofa a **gcúraimí**.

Airteagal 42

Trealamh agus foireann

Beidh na hacmhainní daonna, teicniúla, fisiceacha agus airgeadais atá riachtanach ag na **comhordaitheoirí réigiúnacha slándála** chun a n-oibleagáidí a chomhlíonadh faoin rialachán seo agus chun tabhairt faoina a gcuid **cúraimí**.

Airteagal 43

Faireachán agus tuairisciú

1. Bunóidh **comhordaitheoirí réigiúnacha slándála** próiseas le haghaidh fhaireachán leanúnach na nithe seo a leanas ar a laghad:
 - (a) a bhfeidhmíocht oibríochtúil féin;
 - (b) na **gníomhaíochtaí comhordaithe** agus na moltaí comhordaithe a eisíodh, **a mhéid a chuir na hoibreoirí córas tarchurtha na gníomhaíochtaí comhordaithe agus na moltaí comhordaithe chun feidhme** agus an toradh a bhí air;
 - (c) éifeachtacht agus éifeachtúlacht gach ceann de na **cúraimí** a bhfuil siad freagrach astu.
2. déanfaidh na **comhordaitheoirí réigiúnacha slándála** na sonraí a eascróidh as an bhfaireachán leanúnach a dhéanfaidh siad a chur faoi bhráid na Gníomhaireachta [], na n-údarás rialála **agus na n-oibreoirí córas tarchurtha** den réigiún oibríochta córas ar a laghad ar bhonn bliantúil.
3. bunóidh na **comhordaitheoirí réigiúnacha slándála** a gcostais ar bhealach trédhearcach agus tabharfaidh siad tuairisc ina leith don Ghníomhaireacht agus d'údaráis rialála an réigiúin oibríochta córas.
4. déanfaidh na **comhordaitheoirí réigiúnacha slándála** tuarascáil bhliantúil a bhaineann lena bhfeidhmíocht a chur faoi bhráid ENTSO don Leictreachais, na gníomhaireachta, údaráis rialála an réigiúin oibríochta córas agus an Ghrúpa Comhordaithe Leictreachais a bunaíodh de bhun Airteagal 1 de Chinneadh 2012/C 353/02¹⁶.

¹⁶ Cinneadh ón gCoimisiún, an 15 Samhain 2012, lena mbunaítear an Grúpa Comhordaithe Leictreachais (IO C 353, 17.11.2012, lch. 2).

5. tabharfaidh na **comhordaitheoirí réigiúnacha slándála** tuairisc faoi easnaimh a shainaithnítear sa phróiseas faireacháin faoi mhír 1 do ENTSO don leictreachas, d'údaráis rialála an **réigiúin**, don ghníomhaireacht agus d'údaráis inniúla na mBallstát atá freagrach as cosc agus cásanna bainistithe géarchéime. **Féadfaidh údaráis rialála an réigiúin, bearta a mholadh do na comhordaitheoirí réigiúnacha slándála ar bhonn na tuarascála sin chun aghaidh a thabhairt ar na heasnaimh.**

Airteagal 44

Dliteanas

Sa togra do bhunú comhordaitheoirí réigiúnacha slándála, i gcomhréir le hAirteagal 32, tógfaidh na hoibreoirí córas tarchurtha den réigiún oibríochta córas na céimeanna is gá chun dliteanas a bhaineann le feidhmiú a gcuid cúraimí a chumhdach. Cuirfear san áireamh leis an modh a úsáidfear chun cumhdach a sholáthar stádas dlí na **gcomhordaitheoirí réigiúnacha slándála** agus leibhéal an chumhdaigh árachais atá ar fáil.

Airteagal 45

Plean forbartha gréasáin deich mbliana

1. Cuimseofar sa phlean forbartha uile-Aontais dá dtagraítear in Airteagal 27(1)(b) samhaltú an ghréasáin chomhtháthaithe, forbairt cásanna, agus measúnú ar stóinseacht an chórais.

Déanfaidh an plean forbartha gréasáin uile-Aontais na nithe seo a leanas, go háirithe:

- (u) cur le pleananna náisiúnta infheistíochta, agus na pleananna réigiúnacha infheistíochta dá dtagraítear in Airteagal 12(1) á gcur san áireamh, agus, más iomchuí, gnéithe an Aontais de phleanáil gréasáin mar a leagtar amach i Rialachán (AE) Uimh. 347/2013 ó Pharlaimint na hEorpa agus ón gComhairle¹⁷; déanfar anailís costas tairbhe air de réir na modheolaíochta bunaithe mar a leagtar amach in Airteagal 11 den Rialachán sin;
- (v) i réimse na n-idirnascairí trasteorann, cuirfidh sé le riachtanais réasúnacha úsáideoirí na gcóras éagsúil agus déanfaidh sé gealltanais fhadtéarmacha ó infheisteoirí dá dtagraítear in Airteagail 44 agus 51 den [athmhúnlú ar Threoir 2009/72/CE arna mholadh faoin togra COM(2016) 864/2] ; agus
- (w) sainaitheoidh sé bearnaí san infheistíocht, go háirithe maidir le hacmhainn trasteorann.

I dtaca le pointe (c) , féadfar athbhreithniú a chur mar iarscríbhinn leis an bplean forbartha gréasáin uile-Aontais.

2. Cuirfidh an Ghníomhaireacht tuairim ar fáil maidir le pleananna forbartha gréasáin deich mbliana náisiúnta chun measúnú a dhéanamh ar a mhéid atá siad ag teacht leis an bplean forbartha gréasáin uile-Eorpaigh. Má shainaithníonn an Ghníomhaireacht neamhréireachtaí idir plean forbartha gréasáin deich mbliana náisiúnta agus an plean forbartha gréasáin deich mbliana uile-Aontais, molfaidh sí go ndéanfar an plean forbartha gréasáin náisiúnta nó an plean forbartha gréasáin deich mbliana uile-Aontais a leasú de réir mar is cuí. Má fhorbraítear plean forbartha gréasáin náisiúnta deich mbliana den sórt sin i gcomhréir le hAirteagal 51 de [athmhúnlú ar Threoir 2009/72/CE arna mholadh ag COM(2016) 864/2], molfaidh an Ghníomhaireacht don údarás rialála náisiúnta inniúil an plean forbartha gréasáin deich mbliana náisiúnta a leasú i gcomhréir le hAirteagal 51(7) den Treoir sin agus cuirfidh sé an méid sin in iúl don Choimisiún.

¹⁷ Rialachán (AE) Uimh. 347/2013 ó Pharlaimint na hEorpa agus ón gComhairle an 17 Aibreán 2013 maidir le treoirlínte le haghaidh bonneagair tras-Eorpaigh fuinnimh (IO L 115, 25.4.2013, lch. 39).

Airteagal 46

Sásra um chúiteamh idir oibreoirí córas tarchurtha

1. Gheobhaidh oibreoirí córas tarchurtha cúiteamh as na costais a thabhaítear mar thoradh ar shreafaí leictreachais trasteorann a óstáil ar a ngréasáin.
2. Is iad oibreoirí na gcóras náisiúnta tarchurtha ina dtionscnaíonn sreafaí trasteorann agus oibreoirí na gcóras tarchurtha náisiúnta ina gcríochnaíonn na sreafaí sin a íocfaidh an cúiteamh dá dtagraítear i mír 1.
3. Déanfar íocaíochtaí cúitimh ar bhonn rialta maidir le tréimhse ar leith san am atá thart. Déanfar coigeartú ex post ar chúiteamh a íocadh nuair is gá sin chun costais a tabhaíodh iarbhír a léiriú.

Déanfar an chéad tréimhse a ndéanfar íocaíochtaí cúitimh ina leith a chinneadh sna treoirlínte dá dtagraítear in Airteagal 57.

4. Glacfaidh an Coimisiún gníomhartha tarmlichte i gcomhréir le hAirteagal 63 a bhaineann leis na méideanna íocaíochtaí cúitimh is iníoctha.
5. Méid na sreabh trasteorann a óstáiltear agus méid na sreabh trasteorann a ainmnítear mar shreafaí a thionscnaíonn agus/nó a chríochnaíonn i gcórais tarchurtha náisiúnta, cinnfear í ar bhonn na sreabh fisiciúil leictreachais a thomhaistear iarbhír le linn tréimhse ar leith.

6. Déanfar na costais a thabhaítear mar thoradh ar shreafaí leictreachais trasteorann a óstáil a shuíomh ar bhonn meánchostas incriminteach, fadtréimhseach, réamhbhreathnaitheach, agus cailleanais, infheistíocht i mbonneagar nua, agus cionmhaireacht iomchuí de chostas an bhonneagair atá ann cheana, a mhéid a úsáidtear an bonneagar sin chun sreafaí trasteorann a tharchur, á gcur san áireamh agus, go háirithe, an gá le ráthaíocht maidir le cinnteacht an tsoláthair á chur san áireamh. Nuair a bheidh na costais a tabhaíodh á suíomh, úsáidfear modheolaíochtaí costála atá caighdeánach agus aitheanta. D'fhonn an cúiteamh a gheofar a laghdú, cuirfear san áireamh sochair a fhaigheann gréasán mar thoradh ar shreafaí trasteorann a óstáil.
7. Chun críocha sásra cúitimh idir oibreoirí córas tarchurtha amháin i gcás ina ndéanann gréasáin tarchurtha de chuid dhá Bhallstát nó níos mó cuid de bhloc rialaithe aonair, go hiomlán nó i bpáirt, measfar go mbeidh an bloc rialaithe ina iomláine mar chuid de ghréasán tarchurtha ceann de na Ballstáit lena mbaineann, d'fhonn sreafaí a sheachaint laistigh de bhloc rialaithe a fhéachfar orthu mar shreafaí trasteorann faoi Airteagal 2(2)(b) agus as a n-eascróidh íocaíochtaí cúitimh faoi mhír 1 den Airteagal seo. Féadfaidh údaráis rialála na mBallstát lena mbaineann a chinneadh cé acu de na Ballstáit lena mbaineann a measfar ina leith gur cuid dá ghréasán tarchurtha é an bloc rialaithe ina iomláine.

Airteagal 47

Faisnéis a sholáthar

1. Cuirfidh oibreoirí córas tarchurtha sásraí malartaithe faisnéise agus comhordaithe i bhfeidhm chun slándáil na ngréasán a áirithiú i gcomhthéacs an bhainistithe ar phlódú.

2. Poibleofar na caighdeáin sábháilteachta, oibríochtúla agus pleanála a úsáideann oibreoirí córas tarchurtha. Cuimseoidh an fhaisnéis a fhoilseofar scéim ghinearálta chun acmhainn iomlán an aistrithe agus corrlach iontaofachta an tarchuir a ríomh ar bhonn ghnéithe leictreacha agus fisiciúla an ghréasáin. Beidh scéimeanna den sórt sin faoi réir a bhformheasta ag na húdaráis rialála.
3. Foilseoidh oibreoirí córas tarchurtha meastacháin ar an acmhainn aistrithe atá ar fáil do gach lá, agus léireofar iontu aon acmhainn aistrithe atá ar fáil agus atá curtha in áirithe cheana féin. Déanfar na foilseacháin sin ag eatraimh shonraithe roimh an lá iompair agus cuimseofar iontu, in aon chás, meastacháin a dhéanfar seachtain roimh ré agus mí roimh ré, mar aon le léiriú cainníochtúil maidir le hiontaofacht tuartha na hacmhainne atá ar fáil.
4. Foilseoidh na hoibreoirí córas tarchurtha sonraí ábhartha maidir le réamhaisnéis chomhiomlánaithe agus éileamh iarbhír, maidir le hinfhaighteacht agus úsáid iarbhír na sócmhainní giniúna agus lóid, maidir le hinfhaighteacht agus úsáid na ngréasán agus na n-idirnas, agus maidir le cumhacht agus acmhainn chúltaca a chothromú. Féadfar sonraí comhiomlánaithe meastacháin a úsáid maidir le hinfhaighteacht agus úsáid iarbhír aonad beag giniúna agus lóid.
5. Déanfaidh na rannpháirtithe margaidh lena mbaineann na sonraí ábhartha a sholáthar do na hoibreoirí córas tarchurtha.
6. Déanfaidh gnóthais ghiniúna ar leo nó a oibríonn sócmhainní giniúna, i gcás ina bhfuil acmhainn shuiteáilte 250 MW ar a laghad ag ceann amháin de na sócmhainní giniúna, nó ag a bhfuil punann ina bhfuil 400 MW ar a laghad de na sócmhainní giniúna, na sonraí uile in aghaidh na huairé an chloig agus in aghaidh an ghléasra is gá chun fíorú a dhéanamh maidir leis na cinntí seolta oibríochtúla go léir, agus maidir leis an iompar tairisceana i malartuithe fuinnimh, i gceantanna idirnaisc, i margaí cúltaca agus i margaí thar an gcuntar a choimeád ar fáil don údarás rialála náisiúnta, don údarás iomaíochta náisiúnta agus don Choimisiún, go ceann cúig bliana. Cuimsíonn an fhaisnéis in aghaidh an ghléasra agus in aghaidh na huairé an chloig atá le stóráil, ach ní gá gurb iad sin amháin a bheadh i gceist léi, sonraí maidir leis an acmhainn ghiniúna agus na cúltacaí geallta atá ar fáil, lena n-áirítear leithdháileadh na gcúltacaí sin in aghaidh an ghléasra, ag na tráthanna a ndéantar an tairiscint agus nuair a dhéantar an táirgeadh.

7. Malartóidh na hoibreoirí córas tarchurtha, go tráthrialta, sraith sonraí leorchruinne maidir leis an ngréasán agus maidir le lód na sreibhe chun go bhféadfar lód na sreibhe a ríomh do gach oibreoir córais tarchurtha ina limistéar ábhartha. Cuirfear an tsraith chéanna sonraí ar fáil do na húdaráis rialála, don Choimisiún **agus do na Ballstáit** arna iarraidh sin dóibh. Coimeádfaidh na húdaráis rialála, **na Ballstáit** agus an Coimisiún an tsraith torthaí sin faoi rún agus áiritheoidh siad rúndacht ó aon chomhairleoir a bheidh i mbun oibre anailísí arna iarraidh sin dóibh, ar bhonn na sonraí sin.

Airteagal 48

Deimhniúchán oibreoirí córas tarchurtha

1. A luaithe is a fhaightear é, scrúdóidh an Coimisiún aon fhógra faoi chinneadh ar dheimhniúchán oibreora córais tarchurtha mar a leagtar síos é in Airteagal 52(6) de [athmhúnlú ar Threoir 2009/72/CE arna mholadh ag COM(2016) 864/2] . Laistigh de dhá mhí ón lá a fhaightear an fógra sin, tabharfaidh an Coimisiún a tuairim don údarás náisiúnta rialála ábhartha maidir lena chomhoiriúnacht le hAirteagal 52(2) nó le hAirteagal 53 den [athmhúnlú ar Threoir 2009/72/CE mar a mhol COM(2016) 864/2].

Nuair atá an tuairim dá dtagraítear sa chéad fhomhír á hullmhú aige, féadfaidh an Coimisiún a iarraidh ar an nGníomhaireacht a tuairim a thabhairt ar chinneadh an údaráis rialála náisiúnta. I gcás den sórt sin, déanfar an tréimhse dhá mhí dá dtagraítear sa chéad fhomhír a fhadú dhá mhí eile.

In éagmais tuairime ón gCoimisiún laistigh den tréimhse dá dtagraítear sa chéad fhomhír agus sa dara fhomhír, measfar nach bhfuil aon agóid ag an gCoimisiún i gcoinne chinneadh an údaráis rialála.

2. Laistigh de dhá mhí ón tráth a fhaightear tuairim ón gCoimisiún, glacfaidh an t-údarás rialála náisiúnta a chinneadh críochnaitheach maidir le deimhniúchán an oibreora córais tarchurtha, agus an aird is mó is féidir á tabhairt ar an tuairim sin. Foilseofar cinneadh an údaráis rialála agus tuairim an Choimisiúin in éineacht lena chéile.
3. Féadfaidh na húdaráis rialála agus/nó an Coimisiún, tráth ar bith le linn an nós imeachta, a iarraidh ar oibreoir córais tarchurtha agus/nó ar ghnóthas a dhéanann aon cheann de na feidhmeanna giniúna nó soláthair, aon fhaisnéis a sholáthar atá ábhartha maidir le comhlíonadh a gcúraimí faoin Airteagal seo.
4. Déanfaidh na húdaráis rialála agus an Coimisiún rúndacht aon fhaisnéise íogaire tráchtála a chaomhnú.
5. I gcás ina bhfaighidh an Coimisiún fógra faoi chinneadh ar dheimhniúchán oibreora córais tarchurtha faoi Airteagal 43(9) de [athmhúnlú ar Threoir 2009/72/CE arna mholadh ag COM(2016) 864/2] , déanfaidh sé cinneadh a bhaineann le deimhniúchán. Comhlíonfaidh an t-údarás rialála cinneadh an Choimisiúin.

Caibidil VI

Oibriú córas dáileacháin

Airteagal 49

[] An comhar idir oibreoírí córas dáileacháin

1. Comhoibreoidh na hoibreoírí córas tarchurtha [] ar leibhéal an Aontais [] ar mhaithe le críochnú agus feidhmiú an mhargaidh inmheánaigh sa leictreachas a chur chun cinn, agus chun bainistíocht optamach agus oibriú comhordaithe ar na córais dailte agus tarchurtha a chur chun cinn. []
- 1a. **Agus eintiteas Eorpach d'oibreoírí córas dáileacháin á bhunú – an t-eintiteas AE do DSOanna – tá na hoibreoírí córas dáileacháin i dteideal bheith bainteach leis agus ballraíocht a ghlacadh ann. Bunófar an t-eintiteas AE do DSOanna ar a dhéanaí faoin 31 Nollaig 2022 agus, leis an eintiteas sin, déanfar na tascanna agus na nósanna imeachta a chomhlíonadh dá bhforáiltear leis an Rialachán seo i gcomhréir le hAirteagal [51]. Ós rud é gur saineintiteas é a bheidh ag obair ar mhaithe le leas na hEorpa i gcoitinne, ní dhéanfaidh sé ionadaíocht thar ceann leas ar leith ná ní dhéanfaidh sé iarracht dul i gcion ar an bpróiseas cinnteoireachta chun leasanna áirithe a chosaint.**
- 1b. **Beidh comhaltaí an eintitis AE do DSOanna faoi réir clárúcháin agus íocaíocht táille comhaltais atá cothrom agus comhréireach.**

Airteagal 50

An t-eintiteas AE do DSOanna a bhunú []

- 0. Ar an eintiteas AE do DSOanna beidh, ar a laghad, comhthionól ginearálta, bord stiúrthóirí, grúpa comhairleora straitéisigh, grúpaí saineolaithe agus ardrúnaí.**
1. [] **Faoin** [OP: dhá mhí dhéag tar éis dó teacht i bhfeidhm], cuirfidh na hoibreoírí córas dáileacháin [] faoi bhráid an Choimisiúin agus na Gníomhaireachta dréacht-reachtanna i gcomhréir le [Airteagal 50a] lena n-áirítear cód iompair, liosta na gcomhaltaí cláraithe, na dréacht-rialacha nós imeachta, lena n-áirítear rialacha nós imeachta a bhaineann leis an gcomhairliúchán le ENTSO don Leictreachas agus le geallsealbhóirí eile [] , maille leis na rialacha airgeadais, a bheidh ag an eintiteas AE do DSOanna atá le bunú.
- []
- []
2. Laistigh de dhá mhí ón lá a bhfaighfear iad, tar éis di dul i gcomhairle go foirmiúil le heagraíochtaí is ionadaithe ag na páirtithe leasmhara uile, go háirithe úsáideoirí an chórais dáileacháin, tabharfaidh an Gníomhaireacht tuairim don Choimisiún maidir leis na dréacht-reachtanna, maidir le liosta na gcomhaltaí agus maidir leis na dréacht-rialacha nós imeachta.
3. Laistigh de thrí mhí ón lá a bhfaighfear an tuairim ón nGníomhaireacht, tabharfaidh an Coimisiún tuairim maidir leis na dréacht-reachtanna, maidir le liosta na gcomhaltaí agus maidir leis na dréacht-rialacha nós imeachta, agus aird á tabhairt aige ar thuairim na Gníomhaireachta dá bhforáiltear i mír 2.
4. Laistigh de thrí mhí ón lá a bhfaighfear an tuairim dhearfach ón gCoimisiún, bunóidh na hoibreoírí córas dáileacháin an t-eintiteas AE do DSOanna, agus glacfaidh siad, agus foilseoidh siad, a reachtanna agus a rialacha nós imeachta.

5. Cuirfear faoi bhráid an Choimisiúin agus na Gníomhaireachta na doiciméid sin dá dtagraítear i mír 1 i gcás ina ndéantar iad a athrú nó ar iarraidh chuí-réasúnaithe a fháil. Tabharfaidh an Ghníomhaireacht agus an Coimisiún a dtuairim i gcomhréir leis an nós imeachta a leagtar amach i míreanna 2 go 4.
6. Na hoibreoírí córais dáileacháin sin a bheidh ina gcomhaltaí cláraithe, is iad a sheasfaidh na costais a bhaineann le gníomhaíochtaí an eintitis AE do DSOanna agus cuirfear na costais sin i gcuntas le linn na taraifí a bheith á ríomh. Ní dhéanfaidh na húdaráis rialála na costais sin a fhorfhéas ach amháin má tá siad réasúnach agus comhréireach.

Airteagal 50a

Na príomhrialacha agus na príomhnósanna imeachta maidir leis an eintiteas AE do DSOanna le haghaidh leictreachais

1. **Leis na reachtanna maidir leis an eintiteas AE do DSOanna a ghlacfar i gcomhréir le hAirteagal 50, déanfar na prionsabail seo a leanas a choimirciú:**
 - (a) **tá rannpháirtíocht i n-oibreacha de chuid an eintitis AE do DSOanna teoranta do chomhaltaí cláraithe agus deis tairmligin laistigh den chomhaltas a bheith ann;**
 - (b) **is é an comhthionól ginearálta a ghlacann na cinntí straitéiseacha maidir le gníomhaíochtaí an eintitis AE do DSOanna mar aon leis na treoirlínte beartais don bhord stiúrthóirí;**
 - (c) **déantar na cinntí ón gcomhthionól ginearálta a ghlacadh i gcomhréir leis na rialacha seo a leanas:**
 - **i gcás ina sroictear 65% de na vótaí a shanntar do chomhaltaí an chomhthionóil ghinearálta,**
 - **ina bhfaigheann gach comhalta réidh le líon vótaí atá i gcomhréir le líon na gcustaiméirí faoi seach agus**
 - **i gcás ina dtacaíonn 55% de chomhaltaí an chomhthionóil ghinearálta ar a laghad leis an toradh deiridh.**

- (d) déantar bac a chur ar chinntí an chomhthionóil ghinearálta i gcomhréir leis na rialacha seo a leanas:-i gcás ina sroichtear 35% de na vótaí a shanntar do chomhaltaí an chomhthionóil ghinearálta,
- ina bhfaigheann gach comhalta réidh le líon vótaí atá i gcomhréir le líon na gcustaiméirí faoi seach; agus
 - i gcás ina dtacaíonn 25% de chomhaltaí an chomhthionóil ghinearálta ar a laghad leis an toradh deiridh
- (e) is é an comhthionól ghinearálta a thoghann an bord stiúrthóirí le haghaidh sainordú 4 bliana ar a mhéad;
- (f) is é an bord stiúrthóirí a ainmníonn an tUachtarán agus an triúr Leas-Uachtarán as measc a gcomhaltaí;
- (g) is faoi stiúir an bhoird stiúrthóirí comhar OCD-OCT de bhun Airteagal 52 agus Airteagal 53;
- (h) déanfar cinntí ón mbord stiúrthóirí a ghlacadh le tromlach simplí de 15 vóta;
- (i) bunaithe ar thogra ón mbord stiúrthóirí, ceapann an comhthionól ghinearálta an tArd-Rúnaí as measc a gcomhaltaí le haghaidh sainordú ceithre bliana, ar féidir a athnuachan aon uair amháin;
- (j) bunaithe ar thogra ón mbord stiúrthóirí, ceapann an comhthionól ghinearálta grúpaí saineolaithe, nach bhfuil níos mó ná 30 comhalta i ngach grúpa, agus deis ann go mbeadh 1/3 acu ina gcomhaltaí a tháinig ón taobh amuigh, lasmuigh den chomhaltas. Ina theannta sin, bunófar grúpa saineolaithe 'tír amháin' ar a mbeidh díreach ionadaí OCD amháin as gach Ballstát.

2. Leis na nósanna imeachta a ghlacfaidh an t-eintiteas AE do DSOanna, déanfar a choimirciú go gcaithfear go cothrom agus go comhréireach lena chomhaltaí agus léireofar struchtúr éagsúil geografach agus eacnamaíoch a chomhaltais. leis na nósanna imeachta, forálfar an méid seo a leanas go háirithe:
- (a) Ar an mbord stiúrthóirí tá Uachtarán an bhoird agus tá 27 n-ionadaí thar ceann comhaltaí, ar fíor an méid seo a leanas ina leith:
- [] tá 9 acu ina n-ionadaithe comhaltaí ag a bhfuil níos mó ná 1 mhilliún úsáideoir eangaí;
 - [] tá 9 acu ina n-ionadaithe comhaltaí ag a bhfuil níos mó ná 100,000 úsáideoir eangaí agus níos lú ná 1 mhilliún úsáideoir eangaí; agus
 - [] tá 9 ina n-ionadaithe comhaltaí ag a bhfuil níos lú ná 100,000 úsáideoir eangaí;
- (ab) féadfaidh ionadaithe ó chomhlachais OCDanna, ar comhlachais iad arb ann dóibh cheana, páirt a ghlacadh mar bhreathnóirí ar chruinnithe an bhoird stiúrthóirí;
- (b) ní fhéadfaidh níos mó ná 3 ionadaí comhaltaí atá bunaithe sa Bhallstát céanna nó sa ghrúpa céanna tionsclaíoch a bheith ar an mbord stiúrthóirí;
- (c) ní mór gach Leas-Uachtarán ar an mBord a ainmniú i measc ionadaithe na gcomhaltaí as gach catagóir a thuairiscítear i mír (a) thuas;
- (e) ionadaithe na gcomhaltaí atá bunaithe i mBallstát amháin nó sa ghrúpa céanna tionsclaíoch, ní fhéadfaidís a bheith mar thromlach de chuid rannpháirtithe an ghrúpa saineolaithe;
- (f) Bunóidh an bord stiúrthóirí grúpa comhairleora straitéisigh a chuireann a thuairim in iúl don bhord stiúrthóirí agus do na grúpaí saineolaithe agus ar a bhfuil ionadaithe ó chomhlachais Eorpach OCD agus ionadaithe ó na Ballstáit sin nach bhfuil ionadaíocht acu ar bhord na stiúrthóirí.

Airteagal 51

Cúraimí an eintitis AE do DSOanna

1. Is iad seo a leanas na cúraimí a leagfar ar an eintiteas AE do DSOanna:

(athraíodh ord na bpointí)

- (x) *(f roimhe seo)* páirt a ghlacadh in ullmhú na gcód gréasáin **arb ábhartha iad d'oibriú agus do phleanáil na n-eangach dáileacháin agus comhar maidir le hoibriú comhordaithe na ngréasán tarchurtha agus dáileacháin** de bhun Airteagal 55.
- (y) *(a roimhe seo)* [] **cur chun cinn** oibriú agus phleanáil [] na ngréasán dáileacháin **i gcomhar le hoibriú agus phleanáil na ngréasán tarchurtha;**
- (z) *(b roimhe seo)* comhtháthú ar fhoinsí fuinnimh in-athnuaite, ar an nginiúint dháilte agus ar acmhainní eile atá leabaithe sa ghréasán dáileacháin, amhail stóráil fuinnimh, **a éascú;**
- (aa) *(c roimhe seo)* [] **éascú** a dhéanamh [] ar rannpháirtíocht i **solúbthacht agus i bhfreagairt** an éilimh **agus rochtain úsáideoirí na n-eangach dáileacháin ar na margaí;**
- (bb) *(d roimhe seo)* **rannhuidiú** le digitíú **na gcóras dáileacháin** [] lena n-áirítear eangacha cliste agus córais méadrúcháin chliste a chur chun feidhme;
- (cc) *(e roimhe seo)* **tacú le forbairt** bainistiú sonraí, cibearshlándaíl agus cosaint sonraí **i gcomhar leis na húdaráis ábhartha agus le heintitis rialáilte;**

2. Ina theannta sin,
- (dd) déanfaidh an t-eintiteas AE do DSOanna comhar le ENTSO don leictreachas [] maidir le faireachán ar chur chun feidhme na gcód gréasáin agus na dtreoirlínte, arna nglacadh de bhun an Rialacháin seo, agus ar ábhartha iad d'oibriú agus do phleanáil na n-eangach dáileacháin, agus comhar maidir le hoibriú comhordaithe na ngréasán tarchurtha agus dáileacháin;
- (ee) déanfaidh sé comhar le ENTSO don leictreachas [] agus glacfaidh sé dea-chleachtais maidir le hoibriú agus pleanáil chomhordaithe na gcóras tarchurtha agus dáileacháin lena n-áirítear saincheisteanna amhail malartú sonraí idir na hoibreoírí, agus comhordú na n-acmhainní fuinnimh dáilte;
- []
- (d) déanfaidh sé clár oibre bliantúil agus tuarascáil bhliantúil a ghlacadh;
- (e) feidhmeoidh sé i gcomhréir iomlán le rialacha na hiomaíochta **agus áiritheoidh sé neodracht.**

Airteagal 52

Comhairliúcháin laistigh de nós imeachta forbartha na gcód gréasáin

1. Agus cóid ghréasáin fhéideartha á n-ullmhú aige de bhun Airteagal 56, seolfaidh an t-eintiteas AE do DSOanna próiseas comhairliúcháin forleathan, ag céim luath agus ar bhealach trédhearcach agus oscailte, ina n-áireofar na rannpháirtithe ábhartha go léir, agus, go háirithe, na heagraíochtaí a dhéanann ionadaíocht ar na geallsealbhóirí uile, i gcomhréir leis na rialacha nós imeachta dá dtagraítear in Airteagal 50. Áireofar sa chomhairliúchán sin na húdaráis rialála agus údaráis náisiúnta eile, gnóthais soláthair agus giniúna, úsáideoirí córais, lena n-áirítear custaiméirí, [], comhlachtaí teicniúla agus grúpaí de gheallsealbhóirí. Is é a bheidh mar aidhm aige ná tuairimí agus tograí na bpáirtithe ábhartha uile a shainaithint i rith an phróisis cinnteoireachta.

2. Poibleofar na doiciméid agus na miontuairiscí uile a bhaineann leis na comhairliúcháin dá dtagraítear i mír 1.
3. Cuiridh an t-eintiteas AE do DSOanna san áireamh na tuairimí a fuarthas le linn an chomhairliúcháin sin. Sula nglacfaidh sé na moltaí maidir le cóid ghréasáin dá dtagraítear in Airteagal 55, tabharfaidh an t-eintiteas AE do DSOanna le fios conas a rinneadh na barúlacha a fuarthas le linn an chomhairliúcháin a chur san áireamh. I gcás nach mbeidh barúlacha curtha san áireamh, tabharfaidh sé na cúiseanna atá leis sin.

Airteagal 53

An comhar idir na hoibreoírí córais dáileacháin agus tarchurtha

1. Déanfaidh na hoibreoírí córais dáileacháin agus na **hoibreoírí córas tarchurtha** comhar **le chéile** [] i dtaca le pleanáil agus oibriú a gcuid gréasán. Go háirithe, déanfaidh na hoibreoírí córais dáileacháin agus tarchurtha malartú le chéile ar gach eolas agus sonra riachtanach a bhaineann le feidhmíocht na sócmhainní giniúna agus na freagartha ar éileamh, agus le hoibriú laethúil a gcuid gréasán agus pleanáil fhadtéarmach na n-infheistíochtaí sa ghréasán, d'fhonn a áirithiú go ndéanfar a ngréasáin a fhorbairt agus a oibriú ar bhealach costéifeachtach, slán agus iontaofa.
2. Déanfaidh na hoibreoírí córais dáileacháin agus tarchurtha comhar **le chéile** chun rochtain chomhordaithe a bhaint amach ar acmhainní amhail giniúint dháilte, stóráil fuinnimh nó freagairt ar éileamh a bheidh ina dtaca ag riachtanais áirithe de chuid an chórais dáileacháin agus an chórais tarchurtha araon.

Caibidil VII

Cóid ghréasáin agus treoirlínte

Airteagal 54

Cóid ghréasáin agus treoirlínte a ghlacadh

1. Féadfaidh an Coimisiún, i gcomhréir leis na cumhachtuithe atá in Airteagal 55 agus in Airteagal 57, gníomhartha [] **cur chun feidhme** a ghlacadh. Féadfar gníomhartha **cur chun feidhme** [] den sórt sin a ghlacadh mar chóid ghréasáin ar bhonn na moltaí faoin téacs arna bhforbairt ag ENTSO don Leictreachas, nó, i gcás ina gcinnfidh an t-eintiteas AE do DSOanna, **i gcás inarb iomchuí i gcomhar frithpháirteach le ENTSO don Leictreachas**, agus an Ghníomhaireacht a leithéid sa liosta tosaíochta de bhun Airteagal 55 mír 2, nó ina gcinnfidh an Ghníomhaireacht sin de bhun an nós imeachta atá in Airteagal 55 nó mar threoirlínte de bhun an nós imeachta atá in Airteagal 57.

2. Beidh an méid seo a leanas fíor faoi na cóid ghréasáin agus na treoirlínte
[]
(ff) áiritheofar iontu an leibhéal íosta comhchuibhithe is gá chun aidhm an Rialacháin seo a bhaint amach;
(gg) cuirfear san áireamh, más iomchuí, sonraíochtaí réigiúnacha;

- (hh) ní rachfar thar a bhfuil riachtanach chun na críche sin; agus
- (ii) beidh siad gan dochar do cheart na mBallstát cóid ghréasáin náisiúnta a bhunú nach ndéanann difear don trádáil [] **traslimistéir**.

Airteagal 55

Cóid ghréasáin a bhunú

1. Tabharfar de chumhacht don Choimisiún [] **gníomhartha cur chun feidhme** a ghlacadh i gcomhréir le hAirteagal [] **62(2) chun coinníollacha aonfhoirmeacha a áirithiú maidir le forálacha an Rialacháin seo a chur chun feidhme trí [] chóid ghréasáin a bhunú [] sna réimsí seo a leanas:**
- (jj) rialacha maidir le slándáil agus iontaofacht an ghréasáin, lena n-áirítear rialacha i dtaca le hacmhainn chúltaca tarchurtha theicniúil do shlándáil oibríochtúil an ghréasáin **lena n-áirítear staideanna córais, gníomhaíochtaí ceartaitheacha agus teorainneacha slándála oibríochtúla, rialú voltais agus bainistiú cumhachta freasaithí, bainistiú srutha ghearrchiorcaid, bainistiú ar shreafaí cumhachta, anailís teagmhais agus láimhseáil teagmhais, trealamh cosanta agus scéimeanna cosanta, malartú sonraí, comhlíonadh, oiliúint, pleanáil oibríochtúil agus anailís slándála, comhordú réigiúnach slándála oibríochtúla, comhordú ar éaradh, pleananna infhaighteachta na sócmhainní ábhartha, anailís ar leordhóthanacht, seirbhísí coimhdeacha, sceidealú, agus timpeallachtaí sonraí a bhaineann le pleanáil oibríochtúil;**
- (kk) rialacha maidir le nascadh leis an ngréasán **lena n-áirítear nascadh saoráidí éilimh atá tarchur-nasctha, saoráidí dáileacháin agus córais dáileacháin atá tarchur-nasctha, nascadh aonad éilimh a mbaintear úsáid astu chun freagairt don éileamh a sholáthar, ceanglais maidir le gineadóirí a nascadh le heangacha, ceanglais maidir le sruth díreach ardvoltais a nascadh le heangacha, ceanglais maidir le modúil páirce cumhachta arna cheangal le sruth díreach agus cian-stáisiúin tiontaire srutha dhíreach ardvoltais, agus nósanna imeachta oibríochtúla maidir le nascadh le heangacha;**

- (ll) rialacha maidir le rochtain ag tríú páirtithe;
- (mm) rialacha maidir le malartú sonraí agus maidir le socrú sonraí;
- (nn) rialacha idir-inoibritheachta;
- (oo) nósanna imeachta oibríochtúla i gcás éigeandála **lena n-áirítear na pleananna cosanta córais, na pleananna don athbhunú, idirghníomhaíochtaí an mhargaidh, malartú faisnéise agus cumarsáid agus uirlisí agus saoráidí;**
- (pp) rialacha maidir le leithdháileadh acmhainne agus maidir le bainistiú ar phlódú [] **lena n-áirítear modheolaíochtaí agus próisis lá roimh ré, modheolaíochtaí agus próisis ionlae agus modheolaíochtaí agus próisis don ríomh todhchaí acmhainne, samhlacha eangaí, cumraíocht na gcriosanna tairisceana, athsheoladh agus fritrádáil, algartaim trádála, cúpláil amháin lá roimh ré agus cúpláil amháin ionlae, daingne acmhainne traslimistéir leithdháilte, dáileadh ioncam ó phlódú, fálú riosca tarchurtha traslimistéir, nósanna imeachta ainmniúcháin, agus leithdháileadh acmhainne agus gnóthú na gcostas atá ar acmhainn a leithdháileadh agus ar an bplódú a bhainistiú;**
- (qq) rialacha trádála a bhaineann le soláthar teicniúil agus oibríochtúil seirbhísí rochtana ar an ngréasán agus le comhardú an chórais **lena n-áirítear feidhmeanna agus freagrachtaí, na hardáin chun fuinneamh don chothromú a mhalartú, amanna dúnta an gheata, ceanglais maidir le táirgí caighdeánacha agus sonracha, soláthar na seirbhísí don chothromú, acmhainn traslimistéir a leithdháileadh do mhalartú na seirbhísí don chothromú nó do chomhroinnt na gcúltacaí, fuinneamh don chothromú a shocrú, malartuithe fuinnimh idir na hoibreoirí córais a shocrú, réiteach míchothromaíochtaí agus acmhainn don chothromú a shocrú;**
- (rr) rialacha trédhearcachta;
- (ss) rialacha comhardaithe lena n-áirítear rialacha maidir le cumhacht chúltaca a bhaineann leis an ngréasán **rialú lódmhinicíochta, na paraiméadair lena sainítear cáilíocht na minicíochta agus spriocpharaiméadair cháilíocht na minicíochta, cúltacaí coinneála minicíochta, cúltacaí athsholáthair minicíochta, cúltacaí athchuir, malartú agus comhroinnt na gcúltacaí, próisis gníomhachtaithe trasteorann na gcúltacaí, próisis rialú-ama agus trédhearcacht na faisnéise ina measc;**

- (tt) rialacha maidir le struchtúir chomhchuibhithe do [] tharairí tarchurtha [**dá dtagraítear in Airteagal 16**] [] lena n-áirítear comharthaí suímh agus rialacha maidir le cúiteamh idir oibreoirí córas tarchurtha; éifeachtúlacht an fhuinnimh i dtaca le gréasáin leictreachais;
- (m) rialacha maidir le foráil neamh-idirdhealaitheach thrédhearcach a dhéanamh do sheirbhísí coimhdeacha neamh-mhinicíochta, lena n-áirítear rialú voltais foistine, táimhe, instealltaí srutha frithghníomhacha tapa, **táimhe do chobhsaíocht na n-eangaí, srutha gearrchiorcaid**, agus acmhainn athshlánaithe i ndiaidh múchta **agus acmhainn oibríochta aonraithe** ;

[]

- (o) **rialacha earnáilshonracha maidir leis an** gcibearshlándaíl [] **gnéithe de shreafaí leictreachais trasteorann, maidir le híoscheanglais choiteanna, pleanáil, faireachán, tuairisciú agus bainistiú géarchéime;**

[]

2. Tar éis dó dul i gcomhairle leis an nGníomhaireacht, le ENTSO don Leictreachas, leis **an eintiteas AE do DSOanna** agus leis na geallsealbhóirí ábhartha eile, bunóidh an Coimisiún liosta tosaíochta gach trí bliana, lena sainithneofar na réimsí a leagtar amach i mír 1 mar réimsí a bheidh le cur san áireamh i bhforbairt na gcód gréasáin. I gcás ina mbíonn baint dhíreach ag ábhar an chóid gréasáin le hoibriú an chórais dáileacháin agus **nach mbíonn príomh-bhaint** [] aige leis an tarchuir, féadfaidh an Coimisiún a iarraidh ar an eintiteas AE do DSOanna, [] **i gcomhar le** [] ENTSO don Leictreachas, coiste dréachta a thionól agus moladh maidir le cód gréasáin a chur faoi bhráid na gníomhaireachta.

3. Iarrfaidh an Coimisiún ar an nGníomhaireacht creat-treoirlíne neamhcheangailteach (creat-treoirlíne) a chur faoina bhráid laistigh de thréimhse réasúnach nach faide ná sé mhí, ar treoirlíne í lena leagfar amach prionsabail a bheidh oibiachtúil agus soiléir maidir le forbairt cód gréasáin a bhaineann leis na réimsí arna sainaithint sa liosta tosaíochta. Féadfar dálaí a chuimsiú in iarraidh sin an Choimisiúin a dtabharfar aghaidh orthu sa chreat-treoirlíne. Rannchuideoidh gach creat-treoirlíne le comhtháthú an mhargaidh, le neamh-idirdhealú, le hiomaíocht éifeachtach agus le feidhmiú éifeachtúil an mhargaidh a chur chun cinn. Ar iarraidh réasúnaithe ón nGníomhaireacht, féadfaidh an Coimisiún an tréimhse sin a fhadú.
4. Rachaidh an Gníomhaireacht i gcomhairle go foirmiúil le ENTSO don Leictreachas, leis an eintiteas AE do DSOanna, agus leis na geallsealbhóirí ábhartha eile maidir leis an gcreat-treoirlíne, le linn tréimhse nach giorra ná dhá mhí, ar bhealach oscailte agus trédhearcach.
5. Déanfaidh an Gníomhaireacht dréacht de chreat-treoirlíne neamhcheangailteach a chur faoi bhráid an Choimisiúin i gcás ina n-iarrfar sin uirthi faoi mhír 3. Déanfaidh an Gníomhaireacht athbhreithniú ar an gcreat-treoirlíne neamhcheangailteach agus cuirfidh sí faoi bhráid an Choimisiúin í athuair i gcás ina n-iarrfar sin uirthi faoi mhír 6.
6. Má mheasann an Coimisiún nach rannchuidíonn an chreat-treoirlíne le comhtháthú an mhargaidh, le neamh-idirdhealú, le hiomaíocht éifeachtach ná le feidhmiú éifeachtúil an mhargaidh, féadfaidh sé a iarraidh ar an nGníomhaireacht athbhreithniú a dhéanamh ar an gcreat-treoirlíne laistigh de thréimhse réasúnach agus í a chur faoi bhráid an Choimisiúin athuair.
7. Má mhainníonn an Gníomhaireacht creat-treoirlíne a chur faoi bhráid an Choimisiúin nó í a chur faoina bhráid athuair laistigh den tréimhse arna socrú ag an gCoimisiún faoi mhír 3 nó 6, tarraingeoidh an Coimisiún suas an chreat-treoirlíne neamhcheangailteach i dtrácht.
8. Iarrfaidh an Coimisiún ar ENTSO don Leictreachas nó, i gcás ina gcinnfear sin sa liosta tosaíochta de bhun mhír 2, ar an eintiteas AE do DSOanna don Leictreachas, [] **i gcomhar le ENTSO don Leictreachas**, togra maidir le cód gréasáin atá i gcomhréir leis an gcreat-treoirlíne ábhartha a chur faoi bhráid na Gníomhaireachta laistigh de thréimhse réasúnach nach faide ná 12 mhí.

9. Tionólfaidh ENTSO don Leictreachas, nó, i gcás ina gcinnfear sin sa liosta tosaíochta de bhun mhír 2, an t-eintiteas AE do DSOanna, coiste dréachta a chuideoidh leis le nós imeachta forbartha na gcód gréasáin. Ar an gcoiste dréachta sin, beidh ionadaithe ó ENTSO don Leictreachas, ón nGníomhaireacht, **i gcás inarb iomchuí**, ón eintiteas AE do DSOanna, agus más iomchuí oibreoirí ainmnithe sa mhargadh leictreachais mar aon le líon teoranta de na geallsealbhóirí sin is mó lena mbaineann. Déanfaidh ENTSO don Leictreachas nó, i gcás ina gcinnfear sin sa liosta tosaíochta de bhun mhír 2, an t-eintiteas AE do DSOanna, **i gcomhar le ENTSO don Leictreachas** moltaí a tharraingt suas maidir le cóid ghréasáin sna réimsí dá dtagraítear i mír 1 arna iarraidh sin ag an gCoimisiún, i gcomhréir le mír 8.
10. Déanfaidh an Ghníomhaireacht athbhreithniú ar an gcód gréasáin agus áiritheoidh sí go bhfuil an cód gréasáin i gcomhréir leis an gcreat-treoirlíne ábhartha agus ina rannchuidiú le comhtháthú an mhargaidh, le neamh-idirdhealú, le hiomaíocht éifeachtach agus le feidhmiú éifeachtúil an mhargaidh, agus tíolacfaidh sí leagan athbhreithnithe den chód gréasáin don Choimisiún laistigh de shé mhí ón lá a bhfaighfear an togra. Sa togra a chuirfidh sí faoi bhráid an Choimisiúin, cuirfidh an Ghníomhaireacht san áireamh na tuairimí a fuarthas ó gach páirtí agus an togra á dhréachtú faoi stiúir ENTSO don Leictreachas nó an eintitis AE do DSOanna, agus rachaidh sí i gcomhairle go foirmiúil leis na geallsealbhóirí ábhartha maidir leis an leagan a chuirfear faoi bhráid an Choimisiúin.
11. I gcás ENTSO don Leictreachas nó an t-eintiteas AE do DSOanna a bheith tar éis mainneachtain cód gréasáin a fhorbairt laistigh den tréimhse ama a bheidh socraithe ag an gCoimisiún faoi mhír 8, féadfaidh an Coimisiún a iarraidh ar an nGníomhaireacht dréachtchód gréasáin a ullmhú ar bhonn na creat-treoirlíne ábhartha. Féadfaidh an Ghníomhaireacht dul i mbun tuilleadh comhairliúcháin le linn dréachtchód gréasáin a ullmhú faoin mír seo. Déanfaidh an Ghníomhaireacht dréachtchód gréasáin, arna ullmhú faoin mír seo, a chur faoi bhráid an Choimisiúin agus féadfaidh sí a mholadh go nglacfar é.

12. Féadfaidh an Coimisiún, ar a thionscnamh féin, i gcás ENTSO don Leictreachas nó an t-eintiteas AE do DSOanna a bheith tar éis mainneachtain cód gréasáin a fhorbairt, nó i gcás an Gníomhaireacht a bheith tar éis mainneachtain dréachtchód gréasáin a fhorbairt dá dtagraítear i mír 11 den Airteagal seo, nó ar mholadh ón nGníomhaireacht faoi mhír 10 den Airteagal seo, féadfaidh an Coimisiún cód gréasáin amháin nó níos mó a ghlacadh sna réimsí a liostaítear i mír 1.
13. I gcás ina mbeartóidh an Coimisiún cód gréasáin a ghlacadh ar a thionscnamh féin, rachaidh an Coimisiún i gcomhairle leis an nGníomhaireacht, le ENTSO don Leictreachas agus leis na geallsealbhóirí ábhartha uile maidir leis an dréachtchód gréasáin le linn tréimhse nach giorra ná dhá mhí.
14. Beidh an tAirteagal seo gan dochar do cheart an Choimisiúin na treoirlínte a ghlacadh agus a leasú mar atá leagtha síos in Airteagal 57. Beidh sé gan dochar don fhéidearthacht atá ag ENTSO don Leictreachas treoraíocht neamhcheangailteach a fhorbairt sna réimsí a leagtar amach i mír 1 ar choinníoll nach mbaineann sin le réimsí a chumhdaítear le hiarraidh a chuirfear chuige ón gCoimisiún. Cuirfear an treoraíocht sin faoi bhráid na Gníomhaireachta le go dtabharfaidh sí tuairim ina leith. Tabharfaidh ENTSO don Leictreachas aird chuí ar an tuairim sin.

Airteagal 56

Leasuithe ar chóid ghréasáin

1. Tabharfar de chumhacht don Choimisiún, **go dtí an 31 Nollaig 2025 [] gníomhartha tarmligthe** a ghlacadh i gcomhréir le hAirteagal [] **62(2)** i dtaca le leasú na gcód gréasáin **laistigh de na réimsí a liostaítear in Airteagal 55(1) agus de réir an nós imeachta atá in Airteagal 55. []**

2. Féadfaidh daoine ar dóigh dóibh leas a bheith acu sa chód gréasáin, lena n-áirítear ENTSO don Leictreachas, an t-eintiteas AE do DSOanna, **údaráis rialála**, oibreoirí córais dáileacháin agus tarchurtha, úsáideoirí córas agus tomhaltóirí, dréachtleasuithe ar aon chód gréasáin a ghlactar faoi Airteagal 55 a mholadh don Ghníomhaireacht. Ar a tionscnamh féin, féadfaidh an Ghníomhaireacht leasuithe a mholadh freisin [] .
3. Féadfaidh an Ghníomhaireacht tograí réasúnaithe le haghaidh leasuithe a chur chuig an gCoimisiún [] , á mhíniú conas atá na tograí sin i gcomhréir le cuspóirí na gcód gréasáin a leagtar amach in Airteagal 55(2). I gcás inar dóigh léi go bhfuil moladh maidir le leasú inghlactha, agus i gcás leasuithe dá tionscnamh féin, rachaidh an Ghníomhaireacht i gcomhairle leis na geallsealbhóirí go léir i gcomhréir le hAirteagal 15 de [athmhúnlú ar Rialachán (CE) Uimh. 713/2009 arna mholadh ag COM(2016) 863/2].
4. **Go dtí 31 Nollaig 2025**, tabharfar de chumhacht don Choimisiún, agus tograí na Gníomhaireachta á gcur san áireamh, leasuithe a ghlacadh ar aon chód gréasáin arna ghlacadh faoi Airteagal 55 mar **ghníomhartha cur chun feidhme** [] i gcomhréir le [] hAirteagal [] **62(2)**.

[]

Airteagal 57

Treoirlínte

1. **Go dtí 31 Nollaig 2025**, féadfaidh an Coimisiún treoirlínte ceangailteacha a ghlacadh sna réimsí atá liostaithe thíos. **Déanfar na treoirlínte sin a ghlacadh mar ghníomhartha cur chun feidhme i gcomhréir leis an nós imeachta scrúdúcháin dá dtagraítear in Airteagal 62(2)**.
2. **Go dtí 31 Nollaig [2025]**, féadfaidh an Coimisiún [] **ghníomhartha cur chun feidhme** a ghlacadh mar Threoirlíne sna réimsí sin ina bhféadfaí gníomhartha dá leithéidí a fhorbairt freisin de réir nós imeachta na gcód gréasáin de bhun Airteagal 55(1).

3. Féadfar Treoirlínte a ghlacadh i dtaca leis an sásra um chúiteamh idir oibreoirí córas tarchurtha. Sonrófar, i gcomhréir leis na prionsabail a leagtar amach in Airteagail 46 agus 16:
- (uu) mionsonraí an nós imeachta lena gcinntear cé acu d'oibreoirí na gcóras tarchurtha a dhlífidh cúiteamh a íoc as sreafaí trasteorann, lena n-áirítear an deighilt idir oibreoirí na gcóras náisiúnta tarchurtha ina dtionscnaíonn sreafaí trasteorann agus oibreoirí na gcóras náisiúnta tarchurtha ina gcríochnaíonn na sreafaí sin, i gcomhréir le hAirteagal 46(2);
 - (vv) mionsonraí an nós imeachta íocaíochta a bheidh le leanúint, lena n-áirítear an chéad tréimhse a n-íocfar cúiteamh ina leith a chinneadh, i gcomhréir leis an dara fomhír d'Airteagal 46(3);
 - (ww) mionsonraí na modheolaíochtaí lena gcinnfear na sreafaí trasteorann a óstáiltear agus a n-íocfar cúiteamh ina leith faoi Airteagal 46, ó thaobh chainníocht agus chineál na sreabh, agus lena gcinnfear ainmniú méideanna na sreabh sin mar shreafaí a thionscnaíonn agus/nó a chríochnaíonn i gcórais tarchurtha Ballstát aonair, i gcomhréir le hAirteagal 46(5);
 - (xx) mionsonraí na modheolaíochta lena gcinnfear na costais agus na sochair a thabhaítear mar thoradh ar shreafaí trasteorann a óstáil, i gcomhréir le hAirteagal 46(6);
 - (yy) mionsonraí na cóireála ar shreafaí leictreachais a thionscnaíonn nó a chríochnaíonn i dtíortha lasmuigh den Limistéar Eorpach Eacnamaíoch, agus é sin i gcomhthéacs an tsásra um chúiteamh idir oibreoirí córas tarchurtha; agus
 - (zz) rannpháirtíocht na gcóras náisiúnta atá idirnasctha trí línte srutha dhíreacha, i gcomhréir le hAirteagal 46.

4. Féadfar, leis na treoirlínte, rialacha iomchuí a chinneadh freisin ar dá réir a shocraítear muirir a ghearrtar ar tháirgeoirí, stóráil fuinnimh agus custaiméirí (lód) faoi chórais taraifí náisiúnta [] tarchurtha [], lena n-áirítear an sásra um chúiteamh idir oibreoirí córais tarchurtha a chur san áireamh sna muirir gréasáin náisiúnta agus comharthaí suímh éifeachtúla agus ábhartha a sholáthar, i gcomhréir leis na prionsabail a leagtar amach in Airteagal 16.

Leis na treoirlínte, féadfar foráil a dhéanamh maidir le comharthaí suímh comhchuibhithe iomchuí agus éifeachtúla ar leibhéal an Aontais.

Ní chuirfidh aon chomhchuibhiú den sórt sin cosc ar na Ballstáit sásraí a chur i bhfeidhm lena n-áiritheofar go mbeidh na muirir a íocann custaiméirí (lód) inchomparáide ar fud a gcríche.

5. I gcás inarb iomchuí, féadfar an méid seo a leanas a shonrú freisin sna treoirlínte lena soláthraítear an leibhéal íosta comhchuibhithe is gá chun aidhm an Rialacháin seo a bhaint amach:
- (a) mionsonraí i dtaca leis na rialacha maidir le trádáil leictreachais;(b) mionsonraí i dtaca leis na rialacha maidir le dreasacht infheistíochta d'acmhainn idirnascairí, lena n-áirítear comharthaí suímh;
6. Féadfaidh an Coimisiún treoirlínte a ghlacadh maidir leis an gcomhordú oibríochtúil a chur chun feidhme idir na hoibreoirí córais tarchurtha ar leibhéal an Aontais. Beidh na treoirlínte sin comhsheasmhach leis na cóid ghréasáin agus cuirfidh na treoirlínte sin leis na cóid ghréasáin dá dtagraítear in Airteagal 55 den Rialachán seo agus cuirfidh na treoirlínte sin leis na sonraíochtaí arna nglacadh dá dtagraítear in Airteagal 27(1)(g) den Rialachán seo. Le linn don Choimisiún na treoirlínte sin a ghlacadh, déanfaidh sé ceanglais oibríochtúla réigiúnacha agus náisiúnta éagsúla a chur san áireamh.

[Déanfar na treoirlínte sin a ghlacadh i gcomhréir leis an nós imeachta scrúdúcháin dá dtagraítear in Airteagal 62(2).]

7. Le linn treoirlínte a ghlacadh nó á leasú, déanfaidh an Coimisiún mar a leanas: rachaidh sé i gcomhairle leis an nGníomhaireacht, le ENTSO don Leictreachas, leis an **eintiteas AE do DSOanna** agus leis na geallsealbhóirí eile, más ábhartha.

Airteagal 58

Ceart na mBallstát foráil a dhéanamh maidir le bearta níos mionsonraithe

Beidh an Rialachán seo gan dochar do chearta na mBallstát bearta a choimeád ar bun nó a thabhairt isteach ar bearta iad ina bhfuil forálacha níos mionsonraithe ná na forálacha a leagtar amach sa Rialachán seo, sna treoirlínte dá dtagraítear in Airteagal 57 nó sna cóid ghréasáin dá dtagraítear in Airteagal 55, fad nach dtiocfaidh na bearta sin salach [] ar reachtaíocht an Aontais.

Airteagal 58a

Faoi 31 Nollaig 2023, déanfaidh an Coimisiún measúnú ar na gníomhartha cur chun feidhme atá ann cheana agus a bhfuil cóid ghréasáin agus treoirlínte iontu, d'fhonn meastóireacht a dhéanamh ar na heilimintí sin a d'fhéadfaí a chumhdach sna gníomhartha reachtacha sin de chuid an Aontais a bhaineann le margadh inmheánach an leictreachais agus ar an gcaoi a bhféadfaí na cumhachtuithe le haghaidh cóid ghréasáin agus treoirlínte de bhun Airteagal 55 agus 57 a athbhreithniú. Cuirfidh an Coimisiún tuarascáil mhionsonraithe maidir lena mheasúnú faoi bhráid Pharlaimint na hEorpa agus na Comhairle. I gcás inarb iomchuí, beidh tograí reachtacha in éineacht leis an tuarascáil sin, lena ndéantar obair leantach ar mheasúnú an Choimisiúin.

Caibidil VIII

Forálacha críochnaitheacha

Airteagal 59

Idirnascairí nua

1. Féadfar idirnascairí nua srutha dhírigh a dhíolmhú go ceann tréimhse teoranta, arna iarraidh sin, ó fhorálacha Airteagal 17(2) den Rialachán seo agus Airteagal 6, 43 59(6) agus 60(1) de [athmhúnlú ar Threoir 2009/72/CE arna mholadh ag COM(2016) 864/2] ar na coinníollacha seo a leanas:
 - (aaa) ní mór go bhfeabhsaíonn an infheistíocht an iomaíocht i soláthar an leictreachais;
 - (bbb) tá an leibhéal riosca a bhaineann leis an infheistíocht de chineál a fhágann nach ndéanfar an infheistíocht mura dtugtar díolúine;
 - (ccc) ní mór an t-idirnascaire a bheith faoi úinéireacht duine nádúrtha nó duine dhlítheanaigh nach ionann, ó thaobh a fhoirm dlí de ar a laghad, agus na hoibreoírí córais ar ina gcórais a thógfar an t-idirnascaire sin;
 - (ddd) gearrfar muirir ar úsáideoirí an idirnascaire sin;
 - (eee) ón tráth a tharla oscailt pháirteach an mhargaidh dá dtagraítear in Airteagal 19 de Threoir 96/92/CE ó Pharlaimint na hEorpa agus ón gComhairle¹⁸, ní dhearnadh aon chuid de chostais chaipitiúla ná de chostais oibriúcháin an idirnascaire a ghnóthú ó aon chuid de na muirir a gearradh as úsáid na gcóras tarchurtha nó dáileacháin a nasctar le chéile leis an idirnascaire; agus

¹⁸ Treoir 96/92/CE ó Pharlaimint na hEorpa agus ón gComhairle an 19 Nollaig 1996 maidir le rialacha comhchoiteanna don mhargadh inmheánach sa leictreachas (IO L 27, 30.1.1997, lch. 20).

- (fff) ní chun aimhleas na hiomaíochta ná chun aimhleas fheidhmiú éifeachtach an mhargaidh inmheánaigh sa leictreachas atá an díolúine, ná chun aimhleas fheidhmiú éifeachtúil an chórais atá á rialáil agus a bhfuil an t-idirnascaire nasctha leis.
2. Beidh feidhm freisin ag mír 1, i gcásanna eisceachtúla, maidir le hidirnascairí srutha ailtéarnaigh ar choinníoll go mbeidh na costais agus na rioscaí a ghabhann leis an infheistíocht sách ard i gcomparáid leis na costais agus na rioscaí a thabhaítear de ghnáth nuair a dhéantar dhá chóras tarchurtha náisiúnta chomharsanacha a nascadh.
 3. Beidh feidhm freisin ag mír 1 maidir le méaduithe suntasacha acmhainne in idirnascairí atá ann cheana féin.
 4. Glacfaidh údaráis rialála na mBallstát lena mbaineann an cinneadh maidir leis an díolúine dá dtagraítear faoi mhír 1, faoi mhír 2 agus faoi mhír 3, ar bhonn cás ar chás. Féadfar acmhainn iomlán nó cuid d'acmhainn an idirnascaire nua, nó acmhainn iomlán nó cuid d'acmhainn an idirnascaire atá ann cheana féin ach a bhfuil méadú suntasach curtha ar a acmhainn, a chumhdach le díolúine.

Laistigh de dhá mhí ón dáta a mbeidh an iarraidh ar dhíolúine faighte ag an údarás deireanach de na húdaráis rialála lena mbaineann, féadfaidh an Ghníomhaireacht tuairim chomhairleach a chur faoi bhráid na n-údaráis rialála sin, ar tuairim í a d'fhéadfadh a bheith mar bhunús dá gcinneadh.

Agus cinneadh á dhéanamh i dtaobh díolúine a dheonú, breithneofar, ar bhonn cás ar chás, an gá atá le coinníollacha a fhorchur maidir le ré na díolúine agus maidir le rochtain neamh-idirdhealaitheach ar an idirnascaire. Agus cinneadh á dhéanamh i dtaobh na gcoinníollacha sin, cuirfear san áireamh, go háirithe, an acmhainn bhreise a bheidh le forbairt nó an modhnú a bheidh le déanamh ar an acmhainn atá ann cheana, creat ama an tionscadail agus na dálaí náisiúnta.

Sula ndeonóidh siad díolúine, déanfaidh údaráis rialála na mBallstát lena mbaineann cinneadh faoi na rialacha agus faoi na sásraí a bheidh ann leis an acmhainn a bhainistiú agus a leithdháileadh. Áireofar leis na rialacha um bainistiú ar phlódú go mbeidh oibleagáid ann maidir le haon acmhainn neamhúsáidte a thairiscint ar an margadh agus go mbeidh úsáideoirí i dteideal a n-acmhainní conarthacha a thrádáil ar an margadh tánaisteach. Agus measúnú á dhéanamh ar na critéir dá dtagraítear i bpointe (a), i bpointe (b) agus i bpointe (f) de mhír 1, cuirfear san áireamh torthaí an nós imeachta um leithdháileadh acmhainne.

I gcás ina dtagann na húdaráis rialála go léir lena mbaineann ar chomhaontú, laistigh de shé mhí, faoin gcinneadh i dtaobh na díolúine, cuirfidh siad an cinneadh sin in iúl don Ghníomhaireacht.

Maidir leis an gcinneadh i dtaobh na díolúine, lena n-áirítear aon choinníollacha dá dtagraítear sa dara fomhír den mhír seo, beidh sé cuí-réasúnaithe agus foilseofar é.

5. Glacfaidh an Ghníomhaireacht an cinneadh dá dtagraítear i mír 4:

(ggg) i gcás nach mbeidh na húdaráis rialála go léir lena mbaineann in ann teacht ar chomhaontú laistigh de shé mhí ón dáta ar iarradh an díolúine os comhair an údaráis dheireanaigh de na húdaráis rialála sin; nó

(hhh) arna iarraidh sin go comhpháirteach do na húdaráis rialála lena mbaineann.

Sula ndéanfaidh an Ghníomhaireacht cinneadh den sórt sin, rachaidh sí i gcomhairle leis na húdaráis rialála lena mbaineann agus leis na hiarratasóirí.

6. D'ainneoin mhír 4 agus mhír 5, féadfaidh na Ballstáit a fhoráil go gcuirfidh an t-údarás rialála nó go gcuirfidh an Ghníomhaireacht, de réir mar a bheidh, a thuairim nó a tuairim maidir leis an iarraidh ar dhíolúine faoi bhráid an chomhlachta ábhartha sa Bhallstát, le cinneadh foirmiúil a fháil ina taobh. Foilseofar an tuairim sin in éineacht leis an gcinneadh.

7. Déanfaidh na húdaráis rialála cóip de gach iarraidh ar dhíolúine a tharchur gan mhoill mar eolas chuig an nGníomhaireacht agus chuig an gCoimisiún ar an iarraidh sin a fháil dóibh. Déanfaidh na húdaráis rialála lena mbaineann, nó an Ghníomhaireacht (na comhlachtaí a thugann fógra), fógra faoin gcinneadh a thabhairt don Choimisiún gan mhoill, mar aon leis an bhfaisnéis ábhartha uile a bhaineann leis an gcinneadh. Féadfar an fhaisnéis sin a chur faoi bhráid an Choimisiúin i bhfoirm chomhiomlán, le go bhféadfaidh an Coimisiún teacht ar chinneadh a mbeidh bonn maith faoi. Beidh an méid seo a leanas, go háirithe, san fhaisnéis sin:
- (iii) na cúiseanna mionsonraithe ar ar a mbonn a deonaíodh nó a diúltaíodh an díolúine, lena n-áirítear an fhaisnéis airgeadais lena gcosnaítear an gá atá leis an díolúine;
 - (jjj) an anailís a rinneadh ar an éifeacht a bheidh ar an iomaíocht agus ar fheidhmiú éifeachtach an mhargaidh inmheánaigh sa leictreachas, mar thoradh ar dheonú na díolúine;
 - (kkk) na cúiseanna atá leis an tréimhse ama agus an sciar d'acmhainn iomlán an idirnascaire i dtrácht agus a bhfuil an díolúine á deonú ina leith; agus
 - (III) toradh an chomhairliúcháin a rinneadh leis na húdaráis rialála lena mbaineann.
8. Laistigh de thréimhse 50 lá oibre ón lá tar éis an dáta a bhfaighfear an fógra faoi mhír 7, féadfaidh an Coimisiún cinneadh a dhéanamh lena n-iarrfar ar na comhlachtaí a thugann fógra leasú a dhéanamh ar an gcinneadh chun díolúine a dheonú, nó an cinneadh sin a tharraingt siar. Féadfar an tréimhse 50 lá oibre sin a fhadú go ceann tréimhse bhreise 50 lá oibre i gcás ina mbeidh faisnéis bhreise á lorg ag an gCoimisiún. Tosóidh an tréimhse bhreise sin ar an lá tar éis an dáta a bhfaighfear an fhaisnéis iomlán. Féadfar an tréimhse tosaigh a fhadú freisin le toiliú an Choimisiúin agus na gcomhlachtaí a thugann fógra araon.

Más rud é nach soláthrófar an fhaisnéis a iarradh laistigh den tréimhse a leagtar síos san iarraidh, measfar go bhfuil an fógra tarraingthe siar mura rud é, roimh dheireadh na tréimhse sin, go bhfadaítear an tréimhse le toiliú an Choimisiúin agus na gcomhlachtaí a thugann fógra araon nó go gcuireann na comhlachtaí a thugann fógra in iúl don Choimisiún, i ráiteas cuí-réasúnaithe, go measann siad go bhfuil an fógra iomlán.

Comhlíonfaidh na comhlachtaí a thugann fógra cinneadh ón gCoimisiún chun an cinneadh i dtaobh díolúine a leasú nó a tharraingt siar laistigh de mhí amháin agus cuirfidh siad an Coimisiún ar an eolas dá réir sin.

Caomhnóidh an Coimisiún rúndacht aon fhaisnéise tráchtála íogaire.

Rachaidh formheas an Choimisiúin maidir le cinneadh i dtaobh díolúine in éag dhá bhliain tar éis an dáta ar glacadh é, i gcás nach mbeidh an obair thógála ar an idirnascaire tosaithe faoin dáta sin agus cúig bliana tar éis an dáta ar glacadh é mura mbeidh an t-idirnascaire ag feidhmiú faoin dáta sin, mura rud é go gcinneann an Coimisiún, ar bhonn iarraidh chúí-réasúnaithe de chuid na gcomhlachtaí a thugann fógra, gurb ann d'aon mhoill mar gheall ar chonstaicí nach raibh aon neart ag an duine ar deonaíodh an díolúine dó orthu.

9. I gcás ina gcinneann údaráis rialála an Bhallstáit lena mbaineann cinneadh a mhodhnú de bhun mhír 1, tabharfaidh siad fógra faoin gcinneadh sin don Choimisiún gan mhoill, mar aon leis an bhfaisnéis ábhartha uile a bhaineann leis an gcinneadh. Beidh feidhm ag míreanna 1 go 8 i dtaca leis na gcinneadh faoinar tugadh fógra, agus sainghnéithe na díolúine reatha á gcur san áireamh.

10. Féadfaidh an Coimisiún, arna iarraidh sin air nó ar a thionscnamh féin, na himeachtaí a atosú:
- (a) i gcás, agus aird chuí á tabhairt ar ionchais dhlísteanacha na bpáirtithe agus ar an gcothroime eacnamaíoch a baineadh amach sa chéad chinneadh díolúine, inar tharla athrú ábharach do cheann ar bith de na fírící ar ar bunaíodh an cinneadh;
 - (b) i gcás ina ngníomhaíonn na gnóthais lena mbaineann ar bhealach a thagann salach ar a gcuid gealltanais; nó
 - (c) i gcás ina raibh an cinneadh bunaithe ar eolas a chuir na páirtithe ar fáil a bhí neamhiomlán, mícheart nó míthreorach.
11. Tugtar de chumhacht don Choimisiún gníomhartha tarmligthe a ghlacadh i gcomhréir le hAirteagal 63 maidir le glacadh treoirlínte chun na coinníollacha a leagtar síos i mír 1 den Airteagal seo a chur i bhfeidhm agus chun an nós imeachta a leagan amach a bheidh le leanúint chun míreanna 4, 7, 8, 9 agus 10 den Airteagal seo a chur chun feidhme.

Airteagal 59a

Maoluithe

- 1. Féadfaidh na Ballstáit cur isteach ar mhaoluithe ó na forálacha ábhartha d'Airteagail 3, 5, 6 (1), 7 (1) agus (4), 8 go 10, 13 go 15, 17 go 22, 23 (1), (2), (4) (5) agus (5a), 24, 32 go 44 agus 48 sna cásanna seo a leanas:**
- (a) féadfaidh an Ballstát a léiriú go bhfuil fadhbanna nach beag ann i dtaobh oibriú a gcóras leithlisithe beag agus nasctha. Sa chás sin, beidh teorainn ama leis an maolú sin agus beidh sé faoi réir coinníollacha arb aidhm dóibh iomaíochas agus comhtháthú leis an margadh inmheánach a mhéadú.**
 - (b) i gcás na réigiún is forimeallaí de réir bhrí Airteagal 349 CFAE, nach féidir a idirnascadh leis an margadh fuinnimh Eorpach ar chúiseanna follasacha fisiciúla. Sa chás sin, ní bheidh teorainn ama leis an maolú.**

Sa dá chás, beidh an maolú faoi réir na gcoinníollacha arb aidhm dóibh a áirithiú nach gcuirfidh an maolú isteach ar an aistriú chuig fuinneamh in-athnuaite.

Agus maolú á dheonú, léireoidh an Coimisiún a mhéid a chaithfidh na maoluithe cur i bhfeidhm na gcód gréasáin agus na dtreoirlínte a chur san áireamh.

I gcás ina ndeonaítear maolú, cuirfidh an Coimisiún na Ballstáit ar an eolas faoi na hiarratais sin sula ndéanfaidh sé cinneadh, agus rúndacht a urramú á chur i geuntas.

2. Ní bheidh feidhm ag Airteagail 3, 4, 5, 6 (1), (2)(c), (2)(h), 7 go 10, 12 go 15, 17 go 22, 23 (1), (2), (5) agus (5a), 23(4)(b), 24, 31(2), (3), 32 go 44, 46 agus 48 ar an gCipir go dtí go mbeidh a córas tarchurtha nasctha le córais tarchurtha Ballstát eile trí idirnaisc.

Mura bhfuil córas tarchurtha na Cipire nasctha le córais tarchurtha Ballstát eile trí idirnaisc faoin 1 Eanáir 2026, déanfaidh an Chipir a riachtanaí atá maolú ó na forálacha sin a mheas agus féadfaidh sí iarratas a chur faoi bhráid an Choimisiúin chun go leanfaí leis an maolú. Déanfaidh an Coimisiún measúnú cé acu an bhfuil baol ann go mbeidh cur chun feidhme na bhforálacha faoi seach ina gcúis le fadhbanna nach beag i dtaobh oibriú an chórais leictreachais sa Chipir nó an mbeidh leasanna le baint as a gcur chun feidhme i dtaca le feidhmiú an mhargaidh. Ar bhonn an mheasúnaithe sin, déanfaidh an Coimisiún cinneadh réasúnaithe a eisiúint maidir le síneadh iomlán nó páirteach a chur leis [] an maolú agus foilseofar in Iris Oifigiúil an Aontais Eorpaigh é.

3. Ní dhéanfaidh forálacha an Rialacháin difear do chur i bhfeidhm na maoluithe de bhun [an Treoir maidir le Leictreachas].

Airteagal 60

Faisnéis a sholáthar agus rúndacht

1. Déanfaidh na Ballstáit agus na húdaráis rialála an fhaisnéis go léir is gá chun críocha forálacha an Rialacháin seo a chur chun feidhme, a sholáthar don Choimisiún, arna iarraidh sin dó.

Socróidh an Coimisiún teorainn ama réasúnach chun faisnéis a sholáthar, agus castacht na faisnéise is gá agus an phráinn a ghabhann leis an ngá sin á gcur san áireamh.

2. Más rud é nach soláthraíonn an Ballstát nó an t-údarás rialála lena mbaineann an fhaisnéis sin laistigh den teorainn ama a shocraítear de bhun mhír 1, féadfaidh an Coimisiún an fhaisnéis uile is gá chun críche forálacha an Rialacháin seo a chur chun feidhme a iarraidh go díreach ar na gnóthais lena mbaineann.

Agus iarraidh ar fhaisnéis á seoladh aige chuig gnóthas, seolfaidh an Coimisiún cóip den iarraidh, an tráth céanna, chuig údarás rialála an Bhallstáit a bhfuil ceannoifig an ghnóthais suite ina chríoch.

3. Ina iarraidh ar fhaisnéis faoi mhír 1, luafaidh an Coimisiún bunús dlí na hiarrata sin, an teorainn ama ar laistigh di is gá an fhaisnéis a sholáthar, cuspóir na hiarrata, agus na pionóis dá bhforáiltear in Airteagal 61(2) i gcás ina ndéantar faisnéis a sholáthar atá mícheart, neamhiomlán nó míthreorach. Socróidh an Coimisiún teorainn ama réasúnach, agus castacht na faisnéise is gá agus an phráinn a ghabhann leis an ngá sin á gcur san áireamh.

4. Déanfaidh úinéirí na ngnóthas nó a n-ionadaithe agus, i gcás daoine dlítheanacha, na daoine a bhfuil údarú acu a bheith ina n-ionadaithe dóibh faoin dlí nó faoina n-ionstraim chorpraithe, an fhaisnéis a iarrtar a sholáthar. I gcás ina ndéanfaidh dlíodóirí atá údaraithe go cuí chun gníomhú amhlaidh an fhaisnéis a sholáthar thar ceann a gcliant, beidh freagracht iomlán fós ar an gcliant i gcás ina mbeidh an fhaisnéis a sholáthraítear neamhiomlán, mícheart nó míthreorach.
5. I gcás nach soláthraíonn gnóthas an fhaisnéis a iarrtar laistigh den teorainn ama a shocraíonn an Coimisiún nó i gcás ina soláthraíonn sé faisnéis neamhiomlán, féadfaidh an Coimisiún, le cinneadh, a cheangal go soláthrófar an fhaisnéis. Sonrófar, leis an gcinneadh, an fhaisnéis atá á iarraidh agus socrófar teorainn ama iomchuí ar féidir an fhaisnéis a sholáthar laistigh di. Sonrófar ann na pionóis dá bhforáiltear in Airteagal 61(2). Sonrófar ann freisin, an ceart chun an cinneadh a chur á athbhreithniú ag Cúirt Bhreithiúnais an Aontais Eorpaigh.

Déanfaidh an Coimisiún, an tráth céanna, cóip dá chinneadh a sheoladh chuig údaráis rialála an Bhallstáit a bhfuil cónaí ar an duine ina chríoch nó a bhfuil ceannoifig an ghnóthais suite ina chríoch.

6. Is chun críocha forálacha an Rialacháin seo a chur chun feidhme agus chun na geríoch sin amháin a úsáidfear an fhaisnéis dá dtagraítear i mír 1 agus i mír 2.

Ní nochtfaidh an Coimisiún aon fhaisnéis ar fhaisnéis í de chineál a chumhdaítear faoi oibleagáid na rúndachta gairmiúla a gheofar de bhun an Rialacháin seo.

Airteagal 61

Pionóis

1. Gan dochar do mhír 2, leagfaidh na Ballstáit síos rialacha maidir leis na pionóis a bheidh infheidhme i gcás sáruithe ar fhorálacha an Rialacháin seo, na gcód gréasáin arna nglacadh de bhun Airteagal 55, agus na dtreoirlínte arna nglacadh de bhun Airteagal 57 agus glacfaidh siad na bearta uile is gá chun a áirithiú go gcuirfear na forálacha sin chun feidhme. Ní mór na pionóis dá bhforáiltear a bheith éifeachtach, comhréireach agus athchomhairleach.
2. Féadfaidh an Coimisiún, le cinneadh, fineálacha nach mó ná 1 % de láimhdeachas iomlán na bliana gnó roimhe sin a fhorchur ar ghnóthais i gcás ina ndéanfaidh siad, d'aon ghnó nó go faillíoch, faisnéis mhícheart, neamhiomlán nó mhíthreorach a sholáthar mar fhreagairt ar iarraidh arna déanamh de bhun Airteagal 60(3) nó i gcás ina mainneoidh siad faisnéis a sholáthar laistigh den teorainn ama arna socrú le cinneadh arna ghlacadh de bhun na chéad fhomhíre d'Airteagal 60(5). Agus méid fineála á shocrú, tabharfaidh an Coimisiún aird ar a thromchúisí is a bhí neamhchomhlíonadh cheanglais na chéad fhomhíre.
3. Ní pionóis de chineál dlí choiriúil a bheidh sna pionóis dá bhforáiltear de bhun mhír 1 agus ní cinntí de chineál dlí choiriúil a bheidh sna cinntí a ghlacfar de bhun mhír 2.

Airteagal 62

An nós imeachta coiste

1. Tabharfaidh an coiste arna chur ar bun le hAirteagal 68 de [athmhúnlú ar Threoir 009/72/CE arna mholadh ag COM(2016) 864/2] cúnaimh don Choimisiún.

2. I gcás ina ndéanfar tagairt don mhír seo, beidh feidhm ag Airteagal 5 de Rialachán (AE) Uimh. 182/2011 ó Pharlaimint na hEorpa agus ón gComhairle¹⁹.

Airteagal 63

An tarmligean a fheidhmiú

1. Is faoi réir na gcoinníollacha a leagtar síos san Airteagal seo a thugtar de chumhacht don Choimisiún gníomhartha tarmligthe a ghlacadh.
2. Déanfar an chumhacht chun gníomhartha tarmligthe a ghlacadh dá dtagraítear in [] Airteagal 46(4), [] a thabhairt don Choimisiún go ceann tréimhse neamhchinntithe ama amhail ón [OP: *cuir isteach dáta a theachta i bhfeidhm*].
3. Féadfaidh Parlaimint na hEorpa nó an Chomhairle tarmligean na cumhachta dá dtagraítear in [] Airteagal 46(4), [] a chúlghairm aon tráth. Déanfaidh cinneadh chun cúlghairm a dhéanamh deireadh a chur le tarmligean na cumhachta atá sonraithe sa chinneadh sin. Gabhfaidh éifeacht leis an lá tar éis fhoilsiú an chinnidh in *Iris Oifigiúil an Aontais Eorpaigh* nó ar dháta is déanaí a shonrófar sa chinneadh. Ní dhéanfaidh sé difear do bhailíocht aon ghnímh [tarmligthe] atá i bhfeidhm cheana.
4. Roimh dó gníomh tarmligthe a ghlacadh, rachaidh an Coimisiún i mbun comhairliúchán le **coiste leictreachais trasteorann agus le saineolaithe** arna n-ainmniú ag gach Ballstát i gcomhréir leis na prionsabail a leagtar síos i gComhaontú Idirinstitiúideach an 13 Aibreán 2016 maidir le Reachtóireacht Níos Fearr.

¹⁹ Rialachán (AE) Uimh. 182/2011 ó Pharlaimint na hEorpa agus ón gComhairle an 16 Feabhra 2011 lena leagtar síos na rialacha agus na prionsabail ghinearálta a bhaineann leis na sásraí maidir le rialú ag na Ballstáit ar fheidhmiú cumhachtaí cur chun feidhme ag an gCoimisiún (IO L 55, 28.2.2011, lch. 13).

5. A luaithe a ghlacfaidh sé gníomh tarmligthe, tabharfaidh an Coimisiún fógra, an tráth céanna, do Pharlaimint na hEorpa agus don Chomhairle faoi.
6. Ní thiocfaidh gníomh tarmligthe a ghlactar de bhun [] Airteagal 46(4), [] i bhfeidhm ach amháin mura mbeidh aon agóid curtha in iúl ag Parlaimint na hEorpa ná ag an gComhairle laistigh de thréimhse dhá mhí tar éis fógra faoin ngníomh sin a thabhairt do Pharlaimint na hEorpa agus don Chomhairle nó más rud é, roimh dhul in éag na tréimhse sin, go mbeidh Parlaimint na hEorpa agus an Chomhairle araon tar éis a chur in iúl don Choimisiún nach ndéanfaidh siad aon agóid. Cuirfear síneadh dhá mhí leis an tréimhse sin ar thionscnamh Pharlaimint na hEorpa nó na Comhairle.

Airteagal 64

Aisghairm

1. Aisghairtear Rialachán (CE) Uimh. 714/2009. Déanfar tagairtí don Rialachán aisghairthe a fhorléiriú mar thagairtí don Rialachán seo agus léifear iad i gcomhréir leis an tábla comhghaoil atá in Iarscríbhinn II.
- 1a. Leanfaidh aon gníomh cur chun feidhme arna ghlacadh ar bhonn Rialachán 714/2009 d'fheidhm a bheith aige thar dháta aisghairme Rialachán 714/2009 go dtí go n-aisghairfear é.**

Airteagal 65

Teacht i bhfeidhm

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh feidhm aige ó 1 Eanáir 2020.

Beidh feidhm ag Airteagal 13 agus ag Airteagal 58a den Rialachán seo le héifeacht ó dháta theacht i bhfeidhm an Rialacháin seo.

Chun Airteagal 13 a chur chun feidhme, beidh feidhm ag Airteagal 14 den Rialachán seo le héifeacht ó dháta theacht i bhfeidhm an Rialacháin seo.

Chun athbhreithniú a dhéanamh ar an Rialachán seo tráth nach déanaí ná deireadh 2030, déanfaidh an Coimisiún, i gcás inarb iomchuí, togra reachtach a thíolacadh.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil,

Thar ceann Pharlaimint na hEorpa
An tUachtarán

Thar ceann na Comhairle
An tUachtarán